

TAIALA MO LE ATINAE O SAMOA

2012-2016

“faatupulaia fua o faaeleeleaga mo se atina’e manuia”

E leai se tapulaa i le faaaogaina po o le lomiga o soo se vaega o lenei lomiga, pe a fai e faailoa o lenei lomiga na aumai ai

Matagaluega o Tupe
Vaega e Tuufaatasia Faiga Faavae ma Fuafuaga o le Tamaoaiga
Pusa Meli Faapitoa
Apia
SAMOA
Telefoni: 34-333 Telesi: 21-312
E-Meli: eppd@mof.gov.ws
Website: www.mof.gov.ws

IULAI 2012

FAAFANUA O LE MALO TUTOATASI O SAMOA



Maua mai: www.lib.utexas.edu/maps/samoa.html

Faamatalaga o Samoa

Faiga-Malo: Faavae i faiga-faatemokalasi lona Palemene, e tasi lona Maota Fono, e aofia ai sui e 49 (e i ai suafa matai) e filifilia e tagatanuu ua 21 tausaga ma luga atu, ma sui e toalua (2) o le 49 e filifilia mai e le Au Palota Taitoatasi. O le Palemia na te filifilia sui e 12 o le Palemene e fausia ai le Kapeneta. E lima tausaga o Paeaiga ma faia Faigapalota Lautele. O le Vaega Faaupufai e Puipuia Aia Tatau a Tagata (HRPP) ua 25 tausaga sosoo o avea ai ma Faigamalo. O le Tulafono e Pulea ai Nu'u 1990 ua faamalosia ai le Pulega a Alii ma Faipule i le tausaga o le filemu i alalafaga aemaise o mataupu e aafia aoga, soifua maloloina ma agafesootai.

Faavae: Na faatulafonoina i le 1960, e faavae i tu ma aganuu aemaise ai o faiga faatemokalasi lea e maioio ai matafaioi a vaega tetele e tolu o le Malo. (Fono faitulafono, Faamasinoga ma Pulega Faatonu).

Faiga Faaletulafono: O Faiga-faaletulafono a Samoa o loo mulimulitai i faavae a le Malo o Peretania e pei ona faaogaina e le tele o Malo o le Taupulega. E tausisia faiga-faatemokalasi lea e filifilia ai sui o le Palemene i faigapalota i le tai 5 tausaga; o le Palemia ma lana Kapeneta e pulea le faagaioia o mataupu e aafia ai le lotoifale o le atunuu i aso taitasi.

Gagana: Samoa ma le Faa-peretania.

Faamasinoga: O Faamasinoga a Samoa e faagaioia i ituaiga o Faamasinoga Faaitumalo e lua (2) ma le Faamasinoga Maualuga e faatautaia e Alii Faamasino e toa 5. O Faamasinoga Apili e faatasi ona faia i le tausaga, ma e faatinoina e Faamasino mai Fafo. E ese mai ai le Faamasinoga o Fanua ma Suafa lea e gafa tonu ma mataupu tau i eleele faale-aganuu ma Suafa Matai.

Laufanua: 2,820 km² le tuufaatasiaga o laufanua o Samoa e aofia ai Upolu ma Savai'i ma isi motu laiti e fitu; 43% e mafai ona faaogaina mo faatoaga.

Ogasami Fagotaina faa-letulafono: aupito laititi i le Pasefika i le nao le 98,500 km².

Faitau Aofai o Tagata (2011): 186,340; 76% i Upolu; 20% i le talafatai i Apia.

Tamaoaiga (GDP) (2011): SAT\$1,546.5 miliona; US\$505.8 miliona.

Vaega o le Tamaoaiga (2011): Atinae Muamua 10%; Fale-gaosi oloa 22%; Tautua ma Auaua 68%.

Tupe Maua a le Tagata e toatasi (2011): SAT\$8,299; US\$2,714.

Tupe Faamomoli mai Fafo (2000 – 2011): e tusa ma le 18.2% o le Tamaoaiga. (GDP).

Fuafaatatau o le Soifuaga o Tagata (2011): 0.688, faatulagaina ai Samoa i le lona 99 mai le 187 o atunuu, o loo i le vaega o atunuu o loo feololo le soifua manuia o tagata.



UPU TOMUA, AFIOGA I LE MINISITA O TUPE

E ia te au le ava ma le faaaloalo, e faalauiloa atu ai le Taiala mo le Atinae o Samoa (TAS) mo le vaitaimi 2012–2016. O lenei taiala o le lona fitu ai lea o taiala mai isi taiala ua tuanai atu, ae o le lona lua ai lea o taiala ua tapenaina mo le isi fa tausaga faaletupe ina ia fesootai lelei ma faagasologa o le Tala o le Tupe a le Malo.

O lenei lomiga o lo’o faaaliamanino ai taiala ma vaega tetele o lo’o ave iai le faamumua mo le atina’e o Samoa i le fa tausaga o luaman’i. I le maea ai ona tuufaatasia o le iloiloga o le TAS 2008 – 2012 faatasi ai ma finagalo sa faaaliamanino i faatalanoaga faalaua’itele, ua taoto ai i paga le faavae o le TAS 2012 – 2016 ina ia ave le faamuamua i le toe unaia ma le faamalosi o le Tamaoiga e ala i le si’itia o atina’e i vaega o lo’o unaia le tamaoiga. O le si’itia o fua o faaeleeleaga e ala mai i le vaega o faatoaga o se vaega taua lea e ao ona tulimatai’a aua le fofoga taumafa o tagata lautele faapea foi ona fesoasoani i le unai’a o auala ma le agavaa o tatou tagata e mafai ai ona auina atu oloa i atunuu i fafo. O le a ave foi le faamamafa i le vaega o gaosi oloa ina ia mataituina le gaosia o oloa ma fua o faaeleeleaga mo le auina atu i fafo aemaise le unai’a o atina’e i totonu o le atunuu e sui ai oloa faatau mai fafo.

O le faamoemoe tonu lea ua avea ai ma sini autu o lenei lomiga le *“Faatupulaia Fua o Faeleeleaga mo se Atina’e Manuia”*. O le a o gatasi foi ma le Vaaiga Taulai o lo’o tumau pea le tulimatai le *“Si’itia le Soifua Manuia o Tagata Uma”*.

O lenei faamoemoe, o loo tulimatai foi atinae/taunuuga moomia i vaega e pei o le; Ia mausali le tamaoiga, Ia faatupulaia tagata tafafao mai fafo, Unai’a le soifua maloloina ma tulaga i aoaoga, Faafaigofie tulaga mo le atinaeina o pisinisi, Galulue faatasi mo se Samoa saogalemu ma toa-filemu, faaleleia auaunaga tau atinae tetele, faapea le faatau o le tatou siosiomaga, e ala i le faaogaina tatau o a tatou punaoa faalenatura, atinae tau malosiaga faafouina, ma le puipuiga mai fesuiaiga o le tau.

Ua maea tapena foi faailoilo manino e fuaina ai le faatinoga o atinae/taunuuga moomia e pei ona ta’ua. E tūa tele lenei vaega ina ia manino ai i latou o le a faatinoina nei atinae, i vaega uma e tatau ona ausia, ma o le a faafaigofieina ai foi le toe iloilo ina o lenei taiala.

Ou te talitonu o le ausia o nei taunuuga moomia o le a faamalieina ai taunuuga faatulagaina mo Manulauti o le Meleniuma mo Samoa.

O lenei Taiala na tuufatasia ma saunia e ala i ni faatalanoaga faalauaite faatasi ai ma le galulue faatasi ma vaega eseese o le tamaoiga. Sa faatino nei faatalanoaga e le gata i Uplou nei aemaise foi i Salafai ma Taitai o Ekalesia; Sui o le Malo; Komiti o Tina ma Tama’itai; Au Faifaatoaga ma le Au Faifaiva; Faalapotopotoga Tumaoti; Tupulaga Talavou; Vaega o Tagata Tafafao Maimoa mai Fafo; Aoaoga; Soifua Maloloina; Aufaipisinisi faapea Matagaluega ma Faalapotopotoga a le Malo. O nei taumafaiga o loo atagia ai le naunautiga o le Malo ina ia faatūa uma manatu o tagatanuu o Samoa i le fausia o taiala e limata’ita’i ina ai le tatou folauga mo le isi fa tausaga o lumana’i.

E tusa ai ma aiaiga talafeagai, ua tuuina faatasi atu ai i totonu o lenei lomiga le iloiloga o le TAS 2008 – 2012. O lenei iloiloga o lo’o faalia manino ai le ausia o tulaga lelei o le tamaoiga faapea i le soifuaga lautele e ui i faigata sa feagai ma le tatou atunuu ona o le aafiaga o le tamaoiga o le lalolagi 2008 faatasi ai ma le Sunami o le 2009.

O lenei Taiala o le faavae lea o galuega faatino o le Malo, vaega eseese uma o le tamaoiga, faatasi ai ma a tatou paaga mai fafo. E iai le talitonuga o le a fetai Samoa ma faafitauli i le faatinoina o lenei Taiala, peitai e maualuga le faamoemoe o ala fua ua faataatitia i totonu o lenei taiala o le a limataitaiina ai lo tatou sa i le lumanai.

E ia te au le agaga fiafia e tuuina atu ai lenei Taiala i le mamalu o le atunuu ma a tatou paaga mai fafo. Ou te talitonu o le lelei ona faatino o lenei Taiala o le a si’itia ai le soifua manuia o tagata nuu uma o Samoa.

(Afioga. Faumuina Tiatia Faaolatane Liuga)

MINISITA O TUPE

FAATULAGAGA O MATAUPU

FAAPUPUU O UPU	viii
VAEGA 1: TAIALA MO LE ATINAE O SAMOA 2012-2016	1
VAAIGA TAULAI	2
VAEGA 2: TAUNUUGA MOOMIA MA TAIALA 2012-2016	4
VAEGA FAAMUAMUA 1: PULEA LELEI O LE TAMAOAIGA	5
Taunuuga Moomia 1: Mausali le Tamaoaiga	5
Taunuuga Moomia 2: Siitia Tulaga o Faatoaga	6
Taunuuga Moomia 3: Oloa Faatauina atu i Atunuu i Fafo	7
Taunuuga Moomia 4: Mausali le Faatupulaia o Tagata Tafafao Maimoa mai Fafo	9
Taunuuga Moomia 5: Faafaigofie Tulaga mo le Atinaeina o Pisinisi	10
VAEGA FAAMUAMUA 2: MATAITUINA O LE SOIFUAGA LAUTELE	12
Taunuuga Moomia 6: Samoa Soifua Maloloina	12
Taunuuga Moomia 7: Faamamafa le Siitia o Avanoa ma Iuga o Taumafaiga Faaleaoaoga	14
Taunuuga Moomia 8: Faatumauiina Soifuaga Laulelei	15
8.1 Samoa Saogalemu ma le Mautu	15
8.2 Atinae o Nuu ma Afioaga	16
VAEGA FAAMUAMUA 3: AUAUNAGA MA ATINAE TETELE	17
Taunuuga Moomia 9: Siitia Auaunaga mo Suavai Mama ma Unaia le Faaagaina o Fale mo Suavai Lafoai	17
Taunuuga Moomia 10: Auaunaga ma Atinae Tetele aua le Faafaigofieina ma le Saogalemu o Felauaiga	18
Taunuuga Moomia 11: Ala Fesootaiga mo Tagata Uma o Samoa	19
Taunuuga Moomia 12: Malosiaga Mausali	20
VAEGA FAAMUAMUA 4: SIOSIOMAGA	22
Taunuuga Moomia 13: Siosiomaga Gafataulimaina	22
Taunuuga Moomia 14: Puipuiga mo Fesuiaiga o le Tau ma Faalavelave Matuia	23
MATAITUINA MA LE ILOILOGA	26
VAEGA 3: AUILIILIGA O TAUNUUGA O ATINA'E FAATAATIA O LE TAIALA MO LE ATINAE O SAMOA 2008-2012: ATINAE MANUIA MO NEI MA A TAEAO	49
FAAMATALAGA	50
Manulauti 1: Mausali le Tamaoaiga	50
Manulauti 2: Unaia le Tamaoaiga ma Avanoa Faigaluega e le Vaega Tumaoti	51
Atinae ma Auaunaga Tetele	52
Malosiaga	52

<i>Auaunaga Tau Suavai ma Otaota Lafoai</i>	52
<i>Fesootaiga</i>	53
<i>Femalagaiga</i>	53
Tulafono ma Auaunaga Talafeagai mo Pisinisi	54
Atinae o le Vaega o Tupe	55
Faigafaavae mo Fefaatauaiga	56
Atinae mo le Lumanai	56
Vaega Faataua	57
Turisi	57
Faatoaga	58
Faiga Faiva	58
Pisinisi ma le Gaosiina o Oloa	58
Atinae o Taaloga	59
Manulauti 3: Siitia Taunuuga o Aoga	59
Manulauti 4: Faaleleia le Soifua Maloloina	62
Manulauti 5: Siitia le Tamaoiga ma le Soifuaga lautele, Faaleleia Pulega o Nu	62
Manulauti 6: Faaleleia Pulega	63
Pulega Faatonu a le Malo o Samoa	63
Puleaina o Tupe a le Malo	64
Fetuunaiga mo Faalapotopotoga Tumaoti a le Malo	64
Fuainumera	64
Tulafono ma Faamasinoga	65
Manulauti 7: Puipuiga o le Siosiomaga ma le Faaitiitia o Aafiaga o faalavelave Faalenatura	65
Pepa Faapipii 1:	68

FAAPUUPUU O UPU

ACP	-	African, Caribbean and Pacific
ASC	-	Agriculture Store Corporation
ASP	-	Agriculture Sector Plan
ASH	-	America Samoa Hawaii
ADB	-	Asian Development Bank
AGO	-	Attorney General's Office
APTC	-	Australia and Pacific Technical College
BSS	-	Bachelor of Samoan Studies
BMS	-	Border Management System
CBS	-	Central Bank of Samoa
CSS	-	Centre for Samoan Studies
CSSP	-	Civil Society Support Program
CCA	-	Climate Change Adaptation
CPEIR	-	Climate Public Expenditure and Institutional Review
CBFMP	-	Community-Based Fisheries Management Program
CSL	-	Computer Service Limited
CEDAW	-	Convention on the Elimination of all forms of Discrimination Against Women
CRC	-	Convention on the Right of the Child
CLAC	-	Customary Land Advisory Commission
DBS	-	Development Bank of Samoa
DTIS	-	Diagnostic Trade Integration Study
DMO	-	Disaster Management Office
DRM	-	Disaster Risk Management
DRR	-	Disaster Risk Reduction
ECE	-	Early Childhood Education
EPA	-	Economic Partnership Agreement
EPC	-	Electric Power Corporation
EDMS	-	Electronic Document Management System
ECU	-	Emergency Communication Unit
EIB	-	European Investment Bank
EU	-	European Union
GEF	-	Global Environment Facility
GDP	-	Gross Domestic Product
IWSA	-	Independent Water Scheme Association
ICT	-	Information, Communication and Technology
IT	-	Information Technology
ISP	-	Institutional Strengthening Program
IANZ	-	International Accreditation New Zealand
IFC	-	International Finance Corporation
ILO	-	International Labour Organization
IMO	-	International Maritime Organization
IOS	-	International Organization for Standardization
LTA	-	Land Transport Authority
LRC	-	Law Reform Commission
LDC	-	Least Developed Country
MPAs	-	Marine Protected Areas
MSME	-	Micro, Small and Medium Enterprises
MSS	-	Minimum Service Standards
MAF	-	Ministry of Agriculture and Fisheries
MCIL	-	Ministry of Commerce, Industry and Labour
MESC	-	Ministry of Education, Sports and Culture

MOF	-	Ministry of Finance
MOH	-	Ministry of Health
MJCA	-	Ministry of Justice, Courts and Administration
MNRE	-	Ministry of Natural Resource and Environment
MPP	-	Ministry of Police and Prison
MPMC	-	Ministry of the Prime Minister and Cabinet
MfR	-	Ministry for Revenue
MWCSD	-	Ministry of Women Community and Social development
MWTI	-	Ministry of Works, Transport and Infrastructure
NAPA	-	National Adaptation Program of Action
NBSAP	-	National Biodiversity Strategy and Action Plan
NEOC	-	National Emergency Operations Centre
NECC	-	National Energy Coordinating Committee
NES	-	National Export Strategy
NEA	-	National Export Agency
NHS	-	National Health Services
NISP	-	National Infrastructure Strategic Plan
NISS	-	National Invasive Species Strategy
NUS	-	National University of Samoa
NWP	-	Neighbourhood Watch Programme
NZ	-	New Zealand
NCD	-	Non Communicable Diseases
NGO	-	Non Government Organization
OOTR	-	Office of the Regulator
PACER	-	Pacific Agreement on Closer Economic Relations
PICTA	-	Pacific Island Countries Trade Agreement
PRTI	-	Pacific, Regional Tourism Initiative
PSSC	-	Pacific Senior School Certificate
PE	-	Physical Education
PSET	-	Post-Secondary Education Training
PSSF	-	Private Sector Support Facility
PASP	-	Public Administration Sector Plan
PEFA	-	Public Expenditure and Financial Accountability
PPP	-	Public-Private Partnership
PSC	-	Public Service Commission
RE	-	Renewable Energy
RSE	-	Recognised Seasonal Employment
SAA	-	Samoa Airport Authority
SASNOC	-	Samoa Association of Sports and National Olympic Committee
SBC	-	Samoa Broadcasting Corporation
SBS	-	Samoa Bureau of Statistics
SFESA	-	Samoa Fire and Emergency Service Agency
SIEDP	-	Samoa Inclusive Education Development Program
SLC	-	Samoa Land Corporation
SNEP	-	Samoa National Energy Policy
SNPF	-	Samoa National Provident Fund
SPELL	-	Samoa Primary Education Literacy Level
SQA	-	Samoa Qualification Authority
SQF	-	Samoa Qualification Framework
SSC	-	Samoa Shipping Corporation
STA	-	Samoa Tourism Authority
STEC	-	Samoa Trust Estate Corporation
SWA	-	Samoa Water Authority
SROS	-	Scientific Research Organisation of Samoa

SPREP	-	Secretariat of the Pacific Regional Environment Programme
SBEC	-	Small Business Enterprise Centre
SME	-	Small Medium Enterprises
SPBD	-	South Pacific Business Development
SOE	-	State of the Environment
SOEs	-	State Owned Enterprises
SDS	-	Strategy for the Development of Samoa
TDP	-	Tourism Development Plan
TTRP	-	Tourism Tsunami Rebuilding Programme
TCM	-	Trade, Commerce and Manufacturing
TTM	-	Tupua Tamasese Meaole
UNDP	-	United Nation Development Programme
UNESCO	-	United Nations Educational, Scientific and Cultural Organization
UNICEF	-	United Nations International Children’s Emergency Fund
USA	-	United States of America
UTOS	-	Unit Trust Office of Samoa
WIBDI	-	Women in Business Development Incorporated
WTO	-	World Trade Organization

VAEGA 1: TAIALA MO LE ATINAE O SAMOA 2012-2016

VAAIGA TAULAI

E ui i le tulaga maaleale sa iai le tamaoaiga o le Lalolagi i tausaga ua tuana'i, o lo'o faalia lava le tumau o le tulaga maualuga o tanuuga sa ausia i atina'e o Samoa. O lenei mau ua faapea ona faamautuina e ala i manulauti ma faailoilo sa faapea ona maitauina ai le tulaga mausali o le tamaoaiga ma le siitia o le soifua manuia o tagata. E ui i ia tanuuga lelei, e anoanoa'i galuega e tatau ona faatino e le Malo, tagatanuu o Samoa faapea le lagolagosua o a tatou paaga mai fafo i vaega eseese o le atunuu ina ia saga unaia ai le faaleleia o le soifua manuia o tagata aemaise lava le vaega o faatoaga. O lenei fo'i faamoemoe, o ni luitau e le muta ma e ao ona faaauau pea ma o loo o gatasi ma taiala o isi tausaga ua mavae, ina ia atagia ai pea le naunautauga o Samoa ma ona tagatanuu ina ia:

Siitia le Soifua Manuia o Tagata Uma

O le faamoemoega lava o lenei Vaiga Taulai e faalagolago malosi lava i le ausia uma o taunuuga moomia e sefulu ma le fa (14)u afaatulagaina i le TAS 2012-2016. O nei taunuuga moomia ua fuafua e fatino i totonu o vaega faamuamua lautetele e fa (4) o le atunuu, e pei o le; Pulea Leleia o le Tamaoaiga; Mataituina o le Soifuaga Manuia Lautetele; Auaunaga ma Atina'e Tetele ma le Siosiomaga. O ia taunuuga moomia e aofai ai:

Vaega Faamuamua 1: Pulea Leleia o le Tamaoaiga

- Taunuuga Moomia 1: Mautu ma Mausali Faavae o le Tamaoaiga
- Taunuuga Moomia 2: Toe Lalaga le Tulaga o Faatoaga ma Faigafaiva
- Taunuuga Moomia 3: Siitia le Tulaga o Oloa Faatauina Atu i Atunuu i Fafo
- Taunuuga Moomia 4: Mausali le Faatupula'ia o Tagata Tafafao Maimoa mai Fafo
- Taunuuga Moomia 5: Faafaigofie Tulaga mo le Atina'eina o Pisinisi

Vaega Faamuamua 2: Mataituina o le Soifua Manuia Lautetele

- Taunuuga Moomia 6: Samoa Soifua Maloloina
- Taunuuga Moomia 7: Faamuamua maua o avanoa mo Aoga
- Taunuuga Moomia 8: Soifuaga Saogalemu

Vaega Faamuamua 3: Auaunaga ma Atina'e Tetele

- Taunuuga Moomia 9: Faaleleia le Suavai Mama mo le Fofoga Taumafa ma le Puipuia mai Faama'i
- Taunuuga Moomia 10: Mausali ma Saogalemu le Tulaga o Felauaiga
- Taunuuga Moomia 11: Faaleleia ma ia Gafatia le Auaunaga o Fesootaiga
- Taunuuga Moomia 12: Siitia le Auaunaga Tau Malosiaga

Vaega Faamuamua 4: Siosiomaga:

- Taunuuga Moomia 13: Siosiomaga Gafataulima
- Taunuuga Moomia 14: Puipuiga mo Fesuaiga o le Tau ma Faalavelave Matuia

O le sini autu mo le TAS 2012-2016 ina ia siitia ai le soifua manuia o tagata o le ***faatupulaia fua o faaeleeleaga mo se atina'e manuia***. O lenei sini autu o lo'o ua aofai ai le naunautaiga o Samoa ma ona tagata ina ia faatupulaia fua o faaeleeleaga i soo se vaega o le atunuu ma lona tamaoaiga aua le alu alu i luga o le soifua manuia o tagata. O le taunuuga o le sini autu o le a faapea ona puipuia mai ai Samoa i ni aafiaga o le tulaga maaleale o le tamaoaiga o le lalolagi i le lumana'i.

VAEGA 2: TAUNUUGA MOOMIA MA TAIALA 2012-2016

VAEGA FAAMUAMUA 1: PULEA LELEI O LE TAMAOAIGA

Taunuuga Moomia 1: Mausali le Tamaoaiga

Taiala

1. Mausali tulaga lelei mo le faasoasoina tatau o tupe a le Malo ma puipuiga o le tamaoaiga:
 - Faaauau ona faamalositia pulega lelei o tupe a le Malo,
 - Faatinoina ma mataituina le Taiala mo Nonogatupe, ma
 - Faatinoina ma iloiloiloina le Faiga faavae mo Tupe faameaalofa mai fafo;
2. Fetuuna'i faiga faavae talafeagai o tupe a le atunuu;
3. Ia faia se auivi talafeagai mo le vaega o tupe; ma
4. Faia se taiala mo le se'e ese mai o Samoa mai atunuu e vaivai le tamaoaiga i le lalolagi.

ai ma le vaega o turisi. Sa faapea fo'i ona vaea ai le aufaigaluega a le Yazaki ona ua faaitiitia manaoaga mai



kamupani taavale mai fafo faapea ai ma le alu i luga o tau mo felauaiga ona o le siitia o le tau o le suauu. O tupe faamomoli mai fafo e tusa ma le 24% o le tamaoaiga lea sa faapea ona aafia i le tapuniina o le fale i'a i Amerika Samoa ma le faatupulaia o le numera o tagata leai ni galuega i Amerika ma Niu Sila. O le tele o tagata Samoa o loo aumau i Niu Sila, Amerika ma Ausetalia. O polokalame mo avanoa faigaluega ise vaitaimi puupuu, o loo faapea ona maua ai avanoa o tagata Samoa e faigaluega ai i Niu Sila ma Ausetalia.

E iu la i le tele o faalavelave sa aafia ai le tamaoaiga o Samoa, ae o loo faaauau pea le pitolaau a le Malo ina ia faaleleia le tamaoaiga ma ia unaia lona faatupulaia ina, ina ia mafai

ona maua avanoa lelei mai le tamaoaiga o le lalolagi faapea ma le pasefika, ma faia ni auala poo taiala e faaitiitia ai aafiaga o faalavelave faale natura ma le fesuiaiga o le tau. O lenei tulaga, o le a faapea ai ona faaauau le pitolaau a le Malo ina ia mautinoa ma mataituina le

O le tamaoaiga o Samoa i le piliota o le Taiala mo Atinae 2008 – 2012 sa faapea ona le'i ausiaina faailoilo autu. O le sini autu mo le faatupulaia o le tamaoaiga ei i le va o le 3 – 4% i le tausaga. Aepeitai, i le fa tausaga talu ai o le Taiala mo Atinae o Samoa 2008 – 2012 sa faapea ona i ai le faamaumauga i le leai ose faatupulaia o le tamaoaiga. O loo alia'i mai ai le faalaitiitia i le 0.7% i le tausaga o le tupe a le tagata e toatasi (per capita GDP). O nei tulaga uma e mafua mai ona o aafiaga sa faapea ona aafia ai le tamaoaiga o Samoa, e i ai le galu lolo (tsunami) ia Setema 2009 faapea ma le tulaga faaletonu o le tamaoaiga o le lalolagi lea sa faapea ona taugata ai tau o meataumafa ma le tau o le suauu ma sa aafia

Faailoilo e Mataituina ai Taiala

1. Faiga faavae tau tupe a le Malo:
 - Ia le sili atu ma le 3.5% o le tamaoaiga le tupe pau o le tala o le tupe a le Malo;
2. Ia le sili atu ma le 50% o le tamaoaiga ia nonogatupe a le Malo;
3. Faaleleia Faamaumauga Manino o Tupe Faaalu a le Atunuu (Public Expenditure and Financial Accountability (PEFA) mai le 2010;
4. Faiga faavae tau tupe a le atunuu:
 - Ia i le va o le 3 – 4% i le tausaga le tau o le soifuaga,
 - Ia i le va o le 4 – 6 masina e gafatia ai e tupe faaagaga oloa faatau mai fafo,
 - Ia lelei le tau o fesuiaiga o tupe i fafo,
 - Faaleleia tulaga talafeagai mo le faia lea o nonogatupe a le veega faipisinisi tumaoti; ma
5. Pulega o le tamaoaiga:
 - Ia ausia le 3 – 4% e faatupulaia ai le tamaoaiga i le tausaga.

faaitiitia o le tupe pau (fiscal deficit) ma toe faatupulaia tupe teu faaagaga i fafo e puipui ai le tamaoaiga mai ni faalavelave (shocks) e ono aafia ai i le lumanai. O ia tulaga e puipui ai le tamaoaiga, e ala mai i nonogatupe e laiti tului mo le lagolagoina o le Tala o le Tupe a le Malo (budget support) ina ia mafai ona faaleleia ai le tamaoaiga. E ala tatau ma taua tele le faauauu ona faia oni fetuunaiga mo le faaleleia o le tamaoaiga ina ia mafai ai ona unaia le faatupulaia o le tamaoaiga mo se taimi umi. O le auivi talafeagai mo le vaega o tupe o le a faapea ona iloilo ma faatinoina ina ia mautinoa ai tulaga talafeagai mo le tamaoaiga.

Taunuuga Moomia 2: Siitia Tulaga o Faatoaga

Taiala

1. Tautuna le iai o vaega uma o loo taua i lalo aua le unaia ma le faatupulaia o le fuainumera o tagata faifaatoaga ma faiga faiva:
 - Auaunaga e fautuaina ai le au faifaatoaga, fai lafu manu ma le au fai faiva,
 - Ia mausali ma atoatoa mea faigaluega uma aua galuega mo le au faifaatoaga, fai lafu manu ma le au fai faiva, ma
 - Faafaigofieina le gafatia e tagata uma o lenei vaega maoti ona maua nonogatupe ma nisi faamaumauga aua le maketiina o a latou oloa;
2. Unaia le faaaogaina o suesuega ile gaosiaina o oloa mai fua o faaeleeleaga aemaise ai fo'i lafu manu ma faigafaiva;
3. Lagolagoina le atina'ega o faatoaga e le faaaogaina ai vailaau;
4. Siitia le tulaga o aoaoga ma le tomai e ala lea i le unaia o aoaoga mo lenei vaega maoti i aoga tulaga lua, aoga maualuluga aemaise ai Aoga mo Matata Eseese; ma
5. Siitia fo'i le tomai mo e aafia i le tuufaataisa o faiga faavae, fuafuaga faataatia aemaise ai faiga o pulega aua le mausali o le atinaeina o lenei vaega maoti.

O le a ave pea le faamuamua i le Vaega Maoti o Faatoaga (e aafia ai ma Faigafaiva) aua le unaia lea o le tamaoaiga aemaise ai le faamausaliina o fua o faaeleeleaga aua le fofoga taumafa o le atunuu ma avea ai nei atinae ma nisi o ala tupe mo tagata nuu o Samoa aemaise ai fo'i le toe siitia lea o le tulaga o oloa faatauina atu i atunu'u i fafo. O lenei taunuuga moomia o loo atalia mai i totonu o le Fuafuaga Faataatia mo le Vaega Maoti o Faatoaga 2011 - 2016 i lona anava tau "Faatoaga aua le Fofoga Taumafa ma Ala Tupe Mausali" ma lona sini autu "... faamuamua faatoaga ma faigafaiva...".

O le naunautaiga mo le Fuafuaga Faataatia mo le Vaega Maoti o Faatoaga, ina ia siitia le sao o lenei vaega i le tamaoaiga ina oo atu i le tausaga 2015 ua ausia le 20%. Mo le 4 tausaga o lumana'i, o le a ave le faamuamua ile siitia lea o auaunaga mo faifaatoaga ma faifaiva aua le sueina lea o maketi mo a latou oloa aemaise ai fo'i ia tautuana le iai uma o mea faigaluega ma fatu o fua o faaeleeleaga ina ia mafai ai ona ausia lea taunuuga moomia. E le gata i lea, ae o



le a taumafai fo'i ina ia faafaigofieina avanoa mo nonogatupe mo faifaatoaga ma le au faifaiva. O le naunautaiga ina ia faatupulaia le fuainumera o tagata o le a galulue i lenei Vaega Maoti aua le siitia pea lea o le tulaga o fua o faaeleeleaga ina ia faamausali ai le iai o ni ala tupe mo tagata nuu o Samoa ma ono faaitiitia ai le faatauina mai o oloa mai atunuu i fafo.

O le Faalapotopotoga o Suesuega Faasaaienisi o le a limata'ita'ia le atina'eina o metotia mo le gaosia lea o oloa mai fua o faaeleeleaga e ono mafai ona sui atu i oloa faatau mai atunuu i fafo. O le naunautaiga fo'i mo le vaitami o le TAS ina ia siitia le fuainumera o tagata o le a faaaogaina nei metotia i le maea ai o suesuega. O le a faatautaia fo'i ni suesuega aua le gaosiga o oloa e faaoga ai faigafaiva, lago meli ma lafu manu e pei ona faia lea mo le falaoamata mai le manioka ma le ulu aemaise ai fo'i le suauu maua mai lea i le avoka ina ia faatupulaia ai ala tupe mo le au faifaiva, fai lafu manu aemaise ai faasao lago-meli.



Faailoilo e Mataituina ai Taiala

1. Faatupulaia i le 2% i le tausaga le sao ile Tamaoaiga;
2. Faaitiitia le faatauina mai i totonu o fua o faaeleeleaga ma oloa o pusa aisa e aafia ai manu fasi;
3. Siitia le tulaga o fua o faaeleeleaga o loo faatauina mai i le Maketi i Fugalei;
4. Faatupulaia le fuainumera o tagata faifaatoaga ma le aufaifaiva laiti o lo'o fai faapisinisi fo'i a latou ma'umaga ma faiva;
5. Faatupulaia le aofaiga o tagata o lo'o galulue poo o lo'o iai fo'i le latou sao i le Vaega Maoti o Faatoaga ma Faigafaiva;
6. Faatinoina feutanaiga i le va o le Malo ma le vaega tumaoti aemaise ai nisi paaga masani;
7. Faavaeina faamaumaga o le sao ile Tamaoaiga o faatoaga ma faigafaiva laiti o loo faaaogaina lea mo le fofoga taumafa o tagatanuu (e ese mai ile aufaipisinisi);
8. Faatuina auaunaga i nuu i tua e fautuaina ai le aufaifaatoaga; ma
9. Fuainumera o e faauuina mai aoga maualuluga poo Iunivesite ma Aoga o Matata

O le faataunuuna manuia o nei taumafaiga uma, o le a faamoemoe lea i le tomai ma le agavaa aemaise ai fo'i le nofo malamalama o tagata uma e aafia i lenei Vaega Maoti ma o le vaaia taula'i o loo iai ina ia faatautaia ni polokalame aua lenei faamoemoe aemaise ai fo'i le taumafai ina ia iloilo silapasi o aoga ina ia mafai ona aoaoina mataupu tau fai faatoaga ma faiga faiva. Ma o le a o gatasi uma nei galuega ma le faamoemoe ina ia iai ni faiga faavae o le a faamalosi ai le galulue faatasi o le Malo ma ona paaga e aafia ai le Vaega Tumaoti aemaise ai nuu ma alalafaga.

Taunuuga Moomia 3: Oloa Faatauina atu i Atunuu i Fafu

O le tele o oloa faatauina atu i fafo o fua o faaeleeleaga e le'i gaosiaina ma o lo'o faamauina le alu alu pea i lalo o lenei atina'e pe a faatusa atu i le 10 tausaga ua tuana'i. O le faamoemoe a le Malo mo le 4 tausaga o lumana'i ina ia siitia le tulaga o faiga pulega ma le vaavaiga o lenei vaega maoti aua le atina'ega ma le siitia o oloa faatauina atu i fafo. O lenei tulaga e moomia ai ona siitia le agava'a o nei oloa i maketi i atunu'u i fafo aua le taunuu manuia o galuega faalauiloa ma e ala tatau ai ona siitia taumafaiga mo le faataugofieina o le gaosiina o nei oloa.



O taumafaiga aua le faalauaitelina o oloa faatauina atu i atunu'u i fafo o lo'o ave iai le

Taiala

1. Iloilo ma faatino le Taiala mo Oloa Faatauina atu i Atunuu i Fafo;
2. Faavaeina se Komiti faapitoa e faafoeina auaunaga aua le faalauiloaina o oloa faatauina atu i atunuu i fafo aemaise ai fo'i le faatautaia o faatalatalanoaga ma susesuega i ni maketi e ono faatauina atu ai oloa;
3. Faalauiloa ma unaia fua o faaeleeleaga mai faatoaga e le faaaogaina ai vilaaau;
4. Faatautaia su'esu'ega ma faalauiloa oloa e ono gaosia mai i fua o faaeleeleaga ma aano o manu fasi aua le faamoemoe e faatauina atu i atunu'u i fafo;
5. Una'ia le galulue so'oso'o tau'au o le aufaipisinisi uma o lo'o gaosia oloa ina ia mafai ona tali atu i mana'oga mo oloa faatauina atu i atunuu i fafo; ma
6. Faamalosia le galulue faatasi o le Komiti Faapitoa mo oloa faatauina atu i fafo ma le au faipisinisi o loo gaosia nei oloa.

faamuamua i fetuunaiga o faiga faavae mo fefaatauaiga. O le tulaga siitia o le pa'u o le paleni o fefaatauaiga mo le atunu'u e afua mai lea i le alu alu pea i lalo o oloa faatauina atu i fafo i tausaga ua mavae ma o lea sa faavaeina ai ma amata faatinoina ai le Taiala mo Oloa Faatauina Atu i Fafo 2008 - 2012 i le tausaga 2009 aua le taumafai e siitia lenei tulaga. O le tele o tupe maua mai fefaatauaiga mo le atunu'u e maua mai lea i le faatauina atu i fafo o oloa ua mae'a gaosiina e aofia ai i'a, nonu, sua o le nonu, suau'u popo, pe'epe'e, pia ma le taro. A faatusa atu ile aotelega o tupe maua, o lo'o faamauina le maualuga o tupe maua faatauina o i'a, soso'o atu ai ma oloa gaosiina mai le popo.

E ala tatau ona faatinoina se iloiloga o le Taiala mo Oloa Faatauina atu i Fafo 2008 - 2012 ina ia o gatasi lelei ma fesuaiga o lo'o iai nei ile tamaoaga o le atunu'u aemaise ai le lalolagi. E tusa ma le 53 galuega faatino o lo'o faataatia mai i lenei Taiala. E 30 sa amata faatinoina i le 2009 - 2010, o nisi galuega o lo'o faaauauina pea

ae to'aititi ua mae'a faatinoina e aofia ai le faavaeina o se Ofisa Faapitoa mo Oloa Faatauina Atu i Fafo ua talitonuina o se tasi lea o matati'a taua i le faatinoga lea o le Taiala o lo'o ta'ua. O le matafaioi o lenei Ofisa Faapitoa o le auina atu lea o faamaumauga e fesoasoani atu ai i le au faipisinisi ma isi tagata o lo'o faatauina atu oloa i atunu'u i fafo, ma o le a gafa fo'i lenei ofisa ma le faatautaia o ni faatalatalanoaga i le va o nei pisinisi ma maketi i atunu'u i fafo. O le tuufaatasiga o lenei Ofisa Faapitoa mo Oloa Faatauina Atu i Fafo o se tasi nei o galuega o lo'o faatāuina i le faatinoga o le Fuafuaga Faataatia mo le Vaega o Fefaatauaiga, Pisinisi ma le Gaosiina o Oloa.

E tolu itu o le gaosiina o oloa e talafeagai mo Samoa. Muamua, o le sauniga ma le gaosiina o oloa mai fua o faaeleeleaga ae peita'i e tele ni lu'itau e ono aafia lenei atina'e, e amata mai lea i le galueaina o ma'umaga e o'o lava i le taumafai lea ina ia taulia nei oloa pe a faatauina atu i fafo. E faamoemoe o le a faaititia aafiaga mai nei lu'itau pe a faatinoina galuega aua le fesoasoani atu lea e toe siitia le vaega maoti mo faatoaga. Lona lua o itu, o atina'e aua le gaosiina ma le tuufaatasiga o oloa aua le toe faatauina atu i fafo e pei o le Yazaki. Lona Tolu, o le taumafai lea e faatautaia susesuega i nisi auala po'o metotia e mafai ona gaosi ai oloa e maualuga lona tau ma patino lava i Samoa ina ia siitia ai tupe maua mo Samoa. E lē gata ia toe siitia ai atina'e o fua o faaeleeleaga, o le a faasaga fo'i galuega aua le

Faailoilo e Mataituina ai Taiala

1. Faatupulaia oloa faatauina atu i atunuu i fafo ile 5% i tausaga ta'itasi;
2. Faatupulaia ituaiga oloa ua mae'a ona gaosi o lo'o faatauina atu i atunuu i fafo;
3. Faatupulaia fua o faaeleeleaga faatauina atu i atunuu i fafo ile 3% i tausaga ta'itasi;
4. Siitia le fuainumera o le au faifaatoaga o lo'o faaaogaina faamaumauga e fautuaina ai latou atina'e;
5. Faavaeina ma faatupeina le Komiti Faapitoa mo Oloa faatauina atu i atunuu i fafo; ma
6. Maituina le galulue so'oso'o tau'au o le aufaipisinisi uma o lo'o faatauina atu i atunuu i fafo a latou oloa.

unaia lea o faatoaga e lē faaaogaina ai ni vilauu aemaise ai le faalauiloa o oloa e maualuga lona tau toe patino i Samoa e ala lea i galuega faatino a le WIBDI.

Ua toe amatalia nei se tasi o polokalame faamama avega a le Malo mo pisinisi ma tagata o lo'o faatauina atu oloa i atunuu i fafo, aua le faatinoina o vaega faamuamua e pei ona taua i luga e pei ona faamaonia mai ai e le Kapeneta ia Ianuari 2012. O lenei polokalame faamama avega ua mafai ai ona faia e pisinisi ma tagata o lo'o galuea'ina vaega o lo'o gaosiina ai oloa, faatoaga, faigafaiva, lafumanu ma nisi aua le faatauina atu i atunuu i fafo, ni nonogatupe i lalo o le faamalugaluga a le Malo.

Taunuuga Moomia 4: Mausali le Faatupulaia o Tagata Tafafao Maimoa mai Fafo

O loo numera tasi le vaega o tagata tafafao maimoa mai fafo i tupe maua mai fafo a Samoa

- | |
|--|
| Taiala |
| <ol style="list-style-type: none">1. Faaleleia ma unaia le faalauiloaina ma le maketiina o Samoa;2. Ia mautinoa le lelei o oloa ma tautua moomia e faatosina mai ai tagata tafafao mai fafo faapea ai ma le lelei atoatoa o le auunaga e ala atu lea i le faatinoina o tulaga lelei e tataua ona ausia e faletalimalo;3. Ia lagolago ma unaia fesootaiga i vaega e faia aoaoga ina ia faamalosia ai aoaoga talafeagai mo le vaega o turisi;4. Ia faaleleia fesootaiga a le aufaipisinisi a le vaega o turisi ma maketi i fafo;5. Ia faaleleia atina'e eseese tau turisi;6. Ia faia se Faiga faavae i le faalauiloaina o pisinisi i le vaega o turisi; ma7. Ia faamalosia fesootaiga a le vaega o turisi ma isi vaega o le tamaoaiga. |

ma o loo faamauina pe tusa ma le 20% o le tamaoaga. O loo atagia mai i faamaumauga o fuainumera le taua o le vaega o faletalimalo ma faleaiga i isi vaega o le tamaoaiga o Samoa. E tele le taua o le sao o le vaega o turisi i fefaatauaiga ma atunuu i fafo aemaise ai lava pe a aafia ai ma tagata Samoa o loo aumau i fafo lea o loo masani ona asiasi mai.



O tupe faaalu a tagata maimoa mai fafo o loo faapea ona faatupulaia ai tupe maua a le Malo, unaia ai ma avanoa faipisinisi a tagata Samoa faapea ai ma le faalauiloaina ma le toe fafaguina o le aganuu. O tupe maua mai fafo mai tagata tafafao maimoa mai o loo fesoasoani tele lea ina ia tumau pea le tulaga gafatia i fefaatauaiga ma atunuu i fafo. O lea tulaga e faailoa mai ai le tele o le aoga ma le taua o le vaega o turisi amata mai i tagata taitoatasi e oo atu i le aotelega o le tamaoaiga.

Sa faapea ona aafia le numera o tagata tafafao maimoa mai fafo ma tupe maua mai ai i le maea ai o le galu lolo i a Setema 2009, lea sa faapea ona faaleagaina ai le 13% o le vaega o turisi. Ao feagai le vaega o turisi ma le tele o luitau, ae ua faapea ona maitauina e le Malo le tele o le sao o le turisi i le tamaoaiga o Samoa. E tele avanoa e ono faatupulaia

ai le vaega o le turisi ma nisi tulaga lelei e ono maua pe a faapea e lelei le faalauiloaina o Samoa o le atunuu e tataua ona omai ai tagata maimoa mai fafo. O auunaga, atinae eseese ma galuega tetele tau turisi sa faapea ona toe faaleleia ma fausiaina i vaega sa aafia i le galu lolo ia Setema 2009.

O loo faaauau pea le faalauiloaina ma le maketiina o Samoa i maketi i fafo, e faailoa atu ai o Samoa ose atunuu matagofie mo tagata tafafao maimoa mai fafo. O le faalauiloa o Samoa ose atunuu mo faiga malologa ma lana aganuu tulaga ese faapea ai ma le siosiomaga puipuia ma lana tali malo lelei. O loo faaauau le galulue faatasi o le vaega o tagata maimoa mai fafo, nuu ma alalafaga, le Malo ma isi vaega i le faaleleia ma le atinaeina o oloa ma tautua moomia e faatosina mai ai tagata tafafao mai fafo, e amata mai i le taimi e taunuu mai ai le turisi i le malae vaalele, faletalimalo e nofo ai se'i oo atu i le taimi e toe talii ai. O nei oloa ma tautua moomia e faatosina mai ai tagata tafafao mai fafo, e le na o faletalimalo, auunaga ma isi mataaga faale turisi, ae e aofia ai ma le aganuu a Samoa, o lona siosiomaga puipuia faapea ai ma lana tali malo tulaga ese. Ona o le tulaga ese o Samoa i ia tulaga, e tatau ai ona faaleleia ia atinae tau turisi e faalauiloa ai Samoa ose atunuu e ono tatau ona fiafia tagata tafafao mai fafo e fai malologa mai ai.

Faailoilo e Mataituina ai Taiala

1. Ia faatupulaia mai le 5 – 7% le numera o tagata tafafao maimoa mai fafo i le tausaga;
2. Ia faatupulaia le tupe maua mai tagata tafafao maimoa mai fafo i le 5% i le tausaga;
3. Ia siiitia le numera o le aufaipisinisi i le vaega o le turisi;
4. Ia faatumauina i le 30 i le tausaga malaga mai a vaa tetele tafafao mai fafo poo meli i Samoa;
5. Ia 100% o le aufaipisinisi poo faletalimalo e ausia tulaga lelei ua maea ona faataatitia mo faletalimalo i Samoa; ma
6. Ia faatupulaia ma ausia le 15% o tagata tafafao mai fafo e nonofo i faletalimalo i lenei 4 tausaga.

O le atinaeina o le vaega o le turisi e faaleleia ai fo'i le faigaluega a tagata o lea vaega. O ia galuega faatino o le a taulai lea i aoaga talafeagai mo tagata faigaluega a le vaega o turisi. O le fuafuaga mo galuega a le vaega o turisi o loo faapea ona amata faatinoina ma ia maitinoa le fesootaiga ma faalapotopotoga o loo faia aoaga mo le vaega o turisi e i le Kolisi o Aoaga a Ausetalia ma le Pasefika ma le Iunivesite Aoao a Samoa. O le faamaoniga o tulaga lelei mo aoaga e gafa lea ma le Pulega o Faailoga ma Tusipasi Taualao.

Ua maea ona faia le faiga faavae mo le faalauiloaina o le faiga o pisinisi mo le vaega o tagata tafafao maimoa mai fafo. O le Faalapotopotoga a le IFC faatasi ai ma Niu Sila o lo ua faapea ona faatinoina galuega e unaia ai pisinisi fou i le vaega o turisi i Samoa, ma ose vaega o le Faalapotopotoga a le PRTI lea e tatalaina i le 2012. O Samoa o se tasi o atunuu e tolu i ai atunuu, e i ai Toga ma Vanuatu mo lea taumafaiga. O lenei faamoemoe e faaogaina ai le \$15 miliona Amerika i galuega atinae mo le vaega o turisi ma le \$30 miliona Amerika mo ni galuega fou mo le vaega o turisi, e lagolago ai le faatupulaia i le 4,000 o tagata maimoa mai fafo mo le tolu atunuu (Samoa, Vanuatu ma Toga). O loo fuafua lea faamoemoe mo le 3 tausaga i totonu o le piliota o le Taiala mo Atinae a Samoa 2012 - 2016.

Tanuuga Moomia 5: Faafaigofie Tulaga mo le Atinaeina o Pisinisi

O le tamaoaiga o Samoa e laiti ana oloa auina atu i fafo, o le ala lea o le feagai tele o le faasiliga o oloa auina mai I totonu faatusatusa i oloa faatau atu i fafo. O le feafaatauaiga o oloa auina atu I fafo ma oloa auina mai i totonu ma auunaga pe tusa lea ma le 95% o le tamaoaiga. O le vaega maoti o Pisinisi ua maitauina le siisii pea i luga o lona sao i le tamaoaiga ina ua maitauina le siitia mai le 16% i le 1998 i le 20% i le 2010 ma o loo atagia ai ii le alualu pea i luga o maketi i totonu lava o Samoa. O le vaega maoti o Oloa Gaosi e 9% lona sao i le tamaoaiga e ui ina o se vaega laitiiti peitai o le taua lona sao mo oloa auina atu I fafo faapea avanoa faigaluega. O oloa faatau atu i fafo e tele i fua o faatoaga ae laititi lava se vaega mai oloa gaosi. O le faasiliga o oloa auina mai i totonu nai



lo oloa faatauina atu i fafo o loo totogina pe faatupeina lea i tupe maua mai atinae o Turisi, Tupe faamomoli mai aiga faapea Fesoasoani tau tupe mai fafao.

Taiala

1. Faatinoina se Fuafuaga Faataatia mo le Vaega o Fefaatauaiga aua le Faaleleia atili o le Faafaigofieina o Tulaga mo le Atinaeina o Pisinisi;
2. Faamalasia ma lagolago le faia o le vaega e tuufaatasia faamatalaga mo fesoasoani ma mataupu uma tau alamanuia (One Stop Shop);
3. Faaleleia galuega tetele mo pisinisi ma le lautele mo se tau talafeagai;
4. Unaia ma faamalasia le atinaeina o pisinisi laiti;
5. Ia mataitu le lagolagoina o Pisinisi i Nuu i Tua; ma
6. Ia siitia (maualuga) le tulaga o le vave ma le sao i le tautuaina e le malo o Vaega Tumaoti ma le Atunuu lautele.

feafaatauaiga mai fafo.

O le sao taua o le vaega maoti mo Fefaatauaiga, Pisinisi ma Oloa Gaosi o lea tele lona taua mo Samoa pea lelei ona faataunuu fuafua o loo taua i laga Fuafuaga Autasi. E taua le ausia e pisinisi i totonu o Samoa le tulaga maualuga ia mafai ona taua i feafaatauaiga a le lalolagi aemaise le ave ai ma sui o le Faalapotopotoga o Fefaatauaiga a le Lalolagi, o le Maliega a le Pasefika mo le Galulue Soosoo tauau mo se lumanai o Tamaoiga (PACER), faapea le Malie mo Fefaatauaiga o Atunuu o le Pasefika (PICTA). O loo ave le lagolago a le malo i le vaega maoti ia mafai ona faamalasia, ma faaleleia le faatinoga o laga Fuafuaga Autasi.

Ia faamalasia ma lagolago le Vaega e tuufaatasia Faamatalaga mo fesoasoani ma mataupu uma tau Alamanuia mo le faagaioiina o ni talosaga fou, faapea le tuufaatasia o atinae. O le autu o leni taumafai ia aveese noanoataga/ lape o auaunaga ae faafaigofie tulaga mo le

atinaeina o pisinisi, maua ai avanoa faigaleuga faapea le faaleleia o auaunaga mo le lautele. O le faamuamua o loo taulai lea i le faaleleia ma le toe fausia o atinae tetele i ni tau talafeagai, ia mafai ona maua malosiaga faafouina, suavai, auala o femalagaiga faapea auala o fesoataiga faaneionapo.

O le Fuafuaga Autasi o le Vaega Maoti o Fefaatauaiga, Pisinisi ma Oloa Gaosi, o loo faataatitia ai taiala ma auala mo le atinaeina o lea vaega maoti, faatupulaia avanoa faigaluega, faaitiitia le le tagolima e ala lea i le faalauteleina o oloa gaosi ia mafai ona maua se tupe mama mai lafoga ia mafai ai ona faatupeia auaunaga lautele ma nisi polokalame faagasolo. O le faaiuga o le 2011 sa faapea ona ofi atu ai Samoa i le Faalapotopotoga o Fefaatauaiga o le Lalolagi, ma avea ai o le Atunuu Tautatinae lona lima o le lalolagi ua ausia lea tulaga ma o lea faalapotopotoga e silia ma le 150 ona sui auai. Ua lea tulaga ua maua ai avanoa mo Samoa e faalautele ai fefatauaiga peitai e le fesiligia foi luitau e maua mai ia avanoa. O lea e faataua ai le faatuputeleina o le fuainumera o oloa. O se vaega taua foi mo le tamaoiga o Samoa le faatuputeleina lea o oloa auina atu i fafo e fesoasoani foi i le faatuputeleina o tupe mo faagaga ma

Faailoilo e Mataituina ai Taiala

1. Siitia le numera o tagata faigaluega i le matata o Fefaatauaiga i Pisinisi;
2. Faatupulaia le taliaina o pisinisi mai Atunuu i fafo;
3. Numera o pisinisi laiti e lei resitala e avea ma pisinisi resitala i aiaiga uma a le malo;
4. Ia faaitiitia le tau o le faatinoina o se pisinisi e ala lea i le faafaigofieina ona fai nonogatupe ma ia maua se tau talafeagai mo vaega e faatinoina ai se pisinisi;
5. Siitia le tulaga faipaaga a le Malo ma Vaega Tumaoti (PPP);
6. Siitia Pulega Lelei o Faletupe o le Lalolagi aua se taunuuga lelei o le Malo;
7. Ia tausaga ma faatino Ripoti o Iloiloga mo Fuafuaga a le Vaega Pulega Faatonu a le Malo (faailo mo lea tulaga); ma
8. Ausia Ala o Tulafono mai le siitiaina o le Pulega Lelei o Faletupe o le Lalolagi.

O loo faauau pea le galeuga fesoasoani faapea faalauiloa a le Vaega o Atinae o Pinisini Laiti (SBEC) e leo gata i alalafaga i le taulaga ae faapea foi alalafaga i nuu i tua. O loo ave lava le faamamafa i aoaoga mo le faafoeina o pisinisi, auaunaga tau faufautua, fesoasoani ia mafai ona maua ia faamanuiaga poo fesoasoani tau tupe mo le tauataina o pisinisi laiti. O loo faauau pea le lagolagosua a le Malo ma le faamatuina atu o fesoasoani i Vaega Tumaoti e soo se auala e pei ona iai le Faaputugatupe e Fesoasoani ai Vaega Tumaoti (Public Sector Support Fund), Faamamaavega mo Tau o Tiute (Duty Concession Scheme) faapea le Code 121. O loo maitauina pea le suia o tulaga faaleleia o atinae ia tupu ma ola, ia soona faaleleia atili ai manuia lautele aemaise o le malosi o le tamaoaiga i ona tulaga faatauvaga. O le tulaga sili ona faamuamua e le o le maualuga o le tulaga ausia e le tamaoaiga, ae o le manuia lautele o tagata Samoa aemaise le soifuaga lautele mo se lumanai manuia.

VAEGA FAAMUAMUA 2: MATAITUINA O LE SOIFUAGA LAUTELE

Taunuuga Moomia 6: Samoa Soifua Maloloina

E 6 faavae (*Pulega ma Taitaiga Lelei, Auaunaga Faasoifua Maloloina, Tagata Faigaleuga Faalesoifua Maloloina, Aupega o Faamaumauga ma Faamatalaga, Mea Faatino faapea masini faanei ona po mo galeuga faasoifua maloloina*) maumaututu o loo fausia ai taiala mo le vaega maoti aemaise le vaai taulai a le malo mo se *‘Samoa Soifua Maloloina’*.



O loo taua i le Fuafuaga Autasi mo le Vaega Maoti o le Soifua Maloloina 2008-2018, i lana manulauti le “faamalosi tulafono faavae tau le soifua maloloina, e faatino ai auaunaga aupito sili ona lelei ma mafai ona malamalama gofie ai tagata lautele e ala i faiga faapaaga lelei”

E fa ni luitau o loo faafeagai pea ma le vaega maoti o le soifua maloloina:

- Faatupulaia o faamai le pipisi ma latou aafiaga i le soifua manuia o tagata lautele;
- Mautinoa le soifua maloloina o tina ma fanau aua le soifua maloloina alualu mamao o le atunuu lautele;
- O faamai pipisi pea atoa ai ma mai pipisi fou
- Manu’ a ma le atoatoa ai le malosi o le tino, ma oo ina maliliu ai

Mo le tali atu I nei luitau, ua fausia ai e le vaega maoti o le soifua maloloina ana polokalame i luga o faiga faavae o loo taua:

- Faamalosi ma unia polokalame mo le soifua maloloina faapea ma puipuiga mai faamai
- Faaleleia ma siitia avanoa mo auaunaga faalesoifua maloloina mo le mamalu lautele o le atunuu faapea gafataulimaina o faamai pipisi

Taiala

1. Unia ma faaleleia auaunaga faalauiloa faalesoifua maloloina (e aofia ai auaunaga tau le faalauiloa, puipuiga ma togafitiga);
2. Faaauau ma faaleleia le atinaeina o tagata faigaleuga faalesoifua maloloina;
3. Faaauauina le atinaeina ma le faaleleia o aupega o faamaumauga ma faamatalaga faalesoifua maloloina;
4. Faaleleia ma siitia le faatupeina o auaunaga faalesoifua maloloina;
5. Faaleleia vailaau, mea faatino faapea masini faaneionapo ma galeuga faalesoifua maloloina; ma
6. Unia pulega ma taitaiga lelei.

- Siitia pulega ma taitaiga talafeagai/lelei, tagata faigaleuga faalesoifua maloloina ma aupega o faamatalaga ma faamaumauga mo le vaega maoti o le soifua maloloina
- Faamalasia le galulue sosoo tauau o faiga faapaaga a le vaega maoti
- Faatupeina o auaunaga faalesoifua maloloina

O tali atu i luitau o loo feagai pea ma le vaega maoti o le soifua maloloina o le faamalasia lea o le aupega o faamatalaga ma faamaumauga. O aupega o faamatalaga ma faamaumauga e faavae lea i luga o le unaia o polokalame

Faailoilo e mataituina ai Taiala

1. Faaitiitia pepe maliliu i lalo ifo o le 1 tausaga;
2. Faaitiitia tamaiti maliliu i lalo ifo o le 5 tausaga;
3. Siitia tamaiti tai 1 tausaga ua maea tui puipuia faatusa i tamaiti mamai i le misela;
4. Faaitiitia tina e maliliu i vaitaimi o maitaga;
5. Siitia le numera o tamaiti i nuu i tua ua maea o latou tui puipui;
6. Siitia le numera o fanauga e faatino e fomai e agavaa faapitoa;
7. Faaitiitia le mai suka, toto maualuga ma le tino puta;
8. Faaitiitia tagata pule io latou ola;
9. Faaitiitia tagata maliliu ona o le siama o le HIV/AIDS;
10. Faaitiitia tagata e aafia i faamai pipisi ona o feusuaiga;
11. Faaitiitia tagata e aafia ma maliliu i le fatafata vaivai;
12. Siitia le numera o fomai faapitoa , tausi soifua aemaise isi tomai faapitoa faalesoifua maloloina; ma
13. Siitia le numera o fomai mo tagata lautele.

faalauiloa aemaise auaunaga faalesoifua maloloina muamua ua fausia ai matafaioi/tiute o le vaega maoti o le soifua maloloina ia aia tutusa tagata uma ona ausia tulaga maualuga o auaunaga faasoifua maloloina e aunoa ma le tusitusilima.

O ni manatu taua o loo faavae ai fuafuaga ina ia mafai ona gafataulimaina aupega o faamatalaga ma faamaumauga ia mafai ona tali atu I manaoga faalesoifua maloloina o le atunuu lautele. O ia manatu taua e aofia ai le saogalemu ma le maualuga tomai faatinoina o galeuga faalesoifua maloloina, galulue sosoo tauau o le vaega maoti o le soifua maloloina faapea le faatinoina o auaunaga, iloiloa o le faatinoga o galeuga aemaise le faaleleia mo le agai i luga, ia manino matafaioi faatino a le Malo mo le mamalu lautele o le atunuu i soo se vaega, o le mautinoa o le gafataulimaina faapea le faatauaina o le sao/manatu o le atunuu lautele. Ia faaititia le mativa ma le le tagolima, faaitiitia aafiaga o gasegase le pipisi, tafieseina faamai pipisi aemaise lava le faamalasia o aupega mo faamatalaga ma faamaumauga ia mafai ona tuuina atu ni auaunaga lelei ma le atoatoa faalesoifua maloloina.

O loo ave pea le faataua i le faalelei o galuega tetele faalesoifua maloloina e pei o le toe fausia o le falemai fou i Motootua faapea ia falemai faaleitumalo i alalafaga faatasi ai ma le faatotogaina ma le faaaupegaina. O ia galuega tetele o loo faagasolo o loo iai le naunautiga ia mafai ona iai foi aufaigaleuga faalesoifua maloloina i ona tomai eseese latou te tautuaina le atunuu. O loo iai foi i galeuga faatino a le vaega maoti le faaleleia o tomai ma agavaa e atili faalautele ai le tomai ma le iloa o le aufaigaluega aua lava le auaunaga.

O fuafuaga tuutuu mamao mo le faatupeina o le soifua maloloina o se itu o loo manaomia ai le lagolagosua ona o le siitia pea o faamai e mafua mai soifuaga lautele ina ia mafai ona ola maloloina atunuu. E manaomia le faaleleia o faamatalaga faavae ina ia mafai ona iloiloa ma fuafua tataua ia le faatupeina o tausiga faalesoifua maloloina ia mafai foi ona maua mai ni fesoasoani tau tupe mai faaiga faapaaga. E taugata tele le faatupeina o tausiga faalesoifua maloloina aemaise tau togatitiga i ona vaega eseese o le ala lea o le ave o le faamamafa I tulaga tau faalauiloa ma puipuiga faalesoifua maloloina.

O le taua o le faamalasia o faiga paaga ina ia mafai ona ausia manulauti ma fuafuaga alualu mamao a le vaega maoti. Ia faamalasia le galulue sosoo tauau o paaga faalesoifua maloloina e

ala i taitaiga lelei, tuufaatasia ma faasoasoaina o fesoasoasia tau tupe i paaga faalesoifua maloloina aua le atinaeina, iloiloina o faiga faavae ma fuafuaga alualu mamao mo se atunuu soifua maloloina.

Taunuuga Moomia 7: Faamamafa le Siitia o Avanoa ma Iuga o Taumafaiga Faaleaoaoga

O atina'e aua le siitia lea o le tomai ma le agava'a o tagatanu'u o se vaega tāua lea i le taumafai ina ia ausia manulauti mo vaega maoti uma aemaise ai fo'i le atunu'u ina ia o gatasi mataupu o lo'o aoaoina ma vaega uma o lo'o moomia aua le ausia o nei manulauti. O le sini autu mo le Fuafuaga Faataatia o lenei Vaega Maoti mo le vaitausaga 2012 - 2016 ina ia ausia tulaga



Taiala

1. Faaauuina le lelei o aoaoga ma tomai ma agavaa i tulaga uma mo aoaoga;
2. Siitia avanoa mo aoaoga talafeagai i soo se matata ma tulaga uma mo aoaoga;
3. Faamalosia le o gatasi o manulauti mo le atina'e o le atunu'u ma le atina'ega o mataupu faaleaoaoga;
4. Siitia le tulaga o fuafuaga faataatia ma faiga faavae e faasaga lea i tulaga uma faaleaoaoga; ma
5. Siitia le tulaga o meafaitino ma alamanuia faaaogaina mo aoaoga ma ia faatumauina le pulea lelei o le vaega o aoga.

Faailoilo e Mataituina ai Taiala

1. Siitia le fuainumera o Auaunaga Mauualuluga Faaleaoaoga, polokalame ma tomai faapitoa e talafeagai ma isi atunuu i fafo;
2. 100 % o aoga e ausia le Tapulaa Mauuluga o Auaunaga ina ia siitia ai tulaga faaleaoaoga o le fanau;
3. Siitia le fuainumera o faiaoga ua faauuina i tomai faapitoa i le Iunivesite Aoa o Samoa;
4. Siitia le fuainumera o tamaiti-aoga e iai manaoga faapitoa e auai atu i soo se vaega tau aoaoga;
5. Unaiia le a'oa'oina o le faaaogaina o Masini Faatenokolosi i a'oa'oga;
6. Siitia avanoa faigaluega mo e ua pasi mai aoga mauualuluga;
7. Fausia ma faatinoina faiga faavae e limataitaina ai le atinaeina o tomai ma agavaa;
8. Faalatele le agavaa mo fuafuaga, suesuega ma le atina'eina o faiga faavae i le vaega o aoaoga;
9. Atia'e, faatino ma puleaina lelei faamaumauga mo e ua ausia aoga mauualuluga;
10. Tuufaatasia le faamaopopoina o le Vaega o Aoaoga;
11. Siitia auaunaga lautele a le vaega o aoga; ma
12. Siitia le tulaga o meafaitino ma alamanuia i le vaega o aoga.

maualuga mo Aoaoga ina ia fesoasoani atu lea i le faataunuuna o manulauti mo le siitia o le soifuaga lautele aemaise ai le faamalosia o le aganu'u.

E lua ni vaega o lo'o ave iai le faamamafa aua le siitia lea o le tulaga ma taunuuga o aoaoga i totonu o le 4 tausaga o lumana'i, e aofia ai le siitia lea o auaunaga a faiaoga aemaise ai le siitia ma le mataituina lelei o le siosiomaga o lo'o faatautaia ai aoaoga. O le nauta'iga ina ia siitia ma faalauaitelina avanoa mo aoaoga, e amata mai lea i aoga faataitai aga'i i aoga mauualuluga e aofia ai ma aoga laiti tumaoti. O le faamoemoe o lo'o iai, a manuia le faatinoga o taiala uma mo lenei vaega maoti o le a siitia ai fo'i ma le soifuaga lautele e aofia ai le siitia o le soifua maloloina, faatupulaia ai ala tupe maua ma ono faaitiitia ai ma le solitulafono ona o le mativa ma le limavaivai.

O taumafaiga a le Malo aua le siitia lea o le tulaga o Aoaoga i tausaga ua mavae e aofia ai le faatinoga o se polokalame mo le atina'ega o aoaoga lea sa vaevaeina i ni vaega e lua, ma e aofia ai le faaleleia o faleaoga, siitia o le tomai ma le agava'a o faiaoga, iloiloaina o le silapasi mo aoga tulaga muamua, siitia le tulaga o metotia o lo'o faaaogaina mo le mataituina o taumafaiga a le fanau, faaaogaina o auunaga faatekonolosi aemaise ai le siitia o le faavaeina o fuafuaga faataatia ma le pulea leleia lea o lea vaega maoti. Ua faavaeina fo'i mo le vaega o Aoaoga se tala faatatau e mataituina ai tupe faaalu ua mae'a atofaina mo atina'e eseese (MTEF) e tusa ai ma le Fuafuaga Faataatia o lo'o tuufaatasia nei mo le vaitausaga 2012 - 2016. O le faamoemoe mo lenei tala faatatau ina ia mataituina lelei ai tupe o lo'o faafaigaluegaina i totonu o le vaega o Aoaoga ma e ono atagia mai ai nisi polokalame o lo'o moomia ni vaega tupe ma o le a avea lenei taumafaiga ma auala o le a pulea leleia ai ala tupe maua mo lenei vaega maoti. O le a mataituina ma iloilo lelei fo'i le faataunuuga uma o taiala i lalo o le Fuafuaga Faataatia mo lenei vaega.

Taunuuga Moomia 8: Faatumaaina Soifuaga Laulelei

8.1 Samoa Saogalemu ma le Mautu

Siitia le saogalemu o nuu ma afioaga e ala i le faaleleia o le puipuiga mai soligatulafono

Taiala

1. Siitia le saogalemu o nuu ma afioaga e ala i le faaleleia o le puipuiga mai soligatulafono;
2. Faaleleia avanoa i faamasinoga, tulafono ma auunaga faaletulafono;
3. Unaiia ma tuufaatasia faamasinoga faaleaganuu ma faamasinoga i nuu ma afioaga ma le faiga aloaia o faamasinoga;
4. Unaiia le tauleleia ma pulegalelei e aofia ai le faaleleia o taiala ma auunaga mo faamasinoga faaleaganuu ma faamasinoga i nuu ma afioaga; ma
5. Atiae le mafai gafatia o lala sooupu ma faaleleia le faamaopoopoga o auunaga.

O le siitia o auala aua le faalauiloaina o le toafilemu o le atunuu, o le a mautinoa ai se Samoa saogalemu ma le mautu agai I luma. O ia auala e aofia ai; polokalame aua le vaavaaiga o Nu'u ma Afioaga (malu i ou tuaoi, ofisa o leoleo e mafai ona feaveai, ma le fuafuaina lelei lea o le faatutuina o nisi lala o le ofisa leoleo i le atunuu). A lelei ona faatinoina ia fuafuaga faatasi ai ma le lagolagosua a nuu ma afioaga, o le a avea lea ma auala e faaitiitia ai le soligatulafono. E faapea foi I ofisa a le malo o gafa ma ia tulaga ina ia ave le faamuamua i le sa'o ma le talitonuina o le lipotiina o ia soligatulafono.

Faaleleia avanoa i Faamasinoga, Tulafono ma Auunaga Faaletulafono

Ona o le tele o luitau ma faafitauli o lo'o feagai pea ma le mamalu o le atunuu mo ni avanoa i tulafono ma auunaga tau faamasinoga, o lea e manaomia ai le galulue faatasi o lala sooupu ma tagata lautele. O le taua lea o le siitia o polokalame faalauiloa mo nuu ma afioaga ia latou silafia aia tatau faaletulafono ma isi uma auunaga faaletulafono, ma pe faapefea foi ona maua e tagata lautele ia fesoasoani.



Unaia ma tuufaatasia faamasinoga faaleaganuu ma faamasinoga i nuu ma afioaga ma le faiga aloaia o faamasinoga
 I tuluga o ni mataupu ua uma ona fai ai le faaiuga a nuu ma afioaga ae o loo toe lipotia ma faaiu atu ai I le faamasinoga, e amanaia e le faamasinoga ia faaiuga e tuumamaina ai se tulaga tau faasalaga e ona faia. A suia e le Faamasinoga Aloaia se faaiuga ale puleaga a le nuu, o i o loo tulai mai ai ni atugaluga e uiga i le pulega a nuu i le faia o faaiuga o mataupu, ma fesiligia ai le aloaia o ana pulega. E talafeagai ona toe iloilo le Tulafono o Fono a Nu, ina ia faamautu ai le tulaga aoao o ana pulega faapea ai ma ituaiga faiga e aloaia ai ana faaiuga. O nisi o auala aua le unaia o le mataupu, e aofia ai, le faatalatalanoaina o nuu ma afioaga, ma faatino aoaoga agai tonu lava fono a nuu ina ia siitia ai lo latou malamalamaaga i le tulafono ma faamasinoga.

Unaia le tauleleia ma pulegalelei e aofia ai le faaleleia o taiala ma auaunaga mo faamasinoga faaleaganuu ma faamasinoga i nuu ma afioaga

O sui auai uma o le vaega maoti o Tulafono ma le Amiotonu e gafa ma le faatinoina o fuafuaga faataatia a le Malo. O loo taimua pea i ia faatinoga le faatumauiina o pulega ma taitaiga lelei. E faataua ai le malamalama lelei i ia tulaga o loo puipuia ai faiga faavae o tulafono a si o tatou atunuu, ma o se taiala lelei foi lea i vaega o loo fuafuaina ma pasia tulafono a le malo.

Atiae le mafai gafatia o lala sooupu ma faaleleia le faamaoipooga o auaunaga

I le lagolagoina o se Samoa saogalemu ma le mautu, e ao ona atiae le mafai gafatia o le vaega maoti mai ona vaega taitasi ina ia mafai ona galulue faatasi, e aofia ai le faamallosia o tulaga mafai gafatia o ona tagata faigaluega, faaleleia faiga ma taualumaga atoatoa lelei o pulega faalefaalapotopotoga, ma ia faaleleia fesootaiga i le va o lala sooupu ma nuu ma afioaga.

8.2 Atinae o Nu'u ma Afioaga

E pei ona faapupulaina atu i taiala mo atinae ua maea ona taua, o le'a fa'auau pea e le malo ona unaia pulega lelei i totonu o nuu ma afioaga; faamallosia auaunaga ma polokalame tau atinae o nuu ma afioaga, o puipuiga mo fesootaiga i luga o upega o faamatalaga, atoa ai ma le atagia o le amanaia o tina ma tamaitai faapea i latou e iai manaoga faapitoa i faiga faavae.



Faailoilo e Mataituina ai Taiala

1. Ia siitia le lipotiina mai o soligatulafono;
2. Faaitiitia soligatulafono (sauaga i totonu o aiga, sauaina o fanau, fasioti tagata, gaio ma isi);
3. Faaitiitia le numera o tamaiti ma tupulaga toe solitulafono;
4. Faamallosia polokalame aua le vaavaaia lelei o le saogalemu o nuu ma alalafaga;
5. Siitia le aoina o faamaumauga e mataituina ai soligatulafono mai lea taimi i lea taimi;
6. Unaiaina o faamasinoga faaleaganuu ma faamasinoga i nuu ma afioaga i faiga faavae aloaia o faamasinoga;
7. Faatinoina tulaga faavae o le amiotonu ma pulega aoao lelei; ma
8. Faavaeina se polokalame e aoina ai faamaumauga o solitulafono e faaogaina ai ala faaneionapo.

Taiala

1. Faamallosia pulega o nu'u ma afioaga;
2. Faamallosia le tuuina atu o auaunaga ma polokalame tau atinae o nuu ma afioaga;
3. Faamallosia puipuiga mo fesootaiga i luga o upega o faamatalaga faapea ma puipuiga lautele;
4. Atagia i faiga faavae le amanaia o tina ma tamaitai faapea i latou e i ai manaoga faapitoa;
5. Faamallosia polokalame faalauiloa e tali atu ai i suiga o le tau ma aafiaga mala faalenatura; ma
6. Faamallosia faigapaaga ma faalapotopotoga fesoasoani tau tupe.

O le *Fuafuaga mo Nu'u ma Afioga 2010-2015* o lo'o tuuina mai ai le vaaiga taulai o le "Faamalosiaina o nu'u ma alalafaga aua le fa'auauina o atinae mautu mo le lelei o nu'u ma afioga", faapea ai ma le manulauti "Ia taimua, faamaopopo ma tuliloina auunaga ma polokalame mo le atinae o Nu'u ma Afioga, e ala i faapaaga ma le galulue faatasi". O taiala autu o fuafuaga fa'ata'atitia e tatau ona mataitu e lenei Vaega mo se laasaga mo le agai i luma, o le'a taua i lalo:

- Faamalosiaina pulega lelei i nuu ma alalafaga, fausia le nofo lelei ma le maopopo o nu'u faapea le faatautaiga o atinae e tuuina atu e puleaina e nu'u.
- Faaleleia auala e tuuina atu ai auunaga ma polokamale tau atinae o nuu ma afioga.
- Faamalosiaina puipuiga faa-agafesootai faapea polokalame fa'amamaavega e faaititia ai le mativa ma le le tagolima.
- Tali atu i aafiaga ma suiga o le tau ma ia faa-mautinoa le nofo sauniuni o nuu ma afioga i taimi o faalavelave faalenatura tutupu faafuasei, ia lelei le faafoeina o taimi o ia faalavelave faalenatura ma le faamalosiaina o malosiaga o nuu ma afioga e tetele atu i ia faalavelave.
- Siitia le so'oso'otauau ma le galulue faatasi ma paaga galulue i le faauauina o fuafuaga lelei aua le atinae o nuu ma afioga.

Faailoilo e Mataituina ai Taiala

1. Faaititia le vevesi i le va o nu'u ma afioga;
2. Siitia le numera o pisinisi laiti i totonu o nuu ma afioga o lo'o maua tupe faasili ma sologa lelei atinae;
3. Siitia le numera o tina ma tamaiti faapea tupulaga talavou e auai i polokalame mo pisinisi laiti; ma
4. Siitia le auai o latou e iai manaoga faapitoa i faiga faaiuga.

O taiala ua taua o lo'o unaia ma lima taitaiina e aga tausili ma taiala faavae o taitaiga lelei, faapaaga, faaaloalo, faataua ma fa'amuamua tagata atoa ai ma le fefaasoai.

VAEGA FAAMUAMUA 3: AUAUNAGA MA ATINAE TETELE

Taunuuga Moomia 9: Siitia Auunaga mo Suavai Mama ma Unaia le Faaagaina o Fale mo Suavai Lafoai

Taiala

1. Faiga faavae e limata'ita'ia ai le gafataulimaina o faiga pulega lelei mo e o lo'o faatautaia auunaga mo le suavai;
2. Pulea lelei ma vaavaaia punaoa suavai;
3. Siitia le fuainumera o nuu ma alalafaga ua maua le suavai ua mae'a faamamaina e tusa ai ma tapula'a a le Matagaluega o le Soifua Maloloina;
4. Siitia le fuainumera o nuu ma alalafaga o lo'o faaagaina fale mo suavai lafoa'i ma alavai faatulagaina; ma
5. Siitia le tulaga o ala vai.

O lo'o limata'ita'ia le atina'ega o lenei vaega maoti e se Fuafuaga Faataatia ua ta'ua o le Suavai mo le Ola. O le iloiloga o lenei Fuafuaga Faataatia o lo'o atagai mai ai le siitia o le tulaga o nisi vaega ua ave iai le faamuamua ae peita'i e moomia lava le siitia o taumafaiga aua le mataituina lelei o punaoa suavai uma aemaise ai le siitia o auunaga. O le vaega maoti mo le Suavai e ala tatau ona faateete iai faai'uga fai aua atina'ega gafataulimaina.



O lo'o ave e le Malo le faamuamua i le mataituina ma le toe faaleleia lea o punaoa suavai e ala lea i se Tulafono Taufaaofi aua le Pulea Leleia o Punao mo le Suavai ma o lo'o maioio mai ai le malosi a le Malo e mataitu, faalelei ma faaoga punaoa ole suavai ale atunu'u atoa.

E faamoemoe le soifua maloloina lelei o le atunu'u ma le faaitiitia o faama'i pipisi ona o le suavai i luga o le siitia lea o le tulaga mama o le suavai aua le fofoga taumafa ole atunu'u aemaise ai le faaleleia o fale mo le faamamaina o suavai lafoa'i ma alavai uma. O lo'o galulue le Pulega a le Suvai ina ia faaitiitia le suavai maumau ona o le liki o paipa ma siitia ai le tulaga mama o le suavai taumafa e tusa ai me tapula'a ua mae'a faavaeina e le Matagaluega mo le Soifua Maloloina. O lo'o ave fo'i le faamuamua ina ia siitia le pasene o aiga o lo'o mauaina le suavai mama o lo'o auina atu lea e le Pulega a le Suavai aemaise ai le Faalapotopotoga mo Suavai Tutoatasi.

Faailoilo e Mataituina ai Taiala

1. Faatupulaia i tausaga ta'itasi le fuainumera o tagata o lo'o faaogaina auaunaga mo suavai ua faamalieina i nei auaunaga;
2. Fuainumera o Fuafuaga Faataatia aua le Pulea Leleia o Punaoa Suavai ua mae'a faavaeina;
3. Aofaiga o fanu tu lata i punaoa suavai ua mae'a ona toe faaleleia ma o lo'o puipuia lelei;
4. Pasene o aiga o lo'o mauaina auaunaga mo le suavai faamoemoeina ma le taugofie;
5. Avea auaunaga mo suavai ma'imau ma vaega tumau o le Pulega o Suavai;
6. Ausia tulaga faatapula'aina mo le suavai;
7. Faatautaia faiga pulega lelei mo le Faalapotopotoga mo Suavai Tutoatasi;
8. Fuainumera o aiga o lo'o faaogaina fale lēta'ua ma tane faatulagaina mo suavai ma otaota lafoa'i; ma
9. Faamalosi le aoina o tupe maua mai le faaogaina o le Fale o lo'o Faamamaina ai suavai lafoa'i.

E faamoemoe uma le faataunuaina manuia o taiala uma e tusa ai ma le Suavai o le Ola i luga o le pulea ma le vaavaia lelei lea o le vaega mo auaunaga tau suavai.

Taunuuga Moomia 10: Auaunaga ma Atinae Tetele aua le Faafaigofieina ma le Saogalemu o Felauaiga



O le Matagaluega o Galuega o lo'o limata'ita'ia le vaega maoti mo Fela'uaiga ma o le a gafa ma le mataituina o le tuufaatasiga ma le faatinoga o le Fuafuaga Faataatia mo le Vaega o Fela'uaiga mo le 4 tausaga o lumana'i. O le Fuafuaga Faataatia mo Fela'uaiga o le a vaevaeina lea i fela'uaiga i luga o le fogaeleele, lagi ma le sami ma o le a faavaeina i lalo o lenei Fuafuaga Faataatia taunuuga moomia aua le atina'ega o lenei vaega maoti.

O le a ave le faamamafa mo lenei vaega le faaleleia lea ma le siitia lea o le tulaga o le auala mai Faleolo i le taulaga o Apia ma o lo'o faatupeina i lalo o se polokalame faapitoa aua le nofo sauni mo aafiaga e afua mai i le fesuiaiga o le tau. O le a faatautaia faatasi lea atina'e ma le toe faatelēina o le auala i Lepea aga'i lea i Vaitele. O le a faamamafa fo'i le tausisia o tapula'a aua le fausia ma le faaleleia o auala ina ia aua ne'i faaleagaina nei atina'e tetele i fesuiaiga o le tau. O le a faatautaia fo'i galuega aua le siitia lea o tulaga o auala savali aua le mamalu o le atunu'u aemaise ai fo'i le faavaeina lelei o tulaga e tutū ai pasi aua le saogalemu o le mamalu o le atunu'u femalaga'i.

Taiala

1. Faavaeina se Fuafuaga Faataatia mo le Vaega o Fela'ua'iga o lo'o atagia ai le o gatasi o atina'e mo auala tetele ma atina'e o uafu ma malaevaalele;
2. Faamalositia tapulaa mo le fausia lea o auala ma ala vai e aofia ai le saogalemu o le mamalu o tagata savavali ma le gafatia ona tali atu i aafiaga e afua mai ona o suiga o le tau (Climate Change);
3. Siitia ma faatūmauina le lelei o auaunaga lautele i uafu ma malaevaalele;
4. Siitia auaunaga aua le malu puipuia ma le saogalemu o e femalaga'i o lo'o faaogaina uafu ma malaevaalele;
5. Ia mautinoa le lelei o le puleaina ma le tuuina atu o auaunaga ia o gatasi ma tulaga faatapulaa tau le saogalemu faavaomalo;
6. Ia alaga tutusa faigafaavae aua le gafatia ona tetele atu i aafiaga e afua mai ona o suiga o le tau ma fuafuaga uma mo vaega o felauaiga; ma
7. Ia mataituina lelei le o gatasi uma o atina'e mo auala ma atina'e tetele uma e aafia ai.

O le a faalelei fo'i ma mataituina lelei nofoaga uma aua le mamalu o le atunu'u o lo'o

Faailoilo e Mataituina ai Taiala

1. Faalauiloaina ma faatinoina le Fuafuaga Faataatia mo Femalagaiga;
2. Kilomita o le auala mai Apia – Faleolo ua mae'a ona faaleleia;
3. Kilomita o auala uma i le atunuu ua mae'a faaleleia;
4. Faaitiitia galuega aua le faaleleia o auala;
5. Faatinoga o tulaga faatapulaa mo le fausaga o auala;
6. Siitia le fuainumera o tagata faamalieina i auaunaga i uafu ma malaevaalele;
7. Siitia le usitaia o tapulaa faavaomalo mo le saogalemu i malae vaalele; ma
8. Faaitiitia le leaga o auala ona o fesuaiga o le tau ma faaitiitia faasea mai le mamalu o le atunuu ona o nei tulaga.

faaogaina malae vaalele ma uafu. E faamoemoe o le a toe faaleleia le malae vaalele i Faleolo aemaise ai fo'i uafu i le isi 4 tausaga o lumana'i aua le fesoasoani atu lea i le atina'ega o le Vaega Maoti mo Turisi. O le a faatautaia fo'i se suesuega mo uafu uma o le atunu'u aua le siitia o le tulaga o nei atina'e e aofia ai fale aua le mamalu o le atunu'u. E ui ina iai ni

lu'itau o lo'o faafeagai ma le vaega mo femalagaiga i luga o le sami ona o le taumafai lea e ausia aiaiga i lalo o le IMO, o le faamoemoe o le a mafai ona tali atu i nei lu'itau ile mae'a ai ona faavae le Aoga mo Suesuega i le Sami i lalo o le Iunivesite Aoa o Samoa aemaise ai fo'i le toe faalelei o le Aoga mo ē e fia faigaluega i luga o va'a.



O le a galulue faatasi le Malo, vaega tumaoti aemaise ai sui o nu'u aua le pulea lelei ma le mataituina o lenei vaega maoti ma o le a ave le faamamafa i le siitia lea o le tomai ma le agava'a o

tagata uma o lo'o aafia i lenei vaega.

Taunuuga Moomia 11: Ala Fesootaiga mo Tagata Uma o Samoa

Ini nai tausaga ua mavae, sa faapea ai ona suia le vaega o fesootaiga mai le tasi le kamupani e avea ma maketi ua tatala mo faatauvaga. O lenei suiga o le a faaaau le faatupulaia ai o le lelei o fesootaiga e le gata i le lotoifale ae faapea fo'i fesootaiga ma atunuu i fafo. O le a faapea fo'i ona lagolago malosi i faatauvaga i isi vaega o le tamaoaiga ma faaleleia ai fo'i ia auaunaga i vaega o le soifuaga lautele ma vaega o faalavelave faafuase'i. I faamaumauga o fuainumera a le Faalapotopotoga o Faaputugatupe mo le Lumanai Manuia o



Tagata Samoa, o lo ua faailoa mai ai le siitia i le 17% ia le aofaiga o tagata faigaluega i le vaega o fesootaiga i le 10 tausaga talu ai. O le a faia ma faatinoina e le Malo se fuafuaga mo le vaega o fesootaiga ina ia mafai ai ona faafoia faafitauli i lea vaega.

Taiala

1. Faatinoina se fuafuaga faataatia mo le vaega o fesootaiga;
2. Ia fuafua tatau le tau o fesootaiga faaonapo nei;
3. Faamalosia faiga faapaaga a le Malo ma le vaega tumaoti mo le unaia o fetuunaiga ma le lagolago mo faamatalaga ma fesootaiga faaonapo nei;
4. Ia unaia le fai sao o le aufaipisinisi i atinae mo faamatalaga ma fesootaiga faatekenolosi e faaopopo ise fesoasoani a le Malo ise tau talafeagai; ma
5. Ia tuu i tontonou o le Faiga faavae mo le Pulega o Otaota Lafoai ia masini lafoai.

ma fesootaiga faatekonolosi.

O le a tuuina atu e le Malo avanoa e unaia ai le vaega o le aufaipisinisi e fai so latou sao e lagolago ai le masini fou lea e ta'i mai lalo o le sami faatasi ai ma le sao a le Malo. O lea tulaga o le a mautinoa ai le tutusa o tau o le initaneti e aumai mo pisinisi mo fesootaiga i totonu o Samoa.

O le a faapea ona tuu i totonu o le Faiga Faavae mo le Pulega o Otaota Lafoai ia le suesuega mo masini lafoai lea sa faatautaia e le Ofisa o Siosiomaga a le Pasefika. O le taiala a le Atunuu mo Faamatalaga ma Fesootaiga Faatekonolosi faapea ai ma le taiala mo Fesootaiga a le Malo o le a faapea ona iloiloaina.

O lo ua iloiloaina ma fuafuaina e le Malo se tau talafeagai mo le faatupeina o le masini lona lua e ta'i mai lalo o le sami mo fesootaiga tele vavave faaonaponei. O lenei tulaga e sui ai le masini o loo i ai i le taimi nei ma ia faatumauina lona tulaga lelei pe a uma le aoga o lea masini mo le lima tausaga. O lea tulaga, e tatau ai ona suesue ma le faaeteete le masini fou ina ia mafai ai ona tali atu i le faatupulaia o manaoga mo le faaaogaina o le initaneti.

O lenei poloketi mo le masini fou e ta'i mai lalo o le sami, o loo fuafuaina e pau ai le tau o le faaaogaina o le initaneti. O lenei tulaga e avea ma avanoa e mafai ai ona faaaogaina e le atunuu atoa le initaneti mo le piliota o le Taiala mo Atinae a Samoa 2012 - 2016. O lea e tatau ai ona siitia aoga i totonu o Samoa i faamatalaga

Faailoilo e Mataituina ai Taiala

1. Faaitiitia tau o fesootaiga faaonapo nei;
2. Faaleleia le televave o fesootaiga i le initaneti ma ia siitia le toatele o tagata e faaaogaina lea auunaga;
3. Siitia le numera o tagata e i ai faailoga mo faamatalaga ma fesootaiga; ma
4. Siitia le numera o aoga i totonu o Samoa i tulaga tau i fesootaiga faaonapo nei.

Taunuuga Moomia 12: Malosiaga Mausali

O loo siitia le manaoga mo malosiaga i Samoa i tausaga ua mavae, ma o le ala lea e taua tele ai auunaga tau malosiaga e maua i taimi uma, gafatia lona tau, i se siosiomaga saogalemu ina ia mafai ona tali atu ai i le siitia o ia manaoga tau malosiaga. Faaalia e le au suesue, o loo faaaogaina le suauu i se tulaga televave nai lo le tulaga sa mafaufauina, ma o le ala lea ua tatau ai ona faalauiloa ma siitia avanoa mai malosiaga faafouina i totonu o le atunuu.

O le sini autu o le Faigafaavae mo Atinae o Malosiaga mo Samoa 2007 o le "Ia siitia i le 20% le saofaga o Malosiaga Faafouina i le vaega o oloa ma auunaga i le 2030". O le malosiaga faafouina o se tasi o vaega i totonu o le Faigafaavae mo Atinae o Malosiaga mo



Samoa ma o le sini autu “ia sua le faalagolago i suauu auina mai i fafo i le atinaeina o Malosiaga Faafouina”.

O Malosiaga Faafouina e saogalemu mo le



siosiomaga ma mama, ma o le ala lea e sili atu ai e sui tulaga i suauu mai i fafo. O malosiaga e maua mai le suavai ma le la ua

faamaonia ma ua talafeagai mo Samoa, ma o nisi sailiiliga na faaalai ai o loo i ai isi malosiaga faafouina e ono talafeagai mo Samoa e aofia ai malosiaga mai le faaaogaina o laau, otaota o manu ma lapisi, savili, ma suauu popo. O loo fesoasoani mai faalapotopotoga e maua mai ai tupe e tuuina atu ai i le maketi pe i ai ni paaga e fia faatautaia le malosiaga i le faaaogaina o laau ma le suauu popo. O loo ua i ai se vaega talafeagai e mataituina le vaega o malosiaga ina ia ogatasi ma le Faigafaavae mo Atinae o Malosiaga i le Matagaluega o Tupe ma e galulue faatasi ma le Faalapotopotoga o Suesuega Faasaienis i Samoa ma le Matagaluega o Punaoa Faalenatura ma le Siosiomaga.

Taiala

1. Faalauiloa ma siitia auunaga e gaosia ma le sao o atinae tau malosiaga faafouina;
2. Ia lelei ma gafatia aemaise le faalagolagoina o auunaga tau le gaosia o le eletise;
3. Ia lelei le mataituina o le suauu auina mai i totonu o le atunuu;
4. Faalauiloa le faaaogaina tatau o malosiaga i vaega uma aemaise le vaega o femalagaiga; ma
5. Galulue faatasi mo le faaleleia o Fuafuaga ma Pulega o le vaega o Malosiaga e ala i le faatinoina o le fuafuaga autasi mo malosiaga.

Faailoilo e Mataituina ai Taiala

1. Agai malie i le lē toe faaaogaina o suauu mai fafo;
2. Ia siitia le saofaga o malosiaga faafouina mo oloa ma auunaga i le 8% mo le 4 tausaga o fuafuaga;
3. Faamaeaina ma faatinoina le fuafuaga autasi mo malosiaga; ma
4. Ia fausia tulafono tau malosiaga.

O le faalauiloaina o le faaaogaina tatau o malosiaga i totonu o le atunuu o se vaega taua tele, e siitia ai le silafia ma le malamalama i le taua o le faasaoina o malosiaga ma le faaaoga tatau aemaise lava le vaega o femalagaiga. O le vaega o femalagaiga e taua tele i le soifuaga lautele ma le atinaeina o le tamaoiaiga o Samoa, o le ala lea e taua ai le siitia o le faalauiloaina o le faaaoga tatau o malosiaga ona o le siisii pea i luga o le tau o le suauu o loo auina mai

fafo. O isi auala mo le faaaoga tatau o malosiaga mo le vaega o femalagaiga e aofia ai le faaaogaina o auunaga lautele tau femalagaiga, faaaogaina o se taavale e tasi e femalagaa'i ai ma le faaaogaina o uila vili vae.

O le mataituina o le galulue faatasi mo le faaleleia o fuafuaga ma pulega o le vaega o malosiaga o le a avea ma galuega faatino a le vaega o Malosiaga i le Matagaluega o Tupe, e galulue faatasi ma le felagolagomai ma matagaluega ma faalapotopotoga a le Malo ma isi vaega e aafia i malosiaga.

O loo iloiloaina le Faigafaavae mo Atinae o Malosiaga mo Samoa ma o loo faavaeina mai ai se fuafuaga faataatia mo le vaega o malosiaga mo le tausaga e 2012-2016 ma o loo fuafua e maea le faavaeina o lea fuafuaga faataatia i le oga totonu o le tausaga 2012.

VAEGA FAAMUAMUA 4: SIOSIOMAGA

Taunuuga Moomia 13: Siosiomaga Gafataulimaina

O le feagaiga a Samoa ua iai ia mautinoa se siosiomaga gafataulimaina ma o se tasi o vaega taua mo atinae mautu, ma o lenei matafaioi e patino i le Matagaluega o Punao Faalenatura ma le Siosiomaga.



O nei galuega o lo'o lagolagoina e ala atu i atinae ma le faatinoina lea o tulafono talafeagai ma faiga faavae ia lima taitaina ai atinae gafataulimaina ma le puleaina o punaoa

Taiala

1. Ia faamautuina le puleaina o punaoa faalenatura;
2. Ia siitia le ogatasi o le sini autu ma taiala tala feagai mo le Vaega maoti o le Siosiomaga;
3. Lagolagoina suesuega faasaienisi ma le tuufaatasi o faamaumauga mo le pulea lelei;
4. Faalauiloa le siosiomaga lelei o aupega faaneionapo;
5. Puipuia galuega faasao o laufanua taua ma o latou siosiomaga;
6. Siitia le puleaina lelei o laufanua;
7. Atinae faiga faavae mo atinae gafataulima i totonu o le taulaga;
8. Faamalositia le galulue faatasi ma afioaga i le pulea gafataulimaina o punaoa faanatura ma le siosiomaga;
9. Siitia auala i le puleaina o otaota ma le lagolagoina o atinae mautu; ma
10. Siitia auala tua suesuega mo le mataituina o punaoa o suavai.

faalenatura. O le a mautinoa ai le faaoga lelei o tatou punaoa faalenatura. O le siosiomaga o se mataupu e lautele ma agavaa lona talanoaina i vaega uma o fuafuaga tau atinae. O le auai o nuu ma alalafaga i le puleaina o le siosiomaga o se mataupu taua tele ina ia mafai ona silafia ai le taua le gafataulimaina o le siosiomaga; e pei o le faalauiloa i le mamalu lautele o le atunuu aafiaga o atinae tau faatoaga i autafa o vaitafe o loo tapueina ai le suavai mama e auala atu lea i le puleaina lelei o laufanua ma faasao.

O le faatinoina o le pulea lelei o laufanua o lo'o faamanino ai le faaoga lelei ai o lenei punaoa ina ia ogatasi ai ma itu lelei faapea ai

Faailoilo e Mataituina ai Taiala

1. Siitia pasene o laueleele e avea ma vaomatua;
2. Faateleina le aofai o laau ua totoina i le polokalame o vaomatua i afioaga i tua;
3. Faateleina le aofai o nofoaga ma meaola taua ua puipuia ma faasao;
4. Faaitiitia le aofai o ituaiga meaola ua lamatia ma faasolo ina le toe maua;
5. Faaitiitia le aofai o ituaiga meaola ua lamatia ma faasolo ina le toe maua;
6. Faalauaitale polokalame mo suesuega o punaoa tau o le suavai o lo'o lalo o le eleele;
7. Pasene o laufanua ua mafai ona toe faaolaina ma faaleleia i ona tulaga e mafai ai ona toe atinaeina;
8. Mautu tulafono/faiga faavae mo le mataituina o lalasi matautia ma vailaaau oona;
9. Siitia le silafia e nuu ma alalafaga i le puipuiga o punaoa o lo'o tapueina ai le suavai ma le aafiaga o le galueaina o laufanua mo faatoaga;
10. Faateleina le laufanua ua faapena ona faalauiloa e tapueina ma faasao ai le suavai; ma
11. Siitia le ogatasi o le maliliega ma fuafuaga mo le puleaina o le faaogaina o laufanua.

ma ona aafiaga. O luitau ma lesona taua sa feagai ai ma le faatinoina o galuega mo le faamautuina o le pulea lelei o laufanua i tausaga ua mavae e tatau ona tuuina i totonu o atinae fou.

E tai tutusa foi i le tomai sa mauaina mai foi i le polokalame o le “Pulea lelei o Laufanua i Vaitele” o se tasi aupega taua mo fuafuaga o se nofoaga e nofoia e le mamalu o le atunuu ma fale gaosi oloa.

O le lē lelei ona pulea otaota o le a telē ai ni aafiaga i le soifua maloloina o tagata lautele, siosiomaga, punaoa o le suavai, gataifale, faatoaga, turisi, fefaatauaiga, o le lava o meaai taumafa ma atinae mautu i lona aotelega. O le siitia o otaota mai augatupulaga ona o le mafua mai o le siitia o le fuainumera o tagata fananau ma le tamaoiaiga ua agai ai i le faaogaina lea o le metotia mai Fukuoka mo laueleele e lafoai ai lapisi mo Savaii ma Upolu.

O le tuufaatasia o le taiala mo le Siosiomaga e taoafai ai ia sini autu ina ia ogatasi uma ai poloketi ma faaitiitia ai le toe faatinoina ai o se isi poloketi o loo faapea ona faatino se isi vaega ma ia faamalosia le fesootaiga o vaega maoti e tatau ona faamuamua. E taua foi le maioio lelei o vaega e ave iai le faamuamua ina ia manino i totonu o faasologa o fuafuaga autasi, faiga faavae ma tala faatatau o tupe.

Taunuuga Moomia 14: Puipuiga mo Fesuiaga o le Tau ma Faalavelave Matuia

E tele faalavelave faalenatura ua aafia ai Samoa i tausaga ua mavae. O se tasi o faalavelave matuia e o le mafui’e i le tausaga 2009, e 8.9 le malosi sa faamauina ma sa tupu ai se galu afi lea na maliliu ai le 143 tagata Samoa, faapea ai ma le faaleagaina o meatotino a aiga ta’itasi, atoa ai ma atina’e tetele. E taua le tuuina i totonu o taiala ma faailoilo talafeagai vaega e patino i aafiaga o fesuiaga o le tau i fuafuaga autasi ma faiga faavae o vaega ma’oti, ia mautinoa ai le nofo sauniuni o tagata e tali atu i faalavelave matuia. O le tali atu i le fesuiaga o le tau e faatatau i le iloiloga o le tulaga lamatia ma lapataiga ona o fesuiaga o le tau ma faalavelave matuia e ono aafia ai fuafuaga a vaega eseese ma atinae tetele ina ia iloa tonu ai ni gaiioiga e faatino e faaitiitia ai le tulaga lamatia. O le’a faamalosia fo’i le faaogaina o auala talafeagai mo le puipuiga mai le fesuiaga o le tau o le ola faanatura o manu ma laau.



E le gata i lea, o matagulega o le malo faapea ai ma faalapotopotoga tumaoti a le malo, o le’a gafa ma le faatinoina o polokalame faalauiloa e faatatau i fesuiaga o le tau ma faalavelave matuia, ina ia siitia le galulue faatasi o nuu ma alalafaga taitasi, ma ia silafia ai le aafiaga o faalavelave matuia faapea ona siitia ai le agavaa eseese e nonofo sauniuni e tali atu i faalavelave matuia i le lumana’i.



O le tuufaatasia ma le tuuina atu o lapataiga ma faamatalaga o se vaaiiga mamao i ni fesuiaga o le tau, faapea ai ma faamatalaga faasaienisi e patino i le aafiaga o le fesuiaga o le tau, o le’a gafa ma le Ofisa o Vaaitau, atoa ai ma le Matagaluega o Punaoa Faalenatura ma Siosiomaga, faapeai ma le Faalapotopotoga o Suesuega Faasaienisi a Samoa (SROS).

O le’a faatupulaia fo’i le faaleleia atili o le mataituina o fesuiaga o le tau e ala ile aoina o faamaumauga ma faamatalaga mai vaega eseese i se nofoaga tutotonu, e mafai ai ona silafia ai le aafiaga o le fesuiaga o le tau ma le atina’eina o ni fuafuaga talafeagai mo le tali atu i le fesuiaga o le tau.

Taiala

1. Ia mautinoa le aofia o taiala ma faailoilo talafegai e patino i aafiaga o fesuaiga ole tau;
2. Iloilo le tulaga lamatia ma lamatiaga ona o fesuaiga o le tau ma faalavelave matuia e ono aafia ai fuafuaga a vaega eseese ma atinae tetele ina ia iloa tonu ai ni gaiioiga e faatino e faaititia ai le tulaga lamatia;
3. Faamalosia le faaogaina o auala talafegai mo le puipuiga mai fesuaiga o le tau o le ola faanatura o manu ma laau;
4. Faaauau le faatinoina o polokalame faalauiloa e faatatau i fesuaiga o le tau ma faalavelave matuia;
5. Siitia agavaa o vaega eseese e nofo sauniuni e tali atu i faalavelave matuia;
6. Tuufaatasi ma tuuina atu lapataiga ma faamatalaga o se vaaiga mamao i ni fesuiiga o le tau;
7. Faaleleia atili le mataituina o fesuaiga o le tau e ala ile aoina o faamaumauga ma faamatalaga mai vaega eseese i se nofoaga tutotonu;
8. Faatino ni fuafuaga talafeagai mo le faaititiaina o kasa, ina ia faamalieina aiaiga o le faiga faafaatauaiga o kasa kaponi;
9. Faamaea le iloiloga ma faatino fuafuaga faataatia mo le vaaia lelei o aseta tulata ile sami; ma
10. Faatino le faatupeina o auala e tali atu ai aafiaga o fesuaiga o le tau ma aafiaga o faalavelave matuia DRM.

o aseta tulata ile sami, ona o lo'o nonofo le tele o tagata i Upolu faapea ma Savaii i tumatafaga ma augutu o vai e latalata i le sami, ma e ono tele le aafiaga ona o faalavelave matuia, e pei o matagi ma afa, ma le solo o le palapala ona o le fesuiiga o le tau.

O le'a faatino le faatupeina o auala e tali atu ai i aafiaga o fesuaiga o le tau ma aafiaga o faalavelave matuia, e ala i le faatupulaia o le faipaaga o le malo o Samoa ma fesoasoani mai fafo faapea ai ma faaputugatupe faaletulafono.

O le'a faatino ni fuafuaga talafeagai mo le faaititiina o kasa oona, ina ia faamalieina aiaiga o le faiga faafaatauaiga o kasa kaponi, e ala i le aoina o faamatalaga talafeagai.

E le gata i lea, o le'a faamaea le iloiloga ma faatino faufuaga faataatia mo le vaaia lelei

Faailoilo e Mataituina ai Taiala

1. Pasene e tuuititia ai kasa oona o loo mafua ai fesuaiga ole tau;
2. Aofaiga o ni faiga faatekonolosi e maua ai malosiaga mama e faalauiloa ma unaia le faaogaina;
3. Ia i ai se faiga e mataitu ai ma faamaumau ai faamaumauga o fesuaiga o le tau ma ona aafiaga;
4. Ia i ai se faiga e mataitu ma iloilo ai pe o iai ni taunuuga lelei o polokalame o faalavelave matuia e faatino mo le atunuu atoa, o faalapopotoga ma afioaga taitasi;
5. Aofaiga o fuafuaga mo faalavelave matuia mo faalapopotoga, ma afioaga eseese e tuufatasia ma faatino;
6. Aofaiga o polokalame e maea ona faatino i afioaga, pisinisi ma faalapopotoga tumaoti;
7. Aofaiga o faamatalaga o tulaga lamatia mai aafiaga ona o fesuaiga ole tau e iloilo ma tuufatasia;
8. Faagasologa ma taunuuga ole faatinoina o fuafuaga faataatia mo le vaaia lelei o aseta tulata i le sami;
9. Aofaiga o nofoaga o le eleele ma le sami ma isi nofoaga e aofia ai ma meaola taua e toe faaleleia; ma
10. Ia i ai se faiga e faafoe ma mataitu lelei ai le faaogaina o vaega tupe mo le tali atu i aafiaga o fesuaiga o le tau ma aafiaga o faalavelave matuia.

O le naunautai'ga ina ia sui mai i le polokalame fa'apoloketi, ona e le'o se atina'e gafatiataulimaina ae ia faia polokalame i vaega maoti.

O lo'o i ai foi ni polokalame mo le Malo ina ia mafai ona tagofia vaega tupe mo le faatupeina o polokalame e patino i suiga o le tau, e tatau fo'i ona faalauteleina faiga faavae mo le pulea lelei o fuafuaga autasi faapea le vaavaaiga lelei o tupe, ae le gata i lea o aupega faalesuesuega e iai le Iloiloga o Atinae ma Faiga Faavae mo Puipuiga mo Fesuaiga o le Tau (CPEIR) ina ia solo lelei le faataunuuna o taiala ma faailoilo talafeagai e patino i aafiaga ma fesuiagia o le tau i fuafuaga autu a le malo.

MATAITUINA MA LE ILOILOGA O LE TAS 2012 - 2016

VAEGA FAAMUAMUA I: PULEA LELEI O LE TAMAOAIGA			
TAUNUUGA MOOMIA 1: MAUSALI LE TAMAOAIGA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTIE FAATINOINA</u>	<u>MATAGALUEGA/OFISA E FAATINOINA</u>
<p>1. Mausali tulaga lelei mo le faasoasoina tatau o tupe a le Malo ma puipuiga o le tamaoaiga:</p> <ul style="list-style-type: none"> - Faaauau ona faamalositia pulega lelei o tupe a le Malo; - Faatinoina ma mataituina le Taiala mo Nonogatupe; - Faatinoina ma iloiloaina le Faiga faavae mo Tupe faameaalofa mai fafo; 	<p>1. Faiga faavae tau tupe a le Malo:</p> <ul style="list-style-type: none"> - Ia le sili atu ma le 3.5% o le tamaoaiga le tupe pau o le tala o le tupe a le Malo; <p>2. Ia le sili atu ma le 50% o le tamaoaiga ia nonogatupe a le Malo;</p> <p>3. Faaleleia Faamaumauga Manino o Tupe Faaalu a le Atunuu (Public Expenditure and Financial Accountability (PEFA) mai le 2010;</p>	<p align="center">Vaega Maoti o Tupe</p>	<p>Matagaluega o Tupe/ Matagaluega mo Tupe Maua/ Ofisa o le Suetusi Sili</p>
<p>2. Fetuuna'i faiga faavae talafeagai o tupe a le atunuu;</p>	<p>4. Faiga faavae tau tupe a le atunuu:</p> <ul style="list-style-type: none"> - Ia i le va o le 3 – 4% i le tausaga le tau o le soifuaga; - Ia i le va o le 4 – 6 masina e gafatia ai e tupe faagaga oloa faatau mai fafo; - Ia lelei le tau o fesuiaga o tupe i fafo; - Faaleleia tulaga talafeagai mo le faia lea o nonogatupe a le veaga faipisinisi tumaoti; 		<p>Faletupe Tutotonu o Samoa</p>

VAEGA FAAMUAMUA I: PULEA LELEI O LE TAMAOAIGA			
<i>TAUNUUGA MOOMIA 1: MAUSALI LE TAMAOAIGA</i>			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
4. Ia faia se auivi talafeagai mo le vaega o tupe;			Matagaluega o Tupe
5. Faia se taiala mo le se'e ese mai o Samoa mai atunuu e vaivai le tamaoaiga i le lalolagi;			Matagaluega o Tupe/ Matagluega o le Va i fafo ma Fefaatauaiga/ Matagaluega o Pisinisi, Alamanuia ma Leipa
	5. Pulega o le tamaoaiga; - Ia ausia le 3 – 4% e faatupulaia ai le tamaoaiga i le tausaga;		Matagaluega o Tupe / Faletupe Tutotonu / Ofisa o Fuainumera ma Faamaumauga

VAEGA FAAMUAMUA I: PULEA LELEI O LE TAMAOAIGA

TAUNUUGA MOOMIA 2: SIITIA TULAGA O FAATOAGA

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
<p>1. Tautuna le iai o vaega uma o loo taua i lalo aua le unaia ma le faatupulaia o le fuainumera o tagata faifaatoaga ma faiga faiva:</p> <ul style="list-style-type: none"> - Auaunaga e fautuaina ai le au faifaatoaga, fai lafu manu ma le au fai faiva; - Ia mausali ma atoatoa mea faigaluega uma aua galuega mo le au faifaatoaga, fai lafu manu ma le au fai faiva; - Faafaigofieina le gafatia e tagata uma o lenei vaega maoti ona maua nonogatupe ma nisi faamaumauga aua le maketiina o a latou oloa; 	<p>1. Faatupulaia i le 2% i le tausaga le sao ile Tamaoaiga;</p> <p>2. Faaitiitia le faatauina mai i totonu o fua o faaeleeleaga ma oloa o pusa aisa e aafia ai manu fasi;</p> <p>3. Siitia le tulaga o fua o faaeleeleaga o loo faatauina mai i le Maketi i Fugalei;</p> <p>4. Faatupulaia le fuainumera o tagata faifaatoaga ma le aufaifaiva laiti o lo'o fai faapisinisi fo'i a latou ma'umaga ma faiva;</p> <p>5. Faatupulaia le aofaiga o tagata o lo'o galulue poo o lo'o iai fo'i le latou sao i le Vaega Maoti o Faatoaga ma Faigafaiva;</p>	<p align="center">Vaega Maoti o Faatoaga</p>	<p align="center">Matagaluega o Faatoaga ma Faigafaiva, Faleoloa o Faatoaga, Faletupe o Atinae</p>
<p>2. Unaia le faaaogaina o suesuega ile gaosiaina o oloa mai fua o faaeleeleaga aemaise ai fo'i lafu manu ma faigafaiva;</p>	<p>6. Faatinoina feutanaiga i le va o le Malo ma le vaega tumaoti aemaise ai nisi paaga masani;</p> <p>7. Faavaeina faamaumauga o le sao ile Tamaoaiga o faatoaga ma faigafaiva laiti o loo faaaogaina lea mo le fofoga taumafa o tagatanuu (e ese mai ile aufaipisinisi);</p>		<p align="center">Matagaluega o Faatoaga ma Faigafaiva, Inisitiute mo Suesuega mo Atinae</p>
<p>3. Lagolagoina le atina'ega o faatoaga e le faaaogaina ai vailaau;</p>			<p align="center">Matagaluega o Faatoaga ma Faigafaiva, Faalapotopotoga o Tamaitai Faipisinisi Tauatie</p>
<p>4. Siitia le tulaga o aoaoga</p>			<p align="center">Matagaluega o Faatoaga ma Faigafaiva,</p>

VAEGA FAAMUAMUA I: PULEA LELEI O LE TAMAOAIGA

TAUNUUGA MOOMIA 2: SIITIA TULAGA O FAATOAGA

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
<p>ma le tomai e ala lea i le unaia o aoaoga mo leni vaega maoti i aoga tulaga lua, aoga maualuluga aemaise ai Aoga mo Matata Eseese;</p>	<p>8. Faatuina auaunaga i nuu i tua e fautuaina ai le aufaifaatoaga;</p>		<p>Matagaluega o Tina ma Tamaitai, Atinae o Nuu ma Aga Fesootai, Matagaluega o Aoga, Taaloga ma Aganuu, Le Iunivesite Aoao o Samoa</p>
<p>5. Siitia fo'i le tomai mo e aafia i le tuufaataisa o faiga faavae, fuafuaga faataatia aemaise ai faiga o pulega aua le mausali o le atinaeina o leni vaega maoti;</p>	<p>9. Fuainumera o e faauuina mai aoga maualuluga poo Iunivesite ma Aoga o Matata Eseese;</p>		<p>Matagaluega o Faatoaga ma Faigafaiva</p>

VAEGA FAAMUAMUA I: PULEA LELEI O LE TAMAOAIGA			
TAUNUUGA MOOMIA 3: OLOA FAATAUINA ATU I ATUNUU I FAFO			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Iloilo ma faatino le Taiala mo Oloa Faatauina atu i Atunuu i Fafo;	1. Faatupulaia oloa faatauina atu I atunuu I fafo ile 5% I tausaga ta'itasi;	Vaega Maoti o Faatoaga / Fefaatauaiga, Pisinisi & Oloa Gaosi	Matagaluega o le Va i fafo ma Fefaatauaiga
2. Faavaeina se Komiti faapitoa e faafoeina auaunaga aua le faalauiloaina o oloa faatauina atu i atunuu i fafo aemaise ai fo'i le faatautaia o faatalatalanoaga ma suesuega i ni maketi e ono faatauina atu ai oloa;	2. Faatupulaia ituaiga oloa ua mae'a ona gaosi o lo'o faatauina atu i atunuu i fafo;		Matagaluega o le Va i fafo ma Fefaatauaiga
3. Faalauiloa ma unaia fua o faaeleleaga mai faatoaga e le faaaogaina ai vailaau;	3. Faatupulaia fua o faaeleleaga faatauina atu i atunuu I fafo ile 3% I tausaga ta'itasi;		Matagaluega o Faatoaga ma Faigafaiva, Inisitiute mo Suesuega mo Atinae
4. Faatautaia su'esu'ega ma faalauiloa oloa e ono gaosia mai i fua o faaeleleaga ma aano o manu fasi aua le faamoemoe e faatauina atu i atunu'u i fafo;	4. Siitia le fuainumera o le au faifaatoaga o lo'o faaaogaina faamaumauga e fautuaina ai latou atina'e;		Matagaluega o Faatoaga ma Faigafaiva, Inisitiute mo Suesuega mo Atinae, Matagaluega o le Va i fafo ma Fefaatauaiga
5. Una'ia le galulue so'oso'o tau'au o le aufaipisinisi uma o lo'o	5. Faavaeina ma faatupeina le Komiti Faapitoa mo Oloa faatauina atu i atunuu i fafo;		Matagaluega o le Va i fafo ma Fefaatauaiga, Matagaluega o Faatoaga ma Faigafaiva, Matagaluega o Pisinisi, Alamanuia ma Leipa
	6. Maitauina le galulue so'oso'o tau'au o le aufaipisinisi uma o lo'o faatauina atu i atunuu i fafo a latou oloa;		

VAEGA FAAMUAMUA I: PULEA LELEI O LE TAMAOAIGA			
<i>TAUNUUGA MOOMIA 3: OLOA FAATAUINA ATU I ATUNUU I FAFO</i>			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
gaosia oloa ina ia mafai ona tali atu i mana'oga mo oloa faatauina atu i atunuu i fafo;			
6. Faamalosia le galulue faatasi o le Komiti Faapitoa mo oloa faatauina atu i fafo ma le au faipisinisi o loo gaosia nei oloa;			Matagaluega o le Va i fafo ma Fefaatauaiga, Matagaluega o Faatoaga ma Faigafaiva, Matagaluega o Pisinisi, Alamanuia ma Leipa

VAEGA FAAMUAMUA I: PULEA LELEI O LE TAMAOAIGA

TAUNUUGA MOOMIA 4: MAUSALI LE FAATUPLAIA O TAGATA TAFAFAO MAIMOA MAI FAFO

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faaleleia ma unaia le faalauiloaina ma le maketiina o Samoa;	1. Ia faatupulaia mai le 5 – 7% le numera o tagata tafafao maimoa mai fafo i le tausaga;	Vaega Maoti o Turisi	Ofisa o Tagata Tafafao mai Fafo a Samoa
2. Ia mautinoa le lelei o oloa ma tautua moomia e faatosina mai ai tagata tafafao mai fafo faapea ai ma le lelei atoatoa o le auaunaga e ala atu lea i le faatinoina o tulaga lelei e tatau ona ausia e faletalimalo;	2. Ia faatupulaia le tupe maua mai tagata tafafao maimoa mai fafo i le 5% i le tausaga; 3. Ia siiitia le numera o le aufaipisinisi i le vaega o le turisi; 4. Ia faatumauina i le 30 i le tausaga malaga mai a vaa tetele tafafao mai fafo poo meli i Samoa;		Ofisa o Tagata Tafafao mai Fafo a Samoa, Faalapotopotoga o Fale-talimalo a Samoa
3. Ia lagolago ma unaia fesootaiga i vaega e faia aoaoga ina ia faamalasia ai aoaoga talafeagai mo le vaega o turisi;	5. Ia 100% o le aufaipisinisi poo faletalimalo e ausia tulaga lelei ua maea ona faataatitia mo faletalimalo i Samoa;		Ofisa o Tagata Tafafao mai Fafo a Samoa, Le Iunivesite Aoao o Samoa, Aoga Matataeseese a Ausetalia (APTC)
4. Ia faaleleia fesootaiga a le aufaipisinisi a le vaega o turisi ma maketi i fafo;	6. Ia faatupulaia ma ausia le 15% o tagata tafafao mai fafo e nonofo i faletalimalo i lenei 4 tausaga;		Ofisa o Tagata Tafafao mai Fafo a Samoa
5. Ia faaleleia atina'e eseese tau turisi;			Ofisa o Tagata Tafafao mai Fafo a Samoa, Matagaluega o Galuega, Femalagaiga ma Atinae Tetele
6. Ia faia se Faiga faavae i le faalauiloaina o pisinisi i le vaega o turisi;			Ofisa o Tagata Tafafao mai Fafo a Samoa
7. Ia faamalasia fesootaiga a le vaega o turisi ma isi			Ofisa o Tagata Tafafao mai Fafo a Samoa

VAEGA FAAMUAMUA I: PULEA LELEI O LE TAMAOAIGA			
<i>TAUNUUGA MOOMIA 4: MAUSALI LE FAATUPLAIA O TAGATA TAFALAO MAIMO A MAI FAFO</i>			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
vaega o le tamaoaiga;			

VAEGA FAAMUAMUA I: PULEA LELEI O LE TAMAOAIGA			
TAUNUUGA MOOMIA 5: FAAFAIGOFIE TULAGA MO LE ATINAEINA O PISINISI			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faatinoina se Fuafuaga Faataatia mo le Vaega o Fefaatauaiga aua le Faaleleia atili o le Faafaigofieina o Tulaga mo le Atinaeina o Pisinisi;	1. Siitia le numera o tagata faigaluega i le matata o Fefaatauaiga i Pisinisi;	Vaega Maoti o Fefaatauaiga / Vaega o le Pulega Faatonu a le Malo	Matagaluega o Pisinisi, Alamanuia ma Leipa
2. Faamalosia ma lagolago le faia o le vaega e tuufaatasia faamatalaga mo fesoasoani ma mataupu uma tau alamanuia (One Stop Shop);	2. Faatupulaia le taliaina o pisinisi mai Atunuu i fafo;		Matagaluega o Pisinisi, Alamanuia ma Leipa
3. Faaleleia galuega tetele mo pisinisi ma le lautele mo se tau talafeagai;	3. Numera o pisinisi laiti e lei resitala e avea ma pisinisi resitala i aiaiga uma a le malo;		Matagaluega o Pisinisi, Alamanuia ma Leipa, Matagaluega o Galuega, Femalagaiga ma Atinae Tetele
4. Unaia ma faamalosia le atinaeina o pisinisi laiti;	4. Ia faaitiitia le tau o le faatinoina o se pisinisi e ala lea i le faafaigofieina ona fai nonogatupe ma ia maua se tau talafeagai mo vaega e faatinoina ai se pisinisi;		Matagaluega o Pisinisi, Alamanuia ma Leipa
5. Ia mataitu le lagolagoina o Pisinisi i Nuu i Tua;	5. Siitia le tulaga faipaaga a le Malo ma Vaega Tumaoti (PPP);		Matagaluega o Pisinisi, Alamanuia ma Leipa
6. Ia siitia (maualuga) le tulaga o le vave ma le sao(tonu) i le tautuaina e le malo o Vaega Tumaoti ma le Atunuu lautele;	6. Siitia Pulega Lelei o Faletupe o le Lalolagi aua se taunuuga lelei o le Malo;		Matagaluega o Pisinisi, Alamanuia ma Leipa, Komisi e Pulea Galuega a le Malo, Matagaluega o Tupe
	7. Ia tausaga ma faatino Ripoti o Iloiloga mo Fuafuaga a le Vaega Pulega Faatonu a le Malo (faailo mo lea tulaga);		
	8. Ausia Ala o Tulafono mai le siitiaina o le Pulega Lelei o Faletupe o le Lalolagi;		

VAEGA FAAMUAMUA II: MATAITUINA O LE SOIFUAGA LAUTELE

TAUNUUGA MOOMIA 6: SAMOA SOIFUA MALOLOINA

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Unaia ma faaleleia auunaga faalauiloa faalesoifua maloloina (e aofia ai auunaga tau le faalauiloa, pui puiga ma togafitiga);	1. Faaitiitia pepe maliliu i lalo ifo o le 1 tausaga;	Vaega Maoti o le Soifua Maloloina	Auaunaga Faalesoifua Maloloina
2. Faaauau ma faaleleia le atinaeina o tagata faigaleuga faalesoifua maloloina;	2. Faaitiitia tamaiti maliliu i lalo ifo o le 5 tausaga;		Matagaluega o le Soifua Maloloina
3. Faaauauina le atinaeina ma le faaleleia o aupega o faamaumauga ma faamatalaga faalesoifua maloloina;	3. Siitia tamaiti tai 1 tausaga ua maea tui puipua faatusa i tamaiti mamai i le misela;		Auaunaga Faalesoifua Maloloina
4. Faaleleia ma siitia le faatupeina o auunaga faalesoifua maloloina;	4. Faaitiitia tina e maliliu i vaitaimi o maitaga;		Matagaluega o le Soifua Maloloina, Matagaluega o Tupe
5. Faaleleia vailaau, mea faatino faapea masini faaneionapo ma galeuga faalesoifua maloloina;	5. Siitia le numera o tamaiti i nuu i tua ua maea o latou tui puipui;		Auaunaga Faalesoifua Maloloina, Matagaluega o le Soifua Maloloina
6. Unaia pulega ma taitaiga lelei;	6. Siitia le numera o fanauga e faatino e fomai e agavaa faapitoa;		Matagaluega o le Soifua Maloloina
	7. Faaitiitia le mai suka, toto maualuga ma le tino puta;		
	8. Faaitiitia tagata pule io latou ola;		
	9. Faaitiitia tagata maliliu ona o le siama o le HIV/AIDS;		
	10. Faaitiitia tagata e aafia i faamai pipisi ona o feusuaiga;		
	11. Faaitiitia tagata e aafia ma maliliu i le fatafata vaivai;		
	12. Siitia le numera o fomai faapitoa, tausi soifua aemaise isi tomai faapitoa faalesoifua maloloina;		
	13. Siitia le numera o fomai mo tagata lautele;		

VAEGA FAAMUAMUA II: MATAITUINA O LE SOIFUAGA LAUTELE

TAUNUUGA MOOMIA 7: FAAMAMAFI LE SIITIA O AVANOA MA IUGA O TAUMAFIIGA FAALEAOAOGA

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faaauauina le lelei o aoaoga ma tomai ma agavaa i tulaga uma mo aoaoga;	1. Siitia le fuainumera o Auaunaga Mauualuluga Faaleaoaoga, polokalame ma tomai faapitoa e talafeagai ma isi atunuu i fafo; 2. 100 % o aoga e ausia le Tapulaa Maualuga o Auaunaga ina ia siitia ai tulaga faaleaoaoga o le fanau; 3. Siitia le fuainumera o faiaoga ua faauuina i tomai faapitoa i le Iunivesite Aoa o Samoa;	Vaega o Aoaoga	Matagaluega o Aoga, Taaloga ma Aganuu, Le Iunivesite Aoa o Samoa, Pulega o Faailoga ma Tusipasi Taualoa
2. Siitia avanoa mo aoaoga talafeagai i soo se matata ma tulaga uma mo aoaoga;	1. Siitia le fuainumera o tamaiti-aoga e iai manaoga faapitoa e auai atu i soo se vaega tau aoaoga; 2. Uunaia le a'oa'oina o le faaaogaina o Masini Faatenokolosi i a'oa'oga;		Matagaluega o Aoga, Taaloga ma Aganuu, Pulega o Faailoga ma Tusipasi Taualoa
3. Faamalositia le o gatasi o manulauti mo le atina'e o le atunu'u ma le atina'ega o mataupu faaleaoaoga;	1. Siitia avanoa faigaluega mo e ua pasi mai aoga mauualuluga; 2. Fausia ma faatinoina faiga faavae e limataitaina ai le atinaeina o tomai ma agavaa;		Matagaluega o Aoga, Taaloga ma Aganuu, Pulega o Faailoga ma Tusipasi Taualoa
4. Siitia le tulaga o fuafuaga faataatia ma faiga faavae e faasaga lea i tulaga uma faaleaoaoga;	1. Faalautele le agavaa mo fuafuaga, suesuega ma le atina'eina o faiga faavae i le vaega o aoaoga; 2. Atia'e, faatino ma puleaina lelei faamaumauga mo e ua ausia aoga mauualuluga; 3. Tuufaatasia le faamaopopoina o		Matagaluega o Aoga, Taaloga ma Aganuu

VAEGA FAAMUAMUA II: MATAITUINA O LE SOIFUAGA LAUTELE			
TAUNUUGA MOOMIA 7: FAAMAMAFI LE SIITIA O AVANOA MA IUGA O TAUMAFIIGA FAALEAOAOGA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
	le Vaega o Aoaoga;		
5. Siitia le tulaga o meafaitino ma alamanuia faaogaina mo aoaoga ma ia faatumauina le pulea lelei o le vaega o aoga;	1. Siitia auunaga lautele a le vaega o aoga; 2. Siitia le tulaga o meafaitino ma alamanuia i le vaega o aoga;		Matagaluega o Aoga, Taaloga ma Aganuu

VAEGA FAAMUAMUA II: MATAITUINA O LE SOIFUAGA LAUTELE

TAUNUUGA MOOMIA 8: FAATUMAUINA SOIFUAGA LAULELEI

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
MANULAUTI 8.1 - SAMOA SAOGALEMU MA LE MAUTU			
1. Siitia le saogalemu o nuu ma afioaga e ala i le faaleleia o le pui-puiga mai soligatulafono;	1. Ia siitia le lipotiina mai o soligatulafono;	Vaega Maoti o Tulafono ma Faamasinoga	Matagaluega o Leoleo ma Falepuipui
2. Faaleleia avanoa i faamasinoga, tulafono ma auunaga faaletulafono;	2. Faaitiitia soligatulafono (sauaga i totonu o aiga, sauaina o fanau, fasioti tagata, gaoi ma isi);		Matagaluega o Leoleo ma Falepuipui / Matagaluega o Faamasinoga
3. Unaiia ma tuufaatasia faamasinoga faaleaganuu ma faamasinoga i nuu ma afioaga ma le faiga aloaia o faamasinoga;	3. Faaitiitia le numera o tamaiti ma tupulaga toe solitulafono;		Matagaluega o Leoleo ma Falepuipui / Matagaluega o Faamasinoga
4. Unaiia le tauleleia ma pulegalelei e aofia ai le faaleleia o taiala ma auunaga mo faamasinoga faaleaganuu ma faamasinoga i nuu ma afioaga;	4. Faamalosa polokalame aua le vaavaaia lelei o le saogalemu o nuu ma alalafaga;		Matagaluega o Faamasinoga / Komisi o le Toefuataiga o Tulafono a Samoa
5. Atia'e le mafai gafatia o lala sooupu ma faaleleia le faamaopoopoga o auunaga;	5. Siitia le aoina o faamaumauga e mataituina ai soligatulafono mai lea taimi i lea taimi;		Matagaluega o Leoleo ma Falepuipui / Matagaluega o Faamasinoga
	6. Unaiaina o faamasinoga faaleaganuu ma faamasinoga i nuu ma afioaga i faiga faavae aloaia o faamasinoga;		
	7. Faatinoina tulaga faavae o le amiotonu ma pulega aoao lelei;		
	8. Faavaeina se polokalame e aoina ai faamaumauga o solitulafono e faaogaina ai		

VAEGA FAAMUAMUA II: MATAITUINA O LE SOIFUAGA LAUTELE

TAUNUUGA MOOMIA 8: FAATUMAUINA SOIFUAGA LAULELEI

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
	ala faaneionapo;		
MANULAUTI 8.2 - ATINAE O NUU MA AFIOAGA			
1. Faamalosa pulega o nu'u ma afioaga;	1. Faaitiitia le vevesi i le va o nu'u ma afioaga; 2. Siitia le numera o pisinisi laiti i totonu o nuu ma afioaga o lo'o maua tupe faasili ma sologa lelei atinae; 3. Siitia le numera o tina ma tamaiti faapea tupulaga talavou e auai i polokalame mo pisinisi laiti; 4. Siitia le auai o latou e iai manaoga faapitoa i faiga Faaiuga;	Vaega Maoti o Nuu ma Alalafaga	Matagaluega o Tina ma Tamaitai, Atinae o Nuu ma Aga Fesootai / Matagaluega o Leoleo ma Falepuipui
2. Faamalosa le tuuina atu o auaunaga ma polokalame tau atinae o nuu ma afioaga;			Matagaluega o Tina ma Tamaitai, Atinae o Nuu ma Aga Fesootai / Matagaluega o Faatoaga ma Faigafaiva / Faalapotopotoga o Tamaitai Faipisinisi Tauatiae
3. Faamalosa puipuiga mo fesootaiga i luga o upega o faamatalaga faapea ma puipuiga lautele;			Matagaluega o Tina ma Tamaitai, Atinae o Nuu ma Aga Fesootai / Matagaluega o Faatoaga ma Faigafaiva / Faalapotopotoga o Tamaitai Faipisinisi Tauatiae
4. Atagia i faiga faavae le amanaia o tina ma tamaitai faapea i latou e i ai manaoga faapitioa;			Matagaluega o Tina ma Tamaitai, Atinae o Nuu ma Aga Fesootai / Matagaluega o Faatoaga ma Faigafaiva / Matagaluega o le Soifua Maloloina / Women in Business Development Institute
5. Faamalosa polokalame faalauiloa e tali atu ai i suiga o le tau ma aafiaga mala faalenatura;			Matagaluega o Tina ma Tamaitai, Atinae o Nuu ma Aga Fesootai
6. Faamalosa faigapaaga ma faalapotopotoga fesoasoani tau tupe;			Matagaluega o Tina ma Tamaitai, Atinae o Nuu ma Aga Fesootai

VAEGA FAAMUAMUA III: AUAUNAGA MA ATINAE TETELE

TAUNUUGA MOOMIA 9: AUAUNAGA MA ATINAE TETELE

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faiga faavae e limata'ita'ia ai le gafataulimaina o faiga pulega lelei mo e o lo'o faatautaia auunaga mo le suavai;	1. Faatupulaia i tausaga ta'itasi le fuainumera o tagata o lo'o faaaogaina auunaga mo suavai ua faamalieina i nei auunaga;	Vaega Maoti o le Suavai	Vaega o loo Vaavaaia le Vaega Maoti o le Suavai, Pulega o le Suavai, Faalapotopotoga mo Suavai Tutoatasi (IWSA-MWCSD)
2. Pulea lelei ma vaavaaia punaoa suava;	2. Fuainumera o Fuafuaga Faataatia aua le Pulea Leleia o Punaoa Suavai ua mae'a faavaeina;		Matagaluega o Punaoa faale-natura ma le Siosiomaga
3. Siitia le fuainumera o nuu ma alalafaga ua maua le suavai ua mae'a faamamaina e tusa ai ma tapula'a a le Matagaluega o le Soifua Maloloina;	3. Aofaiga o fanu tu lata i punaoa suavai ua mae'a ona toe faaleleia ma o lo'o puipuia lelei;		Pulega o le Suavai, Faalapotopotoga mo Suavai Tutoatasi (IWSA-MWCSD), Matagaluega o le Soifua Maloloina
4. Siitia le fuainumera o nuu ma alalafaga o lo'o faaaogaina fale mo suavai lafoa'i ma alavai faatulagaina;	4. Pasene o aiga o lo'o mauaina auunaga mo le suavai faamoemoeina ma le taugofie;		Matagaluega o Punaoa faale-natura ma le Siosiomaga
5. Siitia le tulaga o alavai;	5. Avea auunaga mo suavai ma'imau ma vaega tumau o le Pulega o Suavai;		Matagaluega o Galuega, Femalagaiga ma Atinae Tetele, Pulega o Femalagaiga i luga o Aualatetele
	6. Ausia tulaga faatapula'aina mo le suavai;		
	7. Faatautaia faiga pulega lelei mo le Faalapotopotoga mo Suavai Tutoatasi;		
	8. Fuainumera o aiga o lo'o faaaogaina fale le'eta'ua ma tane faatulagaina mo suavai ma otaota lafoa'i;		
	9. Faamalosia le aoina o tupe maua mai;		

VAEGA FAAMUAMUA III: AUAUNAGA MA ATINAE TETELE			
TAUNUUGA MOOMIA 10: AUAUNAGA MA ATINAE TETELE AUA LE FAAFAIGOFIEINA MA LE SAOGALEMU O FELAUAIGA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faavaeina se Fuafuaga Faataatia mo le Vaega o Fela'ua'iga o lo'o atagia ai le o gatasi o atina'e mo auala tetele ma atina'e o uafu ma malaevaalele;	1. Faalauiloaina ma faatinoina le Fuafuaga Faataatia mo Femalagaiga;	Vaega Maoti o Femalagaiga	Matagaluega o Galuega, Femalagaiga ma Atinae Tetele
2. Faamalosia tapulaa mo le fausia lea o auala ma ala vai e aofia ai le saogalemu o le mamalu o tagata savavali ma le gafatia ona tali atu i aafiaga e afua mai ona o suiga o le tau (Climate Change);	2. Kilomita o le auala mai Apia – Faleolo ua mae'a ona faaleleia;		Matagaluega o Galuega, Femalagaiga ma Atinae Tetele
3. Siitia ma faatūmauina le lelei o auaunaga lautele i uafu ma malaevaalele;	3. Kilomita o auala uma i le atunuu ua mae'a faaleleia;		Matagaluega o Galuega, Femalagaiga ma Atinae Tetele, Pulega o le Uafu ma le Taulaga, Pulega o le Malae Vaalele
4. Siitia auaunaga aua le malu puipuia ma le saogalemu o e femalaga'i o lo'o faaaogaina uafu ma malaevaalele;	4. Faaitiitia galuega aua le faaleleia o auala;		Matagaluega o Galuega, Femalagaiga ma Atinae Tetele, Pulega o le Uafu ma le Taulaga, Pulega o le Malae Vaalele
5. Ia mautinoa le lelei o le puleaina ma le tuuina atu o auaunaga ia o gatasi ma tulaga faatapulaa tau le saogalemu faavaomalo;	5. Faatinoga o tulaga faatapulaaina mo le fausaga o auala;		Matagaluega o Galuega, Femalagaiga ma Atinae Tetele, Pulega o le Uafu ma le Taulaga, Pulega o le Malae Vaalele
6. Ia alaga tutusa	6. Siitia le fuainumera o tagata faamalieina i auaunaga i uafu ma malaevaalele;		Matagaluega o Galuega, Femalagaiga ma Atinae Tetele
	7. Siitia le usitaia o tapulaa faavaomalo mo le saogalemu i malae vaalele;		
	8. Faaitiitia le leaga o auala ona o fesuiaiga o le tau ma faaitiitia faasea mai le mamalu o le atunuu ona o nei tulaga;		

VAEGA FAAMUAMUA III: AUAUNAGA MA ATINAE TETELE			
TAUNUUGA MOOMIA 10: AUAUNAGA MA ATINAE TETELE AUA LE FAAFAIGOFIEINA MA LE SAOGALEMU O FELAUUAIGA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
faigafaavae aua le gafatia ona tetele atu i aafiaga e afua mai ona o suiga o le tau ma fuafuaaga uma mo vaega o felauaiga;			Tetele, Pulega o le Uafu ma le Taulaga, Pulega o le Malae Vaalele
7. Ia mataituina lelei le o gatasi uma o atina'e mo auala ma atina'e tetele uma e aafia ai;			Matagaluega o Galuega, Femalagaiga ma Atinae Tetele, Pulega o Femalagaiga i luga o Aualatetele, Ofisa o fuafuaga ma Pulega o Nofoaga i Taulaga, Pulega o le Suavai, Malosiaga Tau Eletise

VAEGA FAAMUAMUA III: AUAUNAGA MA ATINAE TETELE			
TAUNUIGA MOOMIA II: ALA FESOOTAIGA MO TAGATA UMA O SAMOA			
<u>TAIALA</u>	<u>FAAILOILO MO LE MATAITUINA O TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faatinoina se fuafuaga faataatia mo le vaega o fesootaiga;	1. Faaitiitia tau o fesootaiga faaonapo nei; 2. Faaleleia le televave o fesootaiga i le initaneti ma ia siitia le toatele o tagata e faaaogaina lea auunaga; 3. Siitia le numera o tagata e i ai faailoga mo faamatalaga ma fesootaiga; 4. Siitia le numera o aoaoga i totonu o Samoa i tulaga tau i fesootaiga faaonapo nei;	Vaega Maoti o Fesootaiga ma Faamatalaga Faaonaponei	Matagaluega o Fesootaiga, Faamatalaga ma Fesootaiga Faaneionapo
2. Ia fuafua tatau le tau o fesootaiga faaonapo nei;			Ofisa o le Pule Faatonu
3. Faamalosia faiga faapaaga a le Malo ma le vaega tumaoti mo le unaia o fetuunaiga ma le lagolago mo faamatalaga ma fesootaiga faaonapo nei;			Matagaluega o Fesootaiga, Faamatalaga ma Fesootaiga Faaneionapo
4. Ia unaia le fai sao o le aufaipisinisi i atinae mo faamatalaga ma fesootaiga faatekenolosi e faaopopo ise fesoasoani a le Malo ise tau talafeagai;			Matagaluega o Fesootaiga, Faamatalaga ma Fesootaiga Faaneionapo, Matagaluega o Galuega, Femalagaiga ma Atinae Tetele,
5. Ia tuu i tontonu o le Faiga faavae mo le Pulega o Otaota Lafoai ia masini lafoai;			Matagaluega o Fesootaiga, Faamatalaga ma Fesootaiga Faaneionapo, Matagaluega o Punaoa faale-natura ma le Siosiomaga

VAEGA FAAMUAMUA III: AUAUNAGA MA ATINAE TETELE			
TAUNUUGA MOOMIA 12: MALOSIAGA MAUSALI			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Faalauiloa ma siitia auaunaga e gaosia ma le sao o atinae tau malosiaga faafouina;	1. Agai malie i le lē toe faaaogaina o suauu mai fafo; 2. Ia siitia le saofaga o malosiaga faafouina mo oloa ma auaunaga i le 8% mo le 4 tausaga o fuafuaga; 3. Faamaeaina ma faatinoina le fuafuaga autasi mo malosiaga; 4. Ia fausia tulafono tau malosiaga;	Vaega Maoti o le Malosiaga	Matagaluega o Tupe, Matagaluega o Punaoa faale-natura ma le Siosiomaga, Malosiaga Tau Eletise, Inisitiute mo Suesuega mo Atinae
2. Ia lelei ma gafatia aemaise le faalagolagoina o auaunaga tau le gaosia o le eletise;			Malosiaga Tau Eletise, Matagaluega o Tupe, Ofisa o le Pule Faatonu
3. Ia lelei le mataituina o le suauu auina mai i totonu o le atunuu;			Matagaluega o Tupe, Matagaluega o Pisinisi, Alamanuia ma Leipa
4. Faalauiloa le faaaogaina tatau o malosiaga i vaega uma aemaise le vaega o femalagaiga;			Matagaluega o Tupe, Matagaluega o Punaoa faale-natura ma le Siosiomaga, Pulega o Femalagaiga i luga o Aualatetele, Inisitiute mo Suesuega mo Atinae
5. Galulue faatasi mo le faaleleia o Fuafuaga ma Pulega o le vaega o Malosiaga e ala i le faatinoina o le fuafuaga autasi mo malosiaga;			Matagaluega o Tupe

VAEGA FAAMUAMUA IV: SIOSIOMAGA			
TAUNUGA MOOMIA 13: SIOSIOMAGA GAFATAULIMAINA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
1. Ia faamautuina le puleaina o punaoa faalenatura;	1. Siitia pasene o laueleele e avea ma vaomatua;	Vaega Maoti o le Siosiomaga	Matagaluega o Punaoa faale-natura ma le Siosiomaga, Matagaluega o Tina ma Tamaitai, Atinae o Nuu ma Aga Fesootai, Pulega o le Suavai, Inisitiute mo Suesuega mo Atinae
2. Ia siitia le ogatasi o le sini autu ma taiala tala feagai mo le Vaega maoti o le Siosiomaga;	2. Faateleina le aofai o laau ua totoina i le polokalame o vaomatua i afioaga i tua;		
3. Lagolagoina suesuega faasaenisi ma le tuufaatasi o faamaumauga mo le pulea lelei;	3. Faateleina le aofai o nofoaga ma meaola taua ua puipuia ma faasao;		
4. Faalauiloa le siosiomaga lelei o aupega faaneionapo;	4. Faaitiitia le aofai o ituaiga meaola ua lamatia ma faasolo ina le toe maua;		
5. Puipuia galuega faasao o laufanua taua ma o latou siosiomaga;	5. Faaitiitia le aofai o ituaiga meaola ua lamatia ma faasolo ina le toe maua;		
6. Siitia le puleaina lelei o laufanua;	6. Faalauaitete polokalame mo suesuega o punaoa tau o le suavai o lo'o lalo o le eleele;		
7. Atinae faiga faavae mo atinae gafataulima i totonu o le taulaga;	7. Pasene o laufanua ua mafai ona toe faaolaina ma faaleleia i ona tulaga e mafai ai ona toe atinaeina;		
8. Faamalositia le galulue faatasi ma afioaga i le pulea gafataulimaina o punaoa faanatura ma le siosiomaga;	8. Mautu tulafono/faiga faavae mo le mataituina o lapisi matautia ma vailaau oona;		
9. Siitia auala i le puleaina o otaota ma le lagolagoina o atinae	9. Siitia le silafia e nuu ma alalafaga i le puipuiga o punaoa o lo'o tapueina ai le suavai ma le aafiaga o le galueaina o laufanua mo faatoaga;		
	10. Faateleina le laufanua ua		

VAEGA FAAMUAMUA IV: SIOSIOMAGA			
TAUNUGA MOOMIA 13: SIOSIOMAGA GAFATAULIMAINA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTI E FAATINOINA</u>	<u>MATAGALUEGA/OFISA E FAATINOINA</u>
mautu;	faapena ona faalauiloa e tapueina ma faasao ai le suavai;		
10. Siitia auala tua suesuega mo le mataituina o punaoa o suavai;	11. Siitia le ogatasi o le maliliega ma fuafuaga mo le puleaina o le faaogaina o laufanua;		

VAEGA FAAMUAMUA IV: SIOSIOMAGA

TAUNUUGA MOOMIA 14: PUIPUIGA MO FESUIAIGA O LE TAU MA FAALAVELAVE MATUIA

<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTIE FAATINOINA</u>	<u>MATAGALUEGA/OFISA E FAATINOINA</u>
1. Ia mautinoa le aofia o taiala ma faailoilo talafegai e patino i aafiaga o fesuiaiga ole tau;	1. Pasene e tuutiitia ai kasa oona o loo mafua ai fesuiaiga ole tau;	Vaega Maoti e iai a'afiaga o isi Vaega	Matagaluega o Punaoa faale-natura ma le Siosiomaga, Matagaluega o Tupe
2. Iloilo le tulaga lamatia ma lamatiaga ona o fesuiaiga o le tau ma faalavelave matuia e ono aafia ai fuafuaga a vaega eseese ma atinae tetele ina ia iloa tonu ai ni gaioioiga e faatino e faaitiitia ai le tulaga lamatia;	2. Aofaiga o ni faiga faatekonolosi e maua ai malosia mama e faalauiloa ma unaia le faaaogaina;		
3. Faamalosia le faaogaina o auala talafegai mo le puipuiga mai fesuiaiga o le tau o le ola faanatura o manu ma laau;	3. Ia i ai se faiga e mataitu ai ma faamaumau ai faamaumauga o fesuiaiga o le tau ma ona aafiaga;		
4. Faaauau le faatinoina o polokalame faalauiloa e faatatau i fesuiaiga o le tau ma faalavelave matuia;	4. Ia i ai se faiga e mataitu ma iloilo ai pe o iai ni taunuuga lelei o polokalame o faalavelave matuia e faatino mo le atunuu atoa, o faalapotopotoga ma afioaga taitasi;		
5. Siitia agavaa o vaega eseese e nofo sauniuni e tali atu i faalavelave matuia;	5. Aofaiga o fuafuaga mo faalavelave matuia mo faalapotopotoga, ma afioaga eseese e tuufatasia ma faatino;		
6. Tuu faatasi ma tuuina	6. Aofaiga o polokalame e maea ona faatino i afioaga, pisinisi ma faalapotopotoga tumaoti;		
	7. Aofaiga o faamatalaga o tulaga lamatia mai aafiaga ona o fesuiaiga ole tau e iloilo ma tuufatasia;		
	8. Faagasologa ma taunuuga ole faatinoina o fuafuaga faataatia		

VAEGA FAAMUAMUA IV: SIOSIOMAGA			
TAUNUUGA MOOMIA 14: PUIPUIGA MO FESUIAIGA O LE TAU MA FAALAVELAVE MATUIA			
<u>TAIALA</u>	<u>FAAILOILO E MATAITUINA AI TAIALA</u>	<u>VAEGA MAOTIE FAATINOINA</u>	<u>MATAGALUEGA/OFISA E FAATINOINA</u>
atu lapataiga ma faamatalaga o se vaaiga mamao i ni fesuiaga o le tau;	mo le vaaia lelei o aseta tulata i le sami;		
7. Faaleleia atili le mataituina o fesuiaga o le tau e ala ile aoina o faamaumauga ma faamatalaga mai vaega eseese i se nofoaga tutotonu;	9. Aofaiga o nofoaga o le eleele ma le sami ma isi nofoaga e aofia ai ma meaola taua e toe faaleleia; ma		
8. Faatino ni fuafuaga talafeagai mo le faaititiaina o kasa, ina ia faamalieina aiaiga o le faiga faafaatauaiga o kasa kaponi;	10. Ia i ai se faiga e faafoe ma mataitu lelei ai le faaaogaina o vaega tupe mo le tali atu i aafiaga o fesuiaga o le tau ma aafiaga o faalavelave matuia.		
9. Faamaea le iloiloga ma faatino fuafuaga faataatia mo le vaaia lelei o aseta tulata ile sami; ma			
10. Faatino le faatupeina o auala e tali atu ai aafiaga o fesuiaga o le tau ma aafiaga o faalavelave matuia DRM.			

**VAEGA 3: AUILIILIGA O TANUUGA O ATINA'E FAATA'ATIA O LE
TAIALA MO LE ATINAE O SAMOA 2008 – 2012: ATINAE MANUIA
MO NEI MA A TAEAO**

“Ia Soifua Manuia Tagata Uma”

Faamatalaga

O le auiliiliga o taunuuga o le lona ono o Taiala mo le Atinae o Samoa mo le vaitausaga faa-le-tupe 2008 – 2012 sa faatinoina i le faamalumaluga o le naunautaiga o tagatanuu o Samoa e ala i le Vaiga Taulai ua faapuina o le *“Ia Soifua Manuia Tagata Uma”*

O le faamoemoe lava ina ia ausia le vaaiga taulai e ala i le faamalieina o manulauti e fitu i lalo o vaega faamuamua lautetele e tolu (3) e pei ona auiliiliina atu i lalo:

Vaega Faamuamua 1: Faiga-faavae o le Tamaoaiga

- Manulauti 1: Mausali le Tamaoaiga
- Manulauti 2: Unaia le Tamaoaiga ma Avanoa Faigaluega e le Vaega Tumaoti

Vaega Faamuamua 2: Faiga-faavae mo le Soifuaga Lautele

- Manulauti 3: Siitia Taunuuga o Aoga
- Manulauti 4: Faaleleia le Soifua Maloloina
- Manulauti 5: Taiala mo Atina'e o Nuu ma Alalafaga: Siitia le Tamaoaiga ma le Soifuaga Lautele, Faaleleia Pulega o Nuu

Vaega Faamuamua 3: Pulega o le Malo ma le Siosiomaga Saogalemu

- Manulauti 6: Faaleleia Pulega
- Manulauti 7: Puipuiga o le Siosiomaga ma le Faaitiitia o Aafiaga o Faalavelave Faa-le-natura

O loo auiliili atu i le pepa Faapipii 1 le faagasologa o Manulauti e fitu, faaaogaina ai nisi o faailoilo. O lea ripoti na tuu faatasia e tusa ma se iloiloga aoatetele i faiga faavae, taiala, polokalame ma atinae na faatinoina i le vaitausaga o le TAS. O taunuuga o loo atagia i le iloiloga na faaaogaina ai faamaumauga uma o fuainumera o loo maua, faapea ripoti a matagaluega, faalapotopotoga a le Malo ma le vaega tumaoti. O le tele o nei taiala sa mafai ona ausia i le vaitausaga o le TAS, peitai na iai foi nisi o taiala sa faatuai ona faatino ona o le utiuti o mea e faatino ai galuega faapea le moomia o tomai faapitoa.

Manulauti 1: Mausali le Tamaoaiga

O le Tamaoaiga Mausali e aofia ai le ausia o faailoilo aoatetele e pei ona lisiina atu i lalo:

- a. Ia le sili atu ma le 3.5% o le tamaoaiga le tupe pau o le tala o le tupe a le Malo
- e. Tau o le Soifuaga 3.0% – 4.0% i tausaga taitasi
- i. Tupe faaagaga e gafatia ai oloa faatau mai fafo mo le 4.0 – 6.0 masina
- o. Ia lelei le tau o fesuaiga o tupe i fafo

E tusa ma le 6.0%, 11.0% ma le 9.3% na faamauina ai tupe pau a le Malo i tausaga faa-le-tupe 2008/09, 2009/10 ma le 2010/11. Na mafua lea tulaga ona o tupe faaalu i atinae tetele ina ia unaia le tulaga o le tamaoaiga, faaitiitia le aafiaga o tau o suauu ma meaai taumafa, faaitiitia le aafiaga o le faaletonu na iai atunuu tetele o le lalolagi faapea le faaaauu o le faatinoga o galuega tetele ma atinae mo vaega na aafia i le galu afi. O le tele o nei atinae na faatupeina i faaunegatupe maualalo tului ma tupe faameaalofa mai atunuu i fafo. O tupe pau fuafuaina mo le tausaga faa-le-tupe 2011/12 o loo faamauina e toe faaitiitia e tusa ma le 6.5%. Ua maea tuu faatasia le Faigafaavae mo Nonogatupe faapea le faatuina o le vaega faapitoa e faatino ma mataituina lea faiga faavae. O nonogatupe a le vaega tumaoti o loo mataituina e le Faletupe Tutotonu o Samoa, e tusa ai ma le tulafono o Fesuaiga o Tupe. O le Faigafaavae mo Fesoasoani mai fafo na faamaonia i le tausaga 2010 ma amatalia ai loa

lona faatinoga. Ua maea faataatia foi se auivi mo tulaga tau tupe faaalu mo le tolu tausaga faaletupe o lumanai, e pei ona faatinoina i lalo o le polokalame o Pulega Lelei mo Tupe a le Malo 2011/12.

I le itu tau i Faigafaavae mo tupe lautele, na ave le faamamafa i vaega nei mo le mausali o le tamaoaiga; 1. o le mataituina lelei o le tau o le soifuaga, 2. gafatia o tupe faaagaga mo fefaatauaiga 3. lelei le faagasologa o matafaioi tau tupe lautele. Peitai, na suia le faamamafa o nei faiga faavae i le tausaga 2008, ina ia tuu itiitia aafiaga mai faaletonu o le tamaoaiga o le lalolagi ma taumafai ai le Faletupe Tutotonu ina ia faaitiitia tului o nonogatupe ma unaia le faalauteleina o nonogatupe i le vaega tumaoti. Na faaavanoa e le Faletupe Tutotonu se vaega tele o tupe galue mo lea faamoemoe.

O le maualuga tele o le tau o le soifuaga e tusa ma le 13.9% i le 2008/09 pe a faatusa i le 6.2% i le 2007/08 na mafua ona o le siitia o le tau o le suauu ma meaai taumafa. O le faaauau pea o le siitaga o tau o oloa mai fafo e pei o le araisa, falaoa mata ma le suka na afua ai le siitia o tau oloa i totonu o le atunuu i lea vaiata. O le 2009/10 na toe pau maualalo ai le tau o le soifuaga i le -0.2%, e tusa ma le 14.1% na faaitiitia mai ai i le 2008/09. O lea tulaga na atagia ai le pau maualalo o tau o meaai taumafa. I le 2010/11, na faamauina le tau o le soifuaga i le 2.1%, e tusa ma le 3.1% ua maualuga ai pe a faatusa i le 2009/10. Na atagia lea tulaga i le siitaga o le tau o le eletise ma le suavai, ma siitia ai tupe faaalu a aiga taitasi. O le faaiuga o Mati 2011/12 na faamauina ai i le 5.6% le tau o le soifuaga, tusa ma le 3.7% na maualuga ai faatusa i le faaiuga o Mati 2010/11. Na afua lea tulaga ona o le siitia (16.1%) o tau o oloa i le atunuu, mafua mai i le utiuti o fua o faaeleeleaga faatauina i le maketi i Fugalei.

I le tulaga tau tupe faaagaga mo oloa faatau mai fafo, sa mafai ona faatumauina tupe faaagaga mo le 4.0 i le 6.0 masina i le faaiuga o Iuni 2008/09. E tusa ma le 5.1 masina sa mafai ona gafatia e tupe faaagaga mo lea vaiata. O faaiuga o Iuni 2009/10 ma le 2010/11 na faamauina ai le silia i le 7.6 ma le 6.4 masina ia tupe faaagaga. O lea tulaga maualuga na mafua i le siitia o tupe fesoasoani mai fafo faapea nonogatupe aua le tuuitiitia o aafiaga o le faaletonu sa iai le tamaoaiga o le lalolagi faapea galuega faaleleia tetele na faaleagaina i le galu afi.

Manulauti 2: Unaia le Tamaoaiga ma Avanoa Faigaluega e le Vaega Tumaoti

O le ausia o lenei manulauti sa fuaina i faailoilo o loo lisiina atu i lalo:

- a. Siitia le tamaoaiga i le 3.0 – 4.0% i tausaga taitasi,
- e. Faatupulaia avanoa faigaluega i le vaega tumaoti i le 2.5% i le tausaga,
- i. Ia sili atu faatusa i le 2006 le faatulagaga a le Faletupe o le Lalolagi o atunuu e lelei pulea ma faagaioioia pisinisi,
- o. Siitia i le 10% tagata tafafao mai fafo i tausaga taitasi,

Na faamauina le mausali o le tamaoaiga o faapea le gasolo lelei o tulaga tau pisinisi ma atinae i tausaga ua tuanai. Peitai na faamauina le faaitiitia o le tamaoaiga e silia ma le 5% i le tausaga 2009 ona o aafiaga o tau o suauu ma mea taumafa, faaletonu na iai le tamaoaiga o le lalolagi i le 2008, faapea le aafiaga o le galu afi ia Setema 2009. Na fesoasoani le Malo i le faaitiitia o ia aafiaga e ala i le faalauteleina o faiga faavae mo tupe lautele faapea le matua siitia o fesoasoani eseese (tusa ma le \$100 miliona tala poo le 15% o le tamaoaiga i tausaga e sili atu ma le fa). O ia fesoasoani uma na faaaluina mo le tali atu i manaoga moomia o nei aafiaga uma faapea le toe siitia ai o le tamaoaiga ma avanoa faigaluega, ma toe amatalia ai le faalauteleina o galuega atinae agai i le lumanai. Na atagia lea tulaga i le toe siitia ai o le tamaoaiga e tusa ma le 3% i le tausaga faaletupe 2010/2011. Ae ui i lea, o suiga na iai nei faigafaavae na faamauina ai le silia o tupe pau a le Malo e tusa ma le 10% o le tamaoaiga i le tausaga faaletupe 2009/2010, faapea le siita o nonogatupe a le Malo latalata i le 60% o le tamaoaiga.

O Samoa ua pito i maualalo lona tulaga i atunuu o le Pasefika faatusa i lona tulaga 60 o loo iai i le suesuega faapisinisi a le Faletupe o le Lalolagi 2012. O le ogatotonu o vaitausaga 2000 na taimua ai Samoa i le faatinoga o galuega atinae i vaega o fesootaiga ma femalagaiga, peitai na maitauina le silia o tulaga o isi atunuu o le Pasefika ia Samoa i tulaga tau atinae pisinisi. O lea tulaga, e ao ona unaia ma faamalositia le faaauauina o tulaga o fetuutuunaiga ma pulega/auaunaga lelei ina ia siitia ai le tulaga o Samoa i vaega faa-pisinisi. E taua tele nei fuafuaga ona o aafiaga lautele o loo iai le tamaoiga o atunuu o le lalolagi, patino lava i tagata tafafao mai fafo faapea tupe faamomoli, e pei ona faamoemoe tele iai le atunuu.

Na faamauina le pa'u o tagata faigaluega i le vaega tumaoti e tusa ma le 1.3% ma 10.8% i tausaga 2007/08 ma 2008/09 ae na toe siitia e tusa ma le 2.0% ma 1.2% i le faaiuga o tausaga 2009/10 ma 2010/11. O le pa'u (10.8%) tele i le 2008/09 na afua i le faamatuina o le tele o tagata faigaluega a le kamupani o le Yazaki. Peitai na toe valaau le faaauauina o nisi o tagata faigaluega a lea kamupani ma toe siitia ai le fuainumera o tagata faigaluega totogi e tusa ma le 2% i le 2009/10. Na faamauina le siitia o tagata asiasi mai i le atunuu e tusa ma le 0.8% (1,042) i le 2008/09, ae na faamauina le pau i tausaga 2009/10 ma 2010/11. Na ogatasi lea faamaumauga ma tupe maua mai tagata tafafao mai fafo, e pei ona faamauina ai le siitia o tupe maua e tusa ma le \$44.73 miliona (16.1%) i le 2008/09, ae faamauina le maualalo o tupe maua e tusa ma le \$19.75 miliona (6.1%) ma le \$15.11 miliona (5.0%) i tausaga 2009/10 ma 2010/11. O le faaitiitia o tupe maua mai turisi i le 2009/10 ma 2010/11 o loo atagia ai le aafiaga o le galu afi e pei ona aafia ai le atunuu i le 2009.

Na faaauau foi le lagolago a le Malo mo le atinae o vaega tumaoti e ala i le unaia ma le faaleleia o auaunaga ma atinae e pei ona faamatalaina atu i lalo;

Atinae ma Auaunaga Tetele

O atinae ma auaunaga tetele e pei o le suavai, malosiaga, femalagaiga ma fesootaiga o loo faaauau pea le unaia ina ia lagolagosua malosi i le atinae o le vaega tumaoti faapea le faaleleia o le siosiomaga faapisinisi. Na maitauina le siitia o auaunaga faapea atinae tetele i le vaega o turisi e lagolago ai le unaia o Samoa o se atunuu pito sili ona matagofie mo tagata tafafao maimoa mai fafo.

Malosiaga

O le Komiti Faafoe mo Mataupu tau Malosiaga na amata aloaia ia Aukuso 2011, aua le pulea ma le faafoeina lelei o mataupu tau malosiaga, faapea le faatinoina (tuufaatasia o le auivi o galuega fatino) o le Faigafaavae mo Atinae o Malosiaga 2007. O loo galulue soosootauau le Matagaluega o Tupe (Vaega: Faigafaavae mo Malosiaga) ma ana paaga i le auiliiliga lelei o atinae tau malosiaga talafeagai mo le atunuu, faapea le faataatia ai o se polokalame o nei atinae tetele mo le vaega o malosiaga. O nisi o nei atinae na faaogaina ai galuega faatino a le Faalapotopotoga mo Suesuega Faa-saienisi a Samoa. Na lagolago mai foi paaga fesoasoani mai fafo e ala i tomai faapitoa aua le faamautuina lelei o nisi o nei atinae. O Iuni 2010 na faalauiloa ai le Tapulaa Moomia (tulaga tau Soifua maloloina, Saogalemu, Puipuiga, Siosiomaga) mo pamu penisini uma i le atunuu, ina ia ausia ma faamalositia uma nei tapulaa ao le i toe faafouina le laisene. O le naunautaga ina ia maua pea e le atunuu le auaunaga tau malosiaga i taimi uma ma gafatia lona tau i se siosiomaga saogalemu.

Auaunaga tau Suavai ma Otaota Lafafoi

O le unaia o pulega lelei mo lena vaega na faatinoina i le vaitausaga o le TAS. O le tausaga 2009 na faamaonia ai e le Kapeneta le faatuina o le Komiti Faafoe Tuufaatasi mo le vaega o Suavai, ma na siitia ai foi mai le Matagaluega o Tupe le vaega faapitoa o loo gafa ma vaega o le suavai, ma faatulaga ai i lalo o le Matagaluega o Punaoa ma le Siosiomaga e pei ona iai nei. Na faatuina foi i lalo o le Matagaluega o Tamaitai, Atinae o Nuu ma Afioga ma Agafesootai le Asosi Faapitoa mo Punaoa Suavai o loo Puleaina e Nuu ma Afioga.

O le Taiala: Suavai mo le Ola (2008 – 2012) ma lona Faigafaavae o Auaunaga na iloiloia i le amataga o le tausaga 2012. O loo faaauauina pea le faatupeina e le Faalapotopotoga o Malo Europa o atinae o le vaega suavai, e tusa ma le 85% i tausaga taitasi, faaopoopo iai ma fesoasoani a le Faletupe o Asia i tulaga tau alavai ma otaota lafoai. O le tausaga 2009 na faamaeaina ai le polokalame lagolago faapitoa mo tulaga tau suavai ma atagia ai le lelei faagasolo o ona atinae, ma faapea ona tuuina sao mai ai loa fesoasoani tupe a le Faalapotopotoga o Malo Europa i totonu o le tala o le tupe aua lava atinae faaleleia faaauau o le vaega suavai. O lea tulaga na amata aloaia i le tausaga faaletupe 2010/11.

Na pasiaina i le tausaga 2008 le Tulafono: Fafoega o le Faasoasoina Tatau o Punaoa Tau Suavai ma na amata faamalosi i le tausaga 2009. Na tuufaatasia foi i le tausaga 2009 se polokalame mo le faalaiseineina o le aveeseina o le suavai mai punavai, ma faamalosi ai i le masina o Novema 2010 aua lava le faatonutonuina o le faaoga tatau o suavai. O le iloiloia o le Faigafaavae mo Punaoa tau Suavai 2001 na faamaonia le Kapeneta i le masina o Mati 2010. Na tuufaatasia foi Faigafaavae mo Auaunaga tau Suavai ma Otaota Lafoai ma na pasiaina i le tausaga 2011.

O nisi nei o atinae tetele na faatinoina mo le unaia o le vaega o suavai: faaleleia nofoaga e pueina ai le suavai i Apia ma faatuina se polokalame mo faamaumauga uma tau suavai (faatupeina e le GEF); fausia e le Pulega o Suavai le 5 masini e faamama ai le suavai, nofoaga e pamu mai ai le suavai faapea faatanoa; viliina o punavai i Auala ma Falealupo (nuu nei pito sili ona utiuti le suavai i le atunuu); fausia ma faaleleia auaunaga suavai o loo puleaina e afioga taitasi, faatupeina e le Faletupe Atinae a Europa; fausia ma faaleleia auaunaga tau suavai i nuu ma afioga na aafia i le galu afi; fausiaina o le fale ma masini mo le faamamaina o suavai lafoai i le masina o Iuni 2012, faatupeina e le Faletupe mo Atinae a Asia; fausia le fale faamama otaota i Tafaigata ma Vaiaata (Savaii); tuufaatasia ma faaogaina le tapulaa moomia mo suavai mama ma o le faailoilo foi lea e mataituina ai auaunaga tau suavai; faaleleia alavai; pasiaina o pili fou mo suavai ma suavai lafoai faapea le faatinoina o polokalame aoaoga e siitia ai le tomai ma agavaa tau auaunaga suavai.

Fesootaiga

O le unaia ma le faamalosi o faigafaavae mo pulega lelei ua siitia ai auaunaga tau fesootaiga. Na maea le faatumaotiina o le kamupani telefoni a le SamoaTel ia Mati 2011. O le vavaeeseina o auaunaga a le falemeli mai i le SamoaTel ma avea ai ma Faalapotopotoga a le Malo i le tausaga 2008. O le Ofisa o Pulega Faatonu tau Fesootaiga ua gafa ma le tuuina atu o laisene pisinisi tau fesootaiga. O le tausaga 2010 na tuuina atu ai laisene i le kamupani o le CSL, Digicel ma le Samoatel, mo le faaogaina o le laina o fesootaiga ui mai i le sami (submarine cable), aua fesootaiga faa-itulagi. O loo faaauau pea le faaleleia ma le siitia o fesootaiga i le lotoifale e faaoga ai le initaneti. Ua fesoasoani tele foi le laina o fesootaiga ui mai i le sami i le saga faaleleia o tulaga tau fesootaiga faa-iutlaga, e sui ai mai le faaogaina o satelite.

O le laina o fesootaiga ui mai i le sami na faamaeaina ia Me 2009, ma faapea ona siitia ai le saosaoa o fesootaiga faa-initaneti, ma faaopoopo ai le toatele o i latou e faaogaina. O lea laina o fesootaiga o loo i le va o Amerika Samoa ma le tatou atunuu, ma ua avea ma sesi auala taugofie mo fesootaiga faa-itulagi mai le taugata o loo faaoga ai satelite. Peitai, o le faaogaina o lena laina o fesootaiga e le tumau pea lona tulaga lelei, ma e moomia ona tagai i se faigafaavae e tuuaititia ai le tau mo le faaogaina. E ao ona tagai i le gafatia o se isi laina o fesootaiga fou, e ala i le polokalame fesoasoani a le Faletupe o le Lalolagi, e ui ina e le i faamautuina le auala e ui ai le laina o fesootaiga i le va o Niu Sila ma Amerika.

Femalagaiga

Ua maea ona iloiloia e le Komisi o le Toefuataiga o Tulafono ia tulafono o loo taua; Tulafono o Vaalele Sivili 1998, Tulafono Puipuiga o le Gataifale mai Aafiaga Filogia 2008, Tulafono Matagaleuga o Felauaiga I luga Laueleele 1978 ma le Tulafono o Vaa 1998 ma o ia tulafono uma o

loo faatautaia/vaavaaia ai galeuga faatino a le Matagaleuga o Galuega, Felauaiga I luga Laueleele ma Atinae Tetele. Ua maea ona faalauiloaina le Taiala mo Atinae Tetele (National Infrastructure Strategic Plan) ia Oketopa 2011 ae ua amata foi ia le tapena mo le tuufaatasia o le Fuafua Autasi o le Vaega Maoti o Femalagaiga.

Na faatuina le Pulega o Felauaiga i le Laueleele ia Iulai 2009 aua le faaleleia o le fuafuaina ma le faatulafonoina o felauaiga i le laueleele. Galuega ua maea faagasolo i lalo o le Vaega 2 o le Poloketi o le Pulea Lelei o Aseta ma Atinae Tetele a Samoa (Samoa Infrastructure Asset Management Project Phase 2) e aofia ai; le faalauteleina o le auala mai Malifa agai i Lepea, aualalaupapa, auala savali ma fale faatali pasi; faatasi ai ma se suesuega auiliili mo le fausia o se auala puupuu mai Apia agai i Faleolo. Galuega o totoe e aofia ai, le faaauauina o le faalauteleina o le auala agai i Vaitele ma le faaleleia o le aualalaupapa i Togafuafua.

O le Maliliega i Auaunaga i le Vateatea (Air Services Agreement) lea sa ulufale ai Samoa ma isi atunuu lea na suia ai mai i le Maliliega i le va o Atunuu e lua (Standard Bilateral) agai i Maliliega Tatala Saoloto (Open Skies Bilateral Air Services Agreements) ma tatala ai le tele o noanoataga faaletulafono ia taugofie ai tau o femalagaiga sei vagana ai auaunaga mo Fiti. Na faatuina le ofisa o le Vaaitau i le malaevaalele i le 2011. O le vaavaaiga o uta ma le felauaiga I le malaevaalele ua faamatuu atu lea i le Kamupani Vaalele o le Vasa Pasifika (Oceania Aviation Company), e ala i se faipaaga ma le Pulega o Malae Vaalele I le tausaga 2011.

O lo o faagasolo pea galuega aua le faaleleia o uafu. Na maea fausiaina le uafu i Aleipata ia Aukuso 2009, peitai na faaleagaina I le galu afi ia Setema i lea lava tausaga. Na amata galuega toe faaleleia ia Iulai 2010, e aofia ai ma se fale toso vaa mo le Faalapotopotoga o Vaa a Samoa. Na toe tatalaina le uafu ia Novema 2010 mo femalagaiga i le va o America Samoa ma Samoa. Na taunuu le vaa fou Lady Samoa III i le 2010, faatupeina mai le Polokalame Fesoasoani a le Malo o Iapani Sa faapea loa ona faatuina se faaputugatupe (sinking fund) faaagaga aua le auina mai o vaa ae lei taunuu mai le vaa fou.

Maitauina le lelei faatino o le faalauiloaina o le faaogaina tatau o malosiaga ma avanoa mo malosiaga faafouina mo le Vaega Maoti o Femalagaiga e faaititia ai le aafiaga o le siosiomaga. O ia auala e aofia ai taavale ua faataitai ona faaola i suauu popo (bio-fuel and biodiesel) e ala lea i le lagolagosua a le Faalapotopotoga o Suesuega Faasaaienisi a Samoa ma Vaega Tumaoti.

Tulafono ma Auaunaga Talafeagai mo Pisinisi

O loo faaauauina pea le lagolagoina o le faatinoina o pisinisi e ala lea i le iloilo ma le liliuina o tulafono ia faigofie ona faatinoina pisinisi. O nisi nei o tulafono sa iloilo ma pasia i lea taimi e aofia ai le; Tulafono Toe Iloilo Alamanuia mai Fafu 2011 (Foreign Investment Amendment Act 2011), pasiaina o le Feagaiga a le Faalapotopotoga o Tagata Faigaluega Faava o Malo (ILO), Tulafono mo Tagata Faigaluega 2012 (Labour Employment Relation Act), Tulafono o Meatotino a le Tagata lava ia 2012 (Personal Properties Act 2012), Tulafono Fefaatauaiga Talafeagai 2010 (Fair Trading Regulation 2010), Tulafono Toe Iloilo o le Gau Mativa 2011 (Bankruptcy Amendment Act 2011), Tulafono mo le Laina o Aso Faava o Malo 2012 (International dateline Act 2012), Tulafono o Meatotino tau I le Mafaufau (Intellectual Properties Act) ma le faatinoina o le Tulafono fou mo Kamupani ma lona Faatonutonuga.

Na pasiaina e le Kapeneta le faatuina o le Vaega mo Lisiina o Fanua Faaleaganuu i totonu o le Matagaluega o Punaoa Faanatura ma le Siosiomaga, faapea ai ma se Komisi Faufautua (CLAC) e ala mai lea i le lagolagosua mai o le vaega faufautua a le Faletupe o Atinae a Asia (ADB). Na amata faamamaluina le Tulafono o Fanua ma Suafa 2008 ia Mati 2009. O lena tulafono o le a fesoasoani i le pulea lelei o le lisiina o fanua, o loo faatinoina e le Esetete Tausi o Samoa (STEC), Matagaluega o Punaoa Faanatura ma le Siosiomaga (MNRE), ma le Faalapotopotoga o Eleele o Samoa (SLC). Sa faapea foi ona pasia e le Kapeneta le toe iloilo ma le lisiina o fanua.

Toe iloiloaina le Tulafono sa faaaoaga ao lei Tutoatasi Samoa mo Fua Faatatau o Oloa 1960 (Measures Ordinance 1963) i le 2011 faapea ai ma le Faiga Faavae Autu o Tauvaga (Competition Policy Framework).

O loo faaauauina pea le fesoasoani a le malo i Vaega Tumaoti e ala lea i fuafuaga ma vaega eseese o loo tuuina atu i le Auaunaga e Fesoasoani ai Pisinisi ma Vaega Tu Maoti (Private Sector Support Facility), Faailoga Aloaia 121 (Code 121) ma le soloia o Faiga o Fesoasoani I Auala Faatosina (Incentive Scheme). O nisi o mea ua faaleleia ona o le tulafono fou mo Kamupani e aofia ai le siitia o le faagaioiina o le resitaraina o kamupani, tauaaoina o tusi faamaonia mo tupe teu faafaigaluega mai fafo (Forgein Investment Certificate) faapea ai foi ma pemita o galuega.

Faatuina se faiga faavae o Galuega tau Alamanuia mo Pisinisi Laiti (Micro, Small and Medium Enterprise) (MSME) e ala mai leai le galulue soosootauau a le Matagaluega o Pisinisi Alamanuia ma Leipa (MCIL) ma le Failautusi a Malo o le Taupulega (Commonwealth Secretariat). Sa faapea foi ona faatinoina ni suesuega e le Faalapotopotoga o Tupe Faava o Malo (IFC) mo le tausailiilia o se auala talafeagai e fesoasoani ai i pisinisi laiti (micro-enterprises) i ni faafitauli tau atinae. Sa faapea ona faailoaina e pisinisi laiti (Micro and SMEs) le faigata ona maua ni fesoasoani tau tupe/nonogatupe faapea maketi, ae o Faletupe o Fefaatauaiga, ua latou faailoa, o le le faatuatuaina o faamatalaga maua o se tasi lea o faafitauli aemaise le leai o ni aseta e faamautu ai nonogatupe mo le faalauteleina atu o le tuuina o tupe i pisinisi laiti (SME). Se tasi o auala aua le foia o lea faafitauli, o le galulue faatasi lea o Faalapotopotoga o Tupe Faava o Malo (IFC) ma isi paaga ina ia unaia ai Faletupe o Fefaatauaiga (Commercial Banks) e siitia le tuuina atu o tupe mo pisinisi laiti (micro & SMEs) ae le nao le vaega o turisi.

Ua amataina nei e le Matagaluega o Tupe Maua se polokalame e unaia ai pisinisi laiti i le faaogaina o le fuafuaga mo le iloiloaina o lafoga mai tupe maua, e aofia ai ma le tuuina atu o taiala. Ma o lenei auaunaga sa fausia ai se vaega o le polokalame faaleleia a le matagaluega mo le faamalosia o le mafai gafatia o le aufaigaluega, lea sa amatalia i le 2010.

Atina'e o le Vaega o Tupe

E 5.7% le siitiaga i nonoga tupe mai faletupe fefaatauaiga ua tuuina atu i pisinisi tumaoti sa faamauiina ia Ianuari 2012. O le "Tulafono e Puipuia ai meatotino faa-letagata" sa pasia lea e le Kapeneta ia Mati 2012 ma o le'a fa'atalatalanoaina i le fonu a le Palemene . O lenei tulafono e mafai ai ona avea aseta e mafai ona feaveai ma puipuiga mo tupe maua poo ni faamaoniaga o nonogatupe. O le "Faaputugatupe Teufaafaigaluega o Mavaega Tausi a Samoa" sa fa'atuina lea i le tausaga e 2011 mo le fausiaina o ni avanoa mo tagata lautele o Samoa ina ia maua faamanuiaga o le fa'atauina faa-tumaoti o pisinisi ma faalapotopotoga a le malo ma isi avanoa o tupe teu faafaigaluega. O le "Auaunaga e Lagolagoina Faalapotopotoga ma Pisinisi Tumaoti" faatuina ia Iuni 2008, o loo lagolagoina ni poloketi e le sili atu lona aofai ma le 200 sa faamaonia i lalo o faiga faaiuga talu mai le tausaga e 2008. O le "Polokalame mo le toe fausia nofoaga mo Turisi sa faaleagaina i le Galuafi"(TTRP) sa faaopoopoina i lalo "Auaunaga e Lagolagoina Faalapotopotoga ma Pisinisi Tumaoti" e tali atu i le toe fausia o fale tumatafaga mo tafaoga sa faaleagaina i le galuafi na aafia ai Samoa ia Setema tausaga e 2009.

O se tasi o laasaga iloga sa ausia lalo o le PSSF o le faatuina ma le atinaeina lea o le faatoaga polo feu le ituaiga ua taua o le "bird eye species" mo le Apia Bottling Company aua le gaosiaina o le "Samoans own Chilli sauce" lea ua mafai ona faatauina atu i maketi i Fiti, Ausetalia ma NiuSila.

Ua faatuputupulaia nei le numera o pisinisi laiti ua mafai ona faamanuiaina i tupe (microfinance) maua mai fesoasoani tau aaoaga e ala i, Ofisa Tutotonu mo Pisinisi Laiti , Faiga e Faamaonia ai Nonogatupe mo Pisinisi Laiti, Faalapotopotoga mo Tina ma Tamaitai Faipisinisi (WIBDI), Tupe maua i totonu o le atunu'u, Atinae o tupe maua mo Pisinisi o atunuu o le Pasefika i Saute (SPBD)

ma le Faletupe o le Atinae o Samoa (DBS). Ona o le lagolagosua o Polokalame Fesoasoani mai le malo o Niu Sila, sa amatalia ai se polokalame faa-leaooaga mo le aufaipisini i le tausaga e 2011 ma sa faauuina e faaualala atu i le auunaga a le faalapototoga tumaoti o le Samoa Chamber of Commerce. Ua onosefulu lima nei pisinisi o lo'o mafai ona mauaina faamanuiaga ma le lagolagosua ona o leni polokalame.

Faigafaavae mo Fefaatauaiga

O le "Tuufatasiga o Aoaoga mo le Auiliiliga o Fefaatauaiga (DTIS)" sa faamaeaina ma aloaia i le tausaga e 2010 ona o le lagolagosua o le "Fesoasoani mo Fefaatauaiga mo atunuu e maulalo le atina'e o le tamaoaiga (LDC)". O le ofi atu o Samoa i totonu o le Faalapototoga o Fefaatauaiga o le Lalolagi (WTO) sa faamautuina ma faalauiloaina i le 2011. Sa tuufaatasia le "Taiala mo oloa faatauina atu i fafo o le atunuu" i le tausaga e 2008. O se tasi o ana matafaioi autu sa mataituina o le faavaeina lea o le "Faalapototoga mo oloa faatauina atu i fafo" e ui ina e lei faalauiloaina sona faatinoina. O se "Faamatalaga tau Faiga Faavae o Fefaatauaiga" sa faavaeina ma aloaia i le tausaga e 2009 peitai sa faagaina e tuufaatasia ai fefaatauaiga ma faiga faavae tau fefaatauaiga nai lo le avea ma "Taiala mo Fefaatauaiga". O le avea ai o Samoa ma se tasi o atunuu i lalo o le "Feagaiaga o Fefaatauaiga i le va o Atunuu o le Pasefika" (PICTA) ua faaauau pea ona faaopoopoina fua faatatau o tiute mo oloa faatauina mai atunuu e ono o lo'o auai foi i lalo o leni faalapototoga. O le avea ai foi o Samoa ma atunuu e maulalo le atina'e o le tamaoaiga, o tiute uma mo oloa faatauina mai fafo o le'a ausia le 0% ae le'i o'atu i le tausaga e 2017, sei vagana ai oloa e aofia i le lisi o oloa tau ava malosi ma le tapaa. Peitai, o tulafono e aiaia ai tulaga faavae e faaoga pea.

O le aloaia o le Feagaiaga o Faigapaaga Faaletamaoaiga ma le Iuni a Europa (EU) ua tuufaatasia ai galuega o lo'o faagasolo pea lona faatinoina. O fonotaga sa talosagaina i le va o atumotu o le Pasefika ma le Iuni a Europa (EU) e lei faataunuina lava talu ai o lo'o i ai mataupu finauina o lo'o manaomia le faaiugafonoina.

Atinae mo le Lumanai

Ua maea ni suesuega a le Faapototoga mo Suesuega Faasaienisi a Samoa mo ni auala e gaosia ai oloa mai fua o faatoaga faapea malosiaga faafouina ma ua tatala le avanoa i vaega tumaoti latou te faaogaina/faatauins nei seuseuga mo le gaosia o nei oloa. O ia oloa e aofia ai falaoamata e gaosia mai le ulu ma manioka, suauu mo le gaseseina o meataumafa mai avoka faapea masini faatekonolosi/faaneionapo mo le gaosia o malosiaga faafouina. I polokalame faagasolo mo Tulaga Faamaonia o Meataumafa (CODEX) ua mafai ai ona tuufaatasia Tapulaa Faatulagaina mo Pepa Faamatalaga o Meataumafa (Food Labeling Standards) faapea Tapulaa Faatulagaina mo le Saogalemu, Lelei tapenaina aemaise le Tulaga Mama o Meataumafa. O Tapulaa Faatulagaina o Puipuiga o Laau ma Manu mai Faamai (Sanitary and Phytosanitary Standards) ua mea ona tuufaatasi ma faamatalaga o maketi I luga o upega tafailagi a Matagaleuga. O nisi o galeuga ua mea ona pasia e le Komiti o loo vaavaaia le Tulaga Faamaonia o Meataumafa e aofia ai Tapulaa Faatulagaina mo Fagu Vai Taumafa (Standard on Bottled Water) Tapulaa Faatulagaina mo Gao o loo I totonu o aano o manufasi faapea foi meataumafa (Standard on Fat and Fat Content in Meat)

O le Tulafono Faatonutonu mo Fefaatauaiga Talafeagai ma ona Tapulaa Faatulagaina mo Fuamoia 2010 ua maea ona tuufaatasi ma pasia. O Tapulaa Faatulagaina mo Tulaga Mama o Meataumafa sa I lona tusiga lona tolu I le 2009 ae o loo faatali foi le tuufaatasia o le Pili mo Meataumafa. O le tusiga lona lua o le Tapulaa Faatulagaina mo Pepa Faamatalaga o Meataumafa talu mai le Me 2011. O Tapulaa Faatulagaina mo Meataaalo a le Fanau ua maea ona tuuina atu i le Ofisa o le Loia Sili mo se faamaoniaga talu mai le 2010. Ua maea foi le iloiloga sa faatinoina mo faleaiga o loo faatauina I totonu o aoga amata aemaise aoga o le atunuu.

O loo faaauau pea le auunaga a le Matagaluega o Pisinisi Alamanuia ma Leipa e ala i le latou upega tafailagi o loo maua ai faamaumauga ma faamatalaga mo maketi, faamatalaga manaomia mo

faasuina o oloa auina atu i fafo mo faipisinisi ma faifaatoaga aemaise foi o le unaia o le atinae tau pisinisi. O loo maua foi ia faamatalaga mo faasuina o oloa ma puipuiga malu mai meaola faalafua ma faamai i luga o le upega tafailagi a le Matagaluega o Faatoaga ma Faigafaiva ma o loo fesootai lelei lava ma upega tafailagi a le Matagaluega Pisinisi Alamanuia ma Leipa. Ia mafai ona siitia avanoa faigaluega i soo se matata, e aofia ai ma avanoa faigaluega faavaitaimi ina ia manuia ai Samoa faapea foi isi atunuu.

Ua ausia foi e le Faalapotopotoga mo Suesuega Faasaienisi a Samoa ni faailoga tauoloa mai le Faalapotopotoga Faavaomalo e Aloaia Suesuega Faasaienisi Niu Sila (International Accreditation New Zealand) e faatagaina/aloaia ai suesuega faasaienisi i potu suesue faapitoa ma e aloaia ai foi Tapulaa Faatulagaina mo Faalapotopotoga Faavaomalo [International Organization for Standardization] 17025 ua agavaa ai mo le faia o ni iloiloga/suesuega. O lenei matatia ua ausia, o se fesoasoani i oloa auina atu i fafo a Samoa, faalelei saogalemu ma le lelei o meataumafa i ona tapulaa faatulagaina faatasi ai ma le atinae taua ua mafai lava e Samoa ona faapepaina/faamaonia le saogalemu o meataumafai gaosia i totonu o lo tatou atunuu e faatusa nai tapulaa faatulagaina faavaomalo.

Vaega Faataua

Turisi

Ua mafai ona una'ia le atina'eina o Turisi ona o le faamalosi ma le faatinoina lea o le Tulafono mo Faamāmā'avega o le Atina'e o Turisi ma Faletalimalō 2003 aemaise ai fo'i le Tulafono Teuteu o Tiute 2007. O Faatonuga mo le Faatinoina o nei Tulafono (Guidelines) ua ma'ea fo'i ona teuteuina e tusa ai ma le Tulafono Fa'atonutonu mo Tiute mo le Atina'e o Turisi ma le Gaosiina o Oloa 2010. O nei galuega aua le tuusaunoaina o tiute sa faatinoa faatasi lea e le Matagaluega o Fefaatauaiga ma Leipa, Matagaluega o Tupe ma le Matagaluega o Tupe Maua aua le una'ia o le vaega o Turisi. O le polokalame a le Malo aua le tuusaunoaina o kamupani tetele mai le tologiina o lafoga mo nei atina'e aemaise ai fo'i le tuusaunoaina o tiute i luga o oloa auina mai fafo o lo'o faauauina pea e pei ona folasia mai ai i Tulafono e pei ona ta'ua i luga.

O le Fuafuaga Faataatia mo le Atina'e o Turisi 2009 - 2013 sa faalauiloaina lea ia Iulai 2009. E ui ina tele ni lu'itau na faafeagai ma le vaega o Turisi talu ai ona o aafiaga o le galu afi i le 2009 na mafai lava ona toe iloilo ma faatino leleia le tele o galuega e tusa ai ma lenei Fuafuaga Faataatia. O le tausaga 2011 sa faatautaia ai se iloiloga o lenei Fuafuaga Faataatia ma sa faavaeina ai fo'i se Taiala aua le gafataulimaina ona tali atu i aafiaga e afua mai i le suiga o le tau aua le nofo sauni o tagata uma o lo'o aafia i atina'e tau Turisi. O lo'o faauauina pea fo'i galuega a le Ofisa mo Tagata Tafafao mai Fafu aua le faatōsinaina mai lea o turisi mai atunuu i fafo. O nei galuega e aofia ai le siitia lea o le nofo malamalama o tagata i atunuu i fafo ia Samoa ma ona tagata, aemaise ai fo'i le taumafai lea ia faatōsina mai nei tagata ma faatupulaia ai le latou nauta'iga e fia tafafao mai i Samoa. O nisi galuega o lo'o faauauina pea e aofia ai fo'i le atina'ega lelei o mata'aga aua tagata tafafao mai fafo aemaise ai fo'i le mataituina ma le faaleleia o alalafaga o lo'o nonofo ai nei tagata e afua mai lea i le faatautaia o ni asiasiga e faia faavaitaimi. O nei atina'e mo mataaga ma alalafaga e nonofo ai tagata tafafao mai fafo o lo'o gafa lava ma le aufaipisinisi po'o ē o lo'o patino ai nei atina'e ae o lo'o nofo sauni pea le Ofisa mo Tagata Tafafao mai Fafu e faatino le latou pito laau i le mataituina lea o le ausia o Tapulaa mo Nofoga mo Turisi. Sa faavaeina fo'i i le 2009 e le Ofisa mo Tagata Tafafao mai Fafu ni Ripoti mo Turisi e faaogaina ai upega tafa'ilagi ina ia siitia ai le mafai ona o'o atu ni faamatalaga i le tulaga o lenei vaega i ona paaga uma aemaise ai fo'i nisi auunaga e ono fesoasoani atu ai ile atina'e o turisi.

Sa faavaeina i le 2010 se fuafuaga faataatia o lo'o atagia mai ai le faagasologa o polokalame aua le siitia lea o le tomai ma le agava'a o tagata uma o lo'o faafaigaluegaina i le vaega o Turisi ma ua amata nei ona faatino nei polokalame e ala lea i Polokalame Faalea'oa'oga a le Malo o lo'o faatautaia lea e le Ofisa o le Oloamanu a le Iunivesitē Aoao o Samoa ma le Aoga o Matātā Eeseese a Ausetalia ma le Pasefika

(APTC). O lo'o galulue faatasi fo'i le Ofisa mo Tupe Faavaomalo (International Finance Corporation) ma le Malo o Niu Sila aemaise ai paaga uma o le vaega o Turisi ina ia tuufaataisa lea o se Taiala aua le siitia lea o tupe o lo'o tului ma faafaigaluegaina i totonu o lenei lava vaega ma'oti ma le nauta'iga ina ia faatupula'ia ai atina'e auā tagata tafafao mai fafo.

Faatoaga

E tele taiala ua mae'a faavaeina ona o le taumafai lea e toe siitia le tulaga o le vaega maoti mo faatoaga mo le vaitaimi o lo'o iloiloaina. O le aso 01 Iulai 2008 sa amata ai fo'i le tuusaunoaina o lafoga i luga o oloa auina mai fafo aua le faatinoga o auunaga mo faatoaga e tusa ai ma le Tulafono Teuteu mo Tiute 2007. Peita'i ona o le leai o ni metotia ma ni faigafaavae e faaititia ai le auina mai fafo o fua o faaeleeleaga, o lo'o maitauina pea le tele o nei oloa o lo'o faatauina pea mai atunu'u i fafo i ni tau taugofie.

O le Aso 15 o Iulai 2011 sa pasia aloa'ia ai ma faalauiloaina ai le Fuafuaga Faataatia mo Faatoaga ma o lo'o ta'ita'ia ma mataituina e se Komiti Faauluulu (Steering Committee) ua ma'ea faamaonia e le Kapeneta auā le vaavaia lea o le faatinoga o lenei Fuafuaga Faataatia.

E faamoemoe o le a faatupulaia le atina'ega o lenei vaega ona o se poloketi o lo'o faatupeina lea e le Fale Tupe a le Lalolagi e tusa lea ma le \$13 miliona tala Amerika lona tau aofa'i. O lenei poloketi o lo'o fuafua o le a faatuina ai se fale faapitoa aua le saunia ma gaosiina o aano o manu fasi mo le fofoga taumafa aemaise ai ni loli faapitoa e mafai ona faatino ai nei galuega aua nuu ma alalafaga i tua atu o le taulaga. O Me 2010 sa faamaonia ai e le Kapeneta ma amata faatino ai se polokalame aua le taumafai lea e toe siitia le totonu o le koko, popo ma le kofe. O lenei polokalame na amatalia ile resitalaina o le aufaifaatoaga o lo'o faatinoina nei atina'e ma faagasolo ai loa asiasiga o a latou fanua ma faatoaga ma tufatufa atu ai aupega aua le faatautaia o lenei polokalame. O lo'o faaaauina fo'i le faatinoga o auunaga masani aua le fesoasoani atu lea i le aufaifaatoaga, faifaiva ma le au failafumanu e ala lea i le galulue so'oso'o tau'au o paaga uma mo lenei vaega maoti aemaise ai le taumafai lea e faatino faiga pulega lelei. O lo'o faatautaia fo'i se poloketi o lo'o faatupeina e le Malo o Saina a faasino lea i le atina'eina o fuala'au aina ma fuala'au aina mata ala lea i le faia o ni ma'umaga mo nei atina'e aua le tali atu i mana'oga mai le vaega o turisi.

Faiga Faiva

O lo'o faaaauina pea auunaga a le Matagaluega o Faatoaga ma Faigafaiva aua le faaleleia o atinae tau faigafaiva e pei o le faia o suesuega ma fautuaga, mataituina ma faatonutonuina o vaa fagota, mataituina o i'a maua i faiva ma faatauina atu, ma le faasoina o i'a ma figota ma le puipuiga o le tatou sone saoloto mo faigafaiva. O lo'o faatinoina fo'i le vaavaia lelei o vaa fagota i o tatou ogasami, faatutuina o masini gaosi aisa mo le aufaifaiva ae faapea ai le faalauteleina o le uafu mo vaa fagota aua lava le uunaia o le atinae o faigafaiva. O lo'o uunaia foi polokalame mo le mamalu lautele o le atunu'u mo le puleaina o atinae o faigafaiva. Ua maea faatinoina ma ausia tulaga uma i le Taiala mo le Pulea ma le Atinae o le Tuna 2005-2009. Ua maea fo'i ona fausia le isi Taiala mo le pulea ma le Atinae o le Tuna 2011-2015 ma na tatalaina i le amataga o le tausaga 2011.

O le aso muamua o Iulai 2008 sa faatinoina ai le tuuititia o lafoga mo pisinisi o faigafaiva aua le uunaia o atinae tau faigafaiva. Sa faamaonia fo'i le amata pa'u o le sao o le atinae o i'a i le tamaoaiga ina ua tapunia le fale gaosi apa i'a i Amerika Samoa.

Pisinisi ma le Gaosiina o Oloa

E ui lava ina toe faaleleia le taulaga o Salelologa ma le fausiaina o le maketi fou i Vaitele, e le'i ausia le faatupula'ia o pisinisi ma fefaatauaiga e pei ona fuafuaina ma o le tele lava o faleoloa ma poloka o lo'o iai aua le mamalu o le au faipisinisi e le o faaaogaina. E ui fo'i lava ina taumafai le Malo e faatōsina le mamalu o le atunu'u ia nofoia le alalafaga o Falelauniu e ala lea i le faataugofieina lea o lisi mo e o lo'o

fia nonofo i lenei nu'u aemaise ai fo'i le tautunaina ona iai auala, eletise ma le suavai, e to'aititi lava tagata o lo'o lisiina nei fanua.

O le tele o atina'e i le Vaega o Pisinisi o lo'o faatautaia lea e faleoloa laiti i totonu o le atunu'u ma o le Vaega o le Gaosiina o Oloa o lo'o una'ia pea e le au faipisinisi o lo'o gaosiina oloa mai fua o faaeleeleaga aemaise ai fo'i le Yasaki o lo'o gaosiina uaea mo taavale ma auina atu i atunu'u i fafo.

O le atina'ega o le Vaega mo le Gaosiina o Oloa i totonu o Samoa e tele ona lu'itauina e le mamao tele o Samoa mai maketi a le lalolagi e ono faatauina atu ai nei oloa aemaise ai fo'i ona o le laititi o Samoa pe a faatusa i nisi atunu'u o lo'o tele a latou atina'e faapea. O nei tulaga uma e faafaigata ai ona siitia le tulaga o maketi mo oloa e gaosiina i Samoa aemaise ai fo'i le tau o nei atina'e. Ae peita'i, e ui lava ina laititi le Vaega o Pisinisi, o lenei vaega o le a faamoemoe ai auā le una'ia pea o le faatupulaia o le tamaoaiga, faaititia o le mativa ma le lē tagolima aemaise ai fo'i le faatupulaia lea o avanoa faigaluega e ala lea i le ave pea o le faamuamua i le atina'eina o le maketi mo pisinisi.

Atina'e o Taaloga

O Iulai 2010 sa falauiloaina ai le Faiga Faavae mo le Atina'e o Taaloga i lalo o le fesoasoani mai le Komisi mo Taaloga a Ausetalia. Sa mafai fo'i ona tali malō atu Samoa i le tele o ni taamilosaga faavaomalō ona o le taumafaiga a le SASNOC i le lagolago atu lea o le Pulega mo Fale Taalo o lo'o gafa ma le mataituina ma le vaavaiga o nei fale auā taaloga. O le Komiti Faafoe mo Taaloga i le Vasa Pasefika (Oceania) sa faatautaia se polokalame faaleaoaoga mo faiaoga ma e o lo'o pulea taaloga i le Atunu'u ma ua faavaeina fo'i se faailoga tauoloa i le Iunivesite Aoao o Samoa mo le Pulea o Taaloga ma le Faailoga mo Taaloga ma le Tino Malosi (Fitness). O lo'o faauuina pea fo'i galuega a le SASNOC aua le unaia lea o le tulaga o tagata taaalo e ala lea i a latou polokalame faapitoa. Ua mataituina fo'i le tele o polokalame a faasaga lea i taaloga o lo'o faatupeina i totonu o le Tala i le Tupe a le Malo.

Manulauti 3: Siitia Taunuuga o Aoga

O faailoilo aua le mataituina o le Vaega o Aoga o lo'o auina atu i le Pepa Faapipii 1 ma o lo'o auina atu ai fo'i ma faamaumauga e avea ma faitau amata mo le mataituina o lenei vaega i le lumana'i.

Sa faatautaia faatasi e le Matagaluega o Aoaoga, Taaloga ma Aganu'u ma ona paaga masani se iloilogaga mo le afa muamua o le *Taiala mo Faigafaavae ma Fuafuaga Faataatia mo le Matagaluega o Aoaoga, Taaloga ma Aganuu 2006 - 2015* ma sa ta'ita'ia lea e le Vaega o Fuafuaga o Faiga Faavae, Iloilogaga ma Suesega Tau Aoaoga a le Matagaluega. O lenei iloilogaga na faatulagaina ai vaega faamuamua e ala tatau ona faataunu'uina i totonu o le vaitaimi o lenei Taiala o lo'o totoe. O galuega aua le siitia lea o le tulaga o aoga fa'ata'ita'i e aofia ai le faatautaia o polokalame fa'alea'oa'oga mo faiaoga uma e faatupeina lea e le Matagaluega o Aoaoga, Taaloga ma Aganuu ma le fesoasoani mai o le Iunivesite Aoao o Samoa i lalo o le Vaega o A'oa'oga (FOE). Ua mae'a faavaeina fo'i se Tusi Faatonutonu aua le nofo malamalama o matua i le tausiga lelei lea o le atina'ega o le potu ma le atamai aemaise le malosi o le tino mo le fanau sa faatautaia lea i lalo o se fesoasoani mai le Faalapotopotoga o Malo Afaatasi mo A'oa'oga, Faasaienisi ma Aganu'u (UNESCO). O lo'o faamoemoe fo'i o le a amatalia le faatinoga o silapasi fou mo aoga tulaga muamua aemaise ai fo'i tusi faatonutonu mo faiaoga i le tausaga 2012 i lalo o le polokalame mo le atina'e o A'oa'oga o lo'o faatinoina nei. O Tapula'a Mo Auaunaga Faalea'oa'oga ua mae'a faamaonia ma sa amata faatinoina i le 2010 e ala lea i le Polokalame Faamāmāavega mo Pili Aoga i lalo o le fesoasoani mai o Malo a Niu Sila ma Ausetalia. O lenei Polokalame ua mafai ai ona faaaoga fua ai le toatele o le fanau i aoga tulaga muamua se'i vagana ai aoga tumaoti ma o lenei atina'e o lo'o faamoemoe e fesoasoani lea i le ausia o le faaaogaina o tamaiti uma o le atunu'u i aoga tulaga muamua aemaise ai fo'i le siitia o taunuuga o polokalame faaleaoaoga.

E 11 aoga tulaga lua ua mae'a nei ona toe faaleleia a latou faleaoga, i lalo o le Polokalame mo le Atina'eina o Aoaoga, ina ia mafai ona latou faatinoina suiga ua iai nei le silapasi aua le aoaoina lea o matata eseese aemaise ai fo'i le taumafai ina ia iai Vasega 13 mo le tele o nei aoga. Ua amatalia fo'i le faatinoga o le Taiala mo le Atinaega o Faiaoga ina ia faatupulaia ai le fuainumera o faiaoga ma ua mafai ona faavaeina lenei taiala ona o le galulue so'oso'o tau'au o le Matagaluega o Aoaoga, Taaloga ma Aganuu ma le Vaega mo Aoaoga a le Iunivesite Aoao o Samoa.

O lo'o galulue faatasi fo'i le Pulega o Faailoga ma Tusi Pasi Taualoa ma e o lo'o faatautaia polokalame faaleaoaoga matata eseese mo e ua mae'a aoga tulaga lua ina ia siitia le atina'ega o nei polokalame e ala lea ile una'ia o le galulue faatasi ma le faaaogaina lelei lea o fautuaga mai a latou paaga masani. O le Taiala mo le Faatinoga o Fuafuaga Faataatia mo Polokalame Faaleaoaoga mo Tagata ua ma'ea aoaoga Tulaga Lua (PSET) 2008 - 2016 sa faalauiloaina lea i le 2008 ma sa faavaeina ai fo'i ma se Fuafuaga Faataatia mo Galuega a le Pulega e limata'ita'iina ai le faatinoga o lea Taiala. O nisi galuega i lalo o lenei Taiala e aofia ai le faavaeina o se Taiala mo Fesootaiga mo paaga uma a le Pulega aemaise ai fo'i se lipoti aua le faalauiloaina o galuega ma atina'e eseese aua le siitia lea o faiga faavae aemaise le mataituina lelei o tapula'a mo tusi pasi taualoa. Ua mae'a faavaeina fo'i se Tusi Faatonotonu aua le amana'iaina ma le mataituina lelei o aoga matata eseese e le o i lalo o le vaavaiga a le Malo po'o le lotu fo'i. Ua mae'a fo'i o na faavaeina e le Iunivesite Aoao o Samoa se auala e limata'ita'ia ai le atina'eina o polokalame faaleaoaoga e ala lea i le iloiloaina o faiaoga ma mataupu matata eseese e faatautaia faatasi lea ma le Pulega o Tusi Pasi Taualoa aemaise ai ma e o lo'o a'oa'oina i nei polokalame.

Ua mae'a tapena fo'i e le Pulega ni tapula'a mo Faailoga ma Tusi Pasi Taualoa mo le vaega o Faatoaga, Turisi aemaise ai Fale'aiga ma Faletalimalo aua lava le taumafai lea ina ia o gatasi lelei faailoga tauoloa ma vaega uma ua ave iai le faamuamua aua le atina'e o le atunu'u. O lo'o iai fo'i le faamoemoe a le Pulega ina ia faavaeina ni tapula'a aua le atina'eina o le tomai ma le agava'a i le aganu'u ma a'oina ai matata e ono fesoasoani lea ile mafai ona faafaigaluegaina tagatanu' u aemaise ai fo'i le siitia lea o le tulaga o fefaatauaiga. O le nauta' iga mo nei tapula'a mo polokalame faaleaoaoga mo tagata ua mae'a aoaoga tulaga lua, ina ia mafai lea ona o gatasi lelei tomai ma agava'a o lo'o atina'eina ma vaega uma o lo'o faamuamua aua le siitia lea o le tulaga o le tamaoiga. O lo'o faatautaia fo'i e le Kolisi mo Matata Eseese a Ausetalia ma le Pasefika (APTC) ni polokalame e patino lea vaega o lo'o pito moomia ile tamaoiga aemaise ai auaunaga e fesoasoani atu ai i le atina'e o nu'u ma alalafaga ma le soifua maloloina.

O le tele o le fesoasoani mo le taumafai lea ina ia fa'aa'o'oga uma tamaiti e iai mana'oga faapitoa sa maua mai lea i lalo o le Polokalame Faapa'aga ale Malo o Ausetalia ma Samoa. E tolu ni taunuuga moomia na ausia mo le vaitausaga o lo'o iloiloaina i lalo o le Polokalame mo le Atinaega o le Aoaoina o Tamaiti e iai Manaoga Faapitoa (SIEDP). O nei taunuuga e aofia ai le siitia lea o le mafai ona maua avanoa e aoaoina ai, ma le faatupulaia o le fuainumera o tama ma teine e iai manaoga faapitoa o lo'o faaauu a latou aoga aemaise ai fo'i le siitia o a latou taumafaiga. E 331 tamaiti e iai mana'oga faapitoa sa mafai ona faaaoga i lalo o le polokalame a le SIEDP ma e tusa lea ma le 54% lona siitaga mai le 2009 ma e to'a 129 tamaiti na vave o'o atu ai le fesoasoani a le Matagaluega mo lenei lava polokalame. Sa faamauina le toatele o tamaiti e iai mana'oga faapitoa ua faalauiloaina mai ona lava o le siitia lea o le nofo malamalama o le mamalu o le atunu'u ile tataua lea ona faaaoga o nei fanau i so'o se mataupu po'o matata eseese fo'i i totonu o le atunu'u e ala lea i le faatautaia o polokalame faaleaoaoga. Pei ta'i e le'i faavaeina lelei se faiga faavae aemaise ai fo'i ni polokalame faata'ita'i e faasaga tonu lea ile faaauuina o le siitia o atina'e mo nei fanau e ui ina iai se Ofisa Faapitoa mo le Atina'e o le Aoaoina o Tamaiti e iai manaoga faapitoa ile Matagaluega o Aoga. E le'i amatalia fo'i galuega ina ia tuuina le Atina'e mo le Aoaoina o Tamaiti e iai Manaoga Faapitoa i totonu o polokalame masani a le Matagaluega aemaise ai fo'i suesuega faapitoa e ono fesoasoani atu ile faatautaia o lenei atina'e. E iai se vaega tupe faamealofa sa atofa faapitoa lea mo atina'e aua le

aoaoina o tamaiti e iai manaoga faapito ile 2009 ma sa fesoasoani atu lea i aoga e 24 aua le faatinoga o lenei polokalame.

Na tuufaatasia e le Matagaluega o Aoaoga, Taaloga ma Aganu'u se Faiga Faavae mo Taaloga ile tausaga 2010, e aofia ai polokalame aua le unaia lea o le atina'e o taaloga i totonu o aoga aemaise ai nuu ma alalafaga e ala lea i polokalame e pei o le Fiafia Sports ma le Community Outreach sa faapea ona faatupeina e le Malo o Ausetalia. O Ianuari 2011 na mae'a ai le tuufaatasia lea o se silapasi aua le Aoaoina lea o Mataupu Tau Soifua Maloloina ma le Faamalositino mo aoga tulaga muamua ma ua amata nei ona faatinoina i totonu o aoga. O le lona lua a'i nei o tausaga talu ona avea le Faamalositino ma mataupu i totonu o suega a le PSSC. O lo'o iai nei faailoga tauoloa mo le pulea o taaloga aemaise ai fo'i tusi pasi mo taaloga o lo'o faatautaia e le Aoga Faapisinisi ma Faatufugaga a le Iunivesite Aoa o Samoa ae peita'i, e le o mautinoa le faaauauina pea o nei polokalame ile lumana'i. O lo'o faaauauina pea le galulue faatasi o le Matagaluega ma Aoga mo Tagata e iai Manaoga Faapitoa aua le atina'eina ma le una'ia lea o taaloga faapitoa mo tagata e iai manaoga faapitoa e ala lea i ni polokalame faaletausaga.

Ua mae'a nei on tuufaatasia se Faiga Faavae mo le Aoaoina o le Aganu'u Samoa i lalo o fesoasoani mai lea a le UNESCO ae o lo'o talia se faamaoniga mai le Kapeneta. O lo'o faatinoina nei ile Iunevesite Aoa o Samoa se Faiga Faavae mo le Gagana Samoa ma i lalo o lenei faiga faavae ua faamalositia ai le avea o le Gagana Samoa i le Tausaga Faavae aemaise ai fo'i le aofia i mataupu masani mo le Aoga mo Matata Esee. Ua mae'a le atina'ega ma le toe faatulagaga o polokalame masani a le Vaega mo le Aoaoina o le Gagana ma le Aganu'u Samoa ina ia mafai ai ona faavaeina se faailoga tauoloa mo le Gagana ma le Aganu'u Samoa. Sa faatinoina fo'i e le Matagaluega o Aoaoga se Faigafaavae e Faamalositia ai le Faaogaina o Gagana uma e lua (Samoa ma le Peretania) mo polokalame ma lesona uma faaleaoaoga e ala lea i le faatinoga o le silapasi fou mo Aoga Tulaga Muamua aemaise ai fo'i le tuufaataisa o se Tusi Faatonutonu aua le faatinoga o lenei Faiga faavae. Ua iai nei avanoa mo tagata e faafaigaluega i faletusi o aoga taitasi aua le siitia lea o nei auunaga e aofia ai ma le faatauina mai lea o tusi faitau ma tusi faaleaoaoga sa faatupea lea mai le polokalame faamamā avega mo pili aoga (Samoa School Fees Grant Scheme).

Ua mae'a nei ona tufa ni tusi faaleaoaoga ma ni polokalame eseese e ono fesoasoani atu ai le aoaoina o fanau o lo'o faatupeina lea i lalo o le Vaega mo le Atina'ega o Silapasi a le Polokalame mo le Atina'e o Aoaoga. O lo'o faamalositia fo'i le faatautaia o galuega e limata'ita'ia ai le iloiloaina ma le siitia lea o le tulaga o faiga faavae ma metotia aua le faatinoga o taiala uma mo atina'e faaleaoaoga. O le Faigafaavae fou mo le Mataituina o Mataupu Faaleaoaoga sa faalauiloaina ia Iulai 2010 ma sa amata faatinoina i le tausaga faaletupe 2010/2011. O Tesema 2010 na mae'a tapena ai le Taiala mo le Faatinoga o Fuafuaga aua le tuuina mai o le suega PSSC e saunia ma faatautaia e le Matagaluega o Aoaoga mo aoga Samoa ma sa amata faata'ita'i nei galuega ile 2011.

O lo'o ave le faamuamua i le unaia lea o le faaogaina o auala faatekonolosi e aoaoina ai fanau aoga i lalo o le Polokalame mo Aoaoga Faatekonolosi ma Fesoatiga Lautele o lo'o faatupeina lea e le ADB aemaise ai fo'i le Polokalame ina ia Tofu le Tamaititi Aoga ma lona Masini Komipiuta Feavea'i (One laptop per child program). O lo'o fesoasoani fo'i ile faatinoga o nei galuega se Taavale o lo'o Feavea'i ai ni Masini Komipiuta aua le faaogaina e aoga e le o mauaina nei atina'e lea sa tatala aloa'ia ia Setema 2009 i lalo o le fesoasoani mai a le UNDP. E tusa ai ma polokalame mo Aoaoga-Faatenokolosi, e 37 aoga maualuluga sa amata ai lenei polokalame i le 2010 ma o lea o loo tau faamaeaina le fausiaina o atinae tetele ma e faamoemoa o le a mae'a le faatotogaina o nei atina'e i le faaiuga o le 2012. O loo faamalositia fo'i le faaleleia ma le pulea lelei o aseta o lo'o faaogaina mo atina'e uma faaleaoaoga e ala lea i le toe teuteuina o le Tusi Faatonutonu aua le mataituina ma le faaleleia o Fale Aoga ina ia o gatasi lelei ma tapula'a faatulagaina aua le vaavaia lelei o nei aseta. Ua faavaeina fo'i se Polokalame aua le Pulea Lelei o Vaega uma Faaleaoaoga ina ia siitia ai le vaavaiga ma le pulea lelei o auunaga uma faaleaoaoga. Ua amata fo'i le toe faatulagaga o le Vaega Maoti mo

Aoaoga aua le sauni atu lea i le faatinoga o le latou Polokalame Tuusao i le Tala Faatatau o Tupe (Budget Support Program).

Manulauti 4: Faaleleia le Soifua Maloloina

O faailoilo o le vaega o le Soifua Maloloina o loo faailoa atu i lalo o le vaega o Pepa Faaopoopo 1. O loo faapea ona faailoa mai ai ia fuainumera i tausaga ua mavae e faaoga mo le iloilo ma le suesueina o taunuuga o le vaega o le Soifua Maloloina.

Mo le ausiaina o le manulauti mo le Faaleleia o le Vaega o le Soifua Maloloina, o loo faapea ona faaauau ai le galulue faatasi o le Matagaluega o Soifua Maloloina ma ana paaga mo le faatinoina o taiala o loo i totonu o le Fuafuaga Faataatia mo le Vaega Maoti o le Soifua Maloloina 2008-2018. O le faatinoina o ia taiala e faatupeina e paaga ma faalapotopotoga mai fafo ma e faapitoa lava mo le unaia o le puipuia o le soifua maloloina ma le faamalosi o faiga faavae o lea vaega. Ua maea galuega faatino e limataitaiga ai ia nuu ma alalafaga mo auaunaga tau soifua maloloina lea o loo faaauau pea lona faatinoina e fomai a le Malo ma le vaega tumaoti. O loo faalauiloina le soifua maloloina i nuu ma alalafaga i le faatinoina o faamalosi tino ma le faia o le polokalame mo le faaleleia o meai paleni, ma o loo faatinoina nei galuega i le galulue faatasi o le Matagaluega o Soifua Maloloina faatasi ai ma le Matagaluega o Tina ma Tamaitai, Atinae o Nuu ma Afioaga ma Agafesootai. O polokalame mo le faalauiloina ma le puipuga mai Faamai le Pipisi, o loo faapea ona faalauiloinai i nuu ma alalafaga.

O le aotelega o le fuafuaga mo le auaunaga a le falemai o Tupua Tamasese Meaole (TTM) e taua tele mo atinae tetele e i ai le falefou o le Matagaluega o Soifua Maloloina ma le falemai fou, faatasi ai ma isi fuafuaga mo auaunaga a le soifua maloloina i nuu i tua.

O le iloiloga mo suiga o le vaega o soifua maloloina sa faapea ai ona tuu eseese galuega faatonutonu mai auaunaga lea ua maea i le amataga o le 2011. Sa faatinoina le Suesuega o le Soifuaga Lautele ma le Soifua Maloloina o Tagata i le 2009, ma e taua tele fuainumera sa maua mai ai mo fuafuaga mo le lumanai. Sa faapea ona iloilo faalua tupe faaalu mo le fuafuaga faataatia a le vaega o le soifua maloloina, ma ua maea ona faia ma tatalaina le Auiui mo le Mataituina ma le Iloilo i le amataga o le 2011. O loo faatinoina le iloilo i tausaga taitasi le vaega maoti o le soifua maloloina pe a faia latou fonotele. O loo faapea ona suesueina fesoasoani talafeagai mo vaega o le soifua maloloina o loo fia faaleleia.

Manulauti 5: Siitia le Tamaoiga ma le Soifuaga lautele, Faaleleia Pulega o Nuu

O faailoilo mo le atinae o nuu ma alalafaga o loo faailoa atu i lalo o le vaega o Pepa Faaopoopo 1. O loo faapea ona faailoa mai ai ia fuainumera i tausaga ua mavae e faaoga mo le iloilo ma le suesueina o taunuuga o le vaega o nuu ma alalafaga.

O le aganuu a Samoa e faavae mai lea i totonu o nuu ma alalafaga. Sa tapenaina e le Matagaluega o Tina ma Tamaitai, Atinae o Nuu ma Afioaga ma Agafesootai le Taiala mo Pulega Lelei i Nuu ma Alalafaga. O lea Taiala o loo faamamafa ai le faamalosi o faiga nuu ma pulega lelei. O loo faaauau pea e le Matagaluega le lagolago i le Faamalu mo Faalapotopotoga Tumaoti lea latou te fesoasoani e faafoia le tele o faalavelave pei o pulega saua.

Sa faapea ona le toe faia le polokalame mo le atinaeina o tupulaga talavou (TALAVOU) i le amataga o le 2011 ina ua maea ona iloilo le Faiga Faavae mo Tupulaga Talavou ma le pulega o fuainumera e faatatau i faafitauli o tupulaga talavou.

O loo galulue faatasi le Matagaluega o Leoleo, sui o nuu ma alalafaga ma le Matagaluega o Tina ma Tamaitai, Atinae o Nuu ma Afioaga ma Agafesootai mo le faalauiloaina o taiala mo le puipuia o solitulafono ma le tulaga saogalemu o nuu ma alalafaga. O Vaitele le nofoaga muamua o lo ua faatinoina ai le Polokalame mo le Vaaia ma le Puipuia o Aiga Tuaoi. Ua maea ona faatuina ofisa fou o leoleo i Afega, Lalomanu ma Vaitoomuli. Sa faapea ona faamaonia le Faiga Faavae mo le Puipuia o Solitulafono i le 2010. O loo faamamafa i le Fuafuaga Faataatia mo le Vaega o Tulafono ma Faamasinoga le puipuia ma le saogalemu o Samoa. Sa faatuina le soa komiti o le Vaega o Fuafuaga Faataatia mo Tulafono ma Faamasinoga latou te toe iloiloaina tulafono.

O loo faaauau pea galuega a le Matagaluega o Tina ma Tamaitai, Atinae o Nuu ma Afioaga ma Agafesootai mo le faatinoina o fuafuaga mo Tina ma Tamaiti i lona fesootai atu i faiga faavae faapea ma le o gatasi ma isi galuega e lei faatinoina i lalo o le Feagaiga Faavaomalo mo le Aveeseina o soo se Ituaiga Faailoga Tagata Faasaga i Tina ma Tamaitai ma le Feagaiga Faavaomalo mo Faamanuiaga Faavae o le Tamaititi. O le suesuega mo le puipuia o le tamaititi lea sa faatautaia i le lagolago a le UNICEF, lea ua maea i le 2011. E avea lenesi suesuega e fai ma faavae e tali atu ai mo le puipuia o tamaiti faapea polokalame o loo faagasolo.

Sa faamaonia e le kapeneta ia Oketopa 2008 le Komiti mo Tagata e i ai Manaoga Faapitoa. Sa faamaonia fo'i e le kapeneta ia Aperila 2009 le Faiga Faavae mo Tagata e i ai Manaoga Faapitoa 2009-2012. O loo faaauau e le Matagaluega o Tina ma Tamaitai, Atinae o Nuu ma Afioaga ma Agafesootai le faasoasoata o fesoasoani, ma o loo i ai fo'i le afaigaluega e gafa ma le mataituina ma le iloiloaina o faiga faavae faapea ai ma galuega faaauau mo tagata e i ai manaoga faapitoa.

O loo faaauau le lagolago a le Matagaluega o Faatoaga ma Faigafaiva mo le faaleleia o fanua ma le gataifale e ala atu lea i le faasoaina o tiapula, asiasi itumalo ma le vaega e gafa ma pulea lelei fuafuaga mo le gataifale o nuu.

Sa faatuina le Sosaiete e Lagolagoina Polokalame mo le Soifuaga Lautele i le 2010. O lea sosaiete e gafa lea ma le faamatuina atu o fesoasoani tau tupe e lagolago ai atinae ma e aafia ai fo'i tulaga tau aoaoga mo Faamalu mo Faalapotopotoga Tumaoti ua uma ona lesitala. O le Sosaiete e Lagolagoina Polokalame mo le Soifuaga Lautele o loo faatupeina e le Faalapotopotoga a Europa ma Ausetalia ma o loo atagia mai ai le taua o le fesootai atu o lea faalapotopotoga i le aotelega o le atinaeina o le atunuu. O loo faapea fo'i ona tuuina atu e le Sosaiete e Lagolagoina Polokalame mo le Soifuaga Lautele avanoa mo Faamalu mo Faalapotopotoga Tumaoti e latou te faatinoina ai isi polokalame.

Manulauti 6: Faaleleia Pulega

E tolu faailoilo mo le faaleleia o pulega:

- a) siitia togi i le faatulagaga o faailoilo a le Faletupe o le Lalolagi i le faatinoga o tautua a le Malo
- e) faia se auiliiliga mo le Fuafuaga o le Vaega o Pulega Faatonu a le Malo (faailo mo lea tulaga)
- i) siitia togi i le faatulagaga o faailoilo a le Faletupe o le Lalolagi i le Tausisia o Tulafono

Pulega Faatonu a le Malo o Samoa

Ua faapea ona maea tulaga tau aoaoga mo le Ofisa o le Suetusi Sili i le 2010. O loo faia fo'i polokalame tau aoaoga a le Ofisa o Fuainumera Faamauiina, Matagaluega a le Palemia ma le Kapeneta faapea ma le Matagaluega o Tupe Maua. O le iloiloaina o auunaga a le Malo lea sa faapea ona amataina i le faaiuga o le 2010. O lea tulaga sa faailoa ai le faatuina o nisi o pulega fou, ma o le fetuunaiga o galuega faatino sa faapea ona fai ai nisi o suiga lea sa faia i le 2003.

O le va o le Malo ma le mamalu lautele o loo faapea ona faaauau e ala atu i fonotaga a le Matagaluega o Tina ma Tamaitai Atinae o Nuu ma Afioaga ma Agafesootai ma Sui o le Nuu, Sui Tamaitai o le Nuu, faifeau ma le vaega o tupulaga talavou. O le faaleleia o le faia o faiga faavae ma le toe fetuunaiga o

polokalame lea sa amataina i le 2008 faatasi ai ma tulaga tau aoaoga mo le vaega o faiga faavae i le Matagaluega o le Palemia ma le Kapeneta. O nisi galuega faatino fou e aofia ai le iloiloina ma le talanoaina o le Tusi mo le Kapeneta ma le Tusi Faatonutounu mo Faiga Faavae.

O le faamalosia o pulega lelei ma le fetuunaiga o polokalame o loo faapea ona faaauuina. O loo taimua le Kapeneta ina ia faatumauiina le faatinoina ma le faamautinoaina o pulega lelei. O loo faaauu pea le iloiloina o le faatinoina o faatulagaga o agavaa faataitai. O le tulaga tau aoaoga mo le Ofisa o le Suetusi Sili sa faapea ona amataina ia Setema 2008 ma sa maea ia Aperila o le 2011. O ia aoaoga e fuafuaina e faaleleia ai galuega a le Ofisa o le Suetusi Sili. O loo fuafuaina fo'i e faamalosia ai tulafono, pulega o tagata faigaluega ma tulaga faatekenolosi. O le tulaga o le pulega o faamatalaga o le aufaigaluega o loo faapea ona faatautaia e le Komisi o Galuega a le Malo i nisi o matagaulega sa filifilia e faatino ai lea tulaga.

Puleaina o Tupe a le Malo

Ua maea i le amataga o le 2011 le faatinoina o le vaega 1 o le Fuafuaga mo le Faaleleia o le Pulega o Tupe, lea ua maea ai le faia o le Faiga Faavae mo Tupe Faameaalofa mai Fafu, Taiala mo le Puleaina o Nonogatupe, fesuaiga sa faia i Faalapotopotoga a le Malo lea sa fai ai suiga i vaega o Komiti Faatonu faapea ai ma fuafuaga mo le tala faatautu o le tupe mo le tolu tausaga o lumanai. E tolu fuafuaga faataatia mo vaega maoti lea ua maea ona faia mai lona aofaiga e 15. O le tele o ia fuafuaga faataatia mo vaega maoti e manaomia ai le faamaeaina o le auivi mo le mataituina ma le iloiloina o tupe faaalu. O le vaega muamua o le polokalame tau aoaoga mo le Matagaluega o Tupe Maua, sa amataina ia Novema 2010.

Fetuunaiga mo Faalapotopotoga Tumaoti a le Malo

Ua le toe i ai nei minisita ma tagata faigaluega a le Malo i Komiti Faatonu a Faalapotopotoga Tumaoti a le Malo, ona o le naunautaiga ina ia faamalosia pulega lelei. O le filifiliina o sui mo Komiti Faatonu sa faapea ona filifilia e le Komiti sa tofiaina e le Kapeneta.

Ua maea le faatumaotiina o le Faalapotopotoga o Faasalalaua a Samoa ma le SamoaTel i le 2008 ma le 2011, ae o le Faalapotopotoga o le Faleoloa o Faatoaga o loo fuafuaina e faataunuuna lona faatumaotiina i le tausaga faaletupe 2012/2013. Sa faatuina le Ofisa o le Pulega o Faatonutonuga mo Fesoataiga i le 2009. O lo ua faagasolo le faatuina o le Ofisa o le Pulega o Faatonutonuga mo le Vaega o le Eletise. Sa faapea ona faatuina ma tatalaina ia Iulai 2010 le Ofisa o Faaputuga Tupe teu Faafaigaluega o Mavaega Tausi a Samoa.

Fuainumera

O loo faapea ona faagasolo galuega faatino mo le faaleleia atoatoa o le aoina o fuainumera. Sa amataina le polokalame mo le faaleleia o galuega a le Ofisa o Fuainumera Faamauiina i le 2011, ma ua maea ona faia le Taiala mo Atinae o Fuainumera Faamauiina i Samoa 2011 – 2021. O le Faitau Aofai o Faatoaga ma Lafumanu sa faatinoina i le 2009 faatasi ai ma le Suesuega o le Soifuaga lautele ma le Soifua Maloloina o Tagata. O le Faitauga Aofai o Tagata ma Fale sa faatinoina i le 2011.

O pulega mo le mataituina o tagata faimalaga atu i fafo ma ulufale mai i le atunuu o lo ua faapea ona faaauu le tulaga sologa lelei, ma o lo ua mafai ona mauaina ai tagata faatupu faalavelave. O le Ofisa o Fuainumera Faamauiina ma le Pulega o Tagata Tafafao mai Fafu o lo ua faatagaina ona mafai ona iloa tagata malaga i fafo o Samoa ma ulufale mai i le atunuu.

O loo faaauu e le Matagaluega o Tupe Maua le faamalosia ma le mataituina o puipuiga mo oloa e sau i totonu o le atunuu ma le avatu i fafo o le atunuu e ala mai lea i le tulaga lelei o le Matagaluega i le faia o latou aoaoga e fesoasoani ai i le mauaina o laau faasaina i le uafu ma le malae vaalele. O ia galuega faatino o lo ua aafia atu ai ma le Falemeli ma le Uafu i Matautu.

Tulafono ma Faamasinoga

I le polokalame o le toe iloiloaina o tulafono, sa faapea ona faatuina ai le Komisi o le Toefuataiga o Tulafono ia Oketopa i le 2008. Sa faapea ona tutoatasi le Komisi o le Toefuataiga o Tulafono i le aso 1 Iulai 2011 ma le toe tauina ai ose vaega i lalo o le Ofisa o le Loia Sili. Ua maea iloiloaina e le Matagaluega o Faamasinoga ma Pulega Tau Faamasinoga ia le Tulafono o Teuteuga o le Tulafono o Mafuaaga o le Tatalaga o Faaipoipoga ma Faaipoipoga 2010, Tulafono o Teuteuga o le Tulafono o le Tausiga ma Faamaoniga o Tama 2010 faapea ma le Tulafono o Teuteuga o le Tulafono o le Pulega o Ata Tifaga 2010. O le faamalosi o le faaleleia o le Vaega e Tusia Tulafono a le Ofisa Sili o le Loia sa faapea ai ona le manaomiaina ai le aveeseina o lea vaega.

Sa faapea ona iloiloaina ia galuega uma ma fesootaiga a le Ofisa o le Loia Sili ma isi matagaluega a le Malo i totonu o le Fuafuaga Autasi 2008-2011. O le faaaogaina o tulaga tau tulafono i le va o le Ofisa o le Loia Sili ma matagaluega a le Malo o lo ua faapea ona faaleleia ona o le faaaogaina o le Tusi mo Tulafono faapea ai ma fonotaga a le Ofisa o le Loia Sili ma matagaluega uma a le Malo. Sa faapea fo'i ona iloiloaina Tulafono tau Pisinisi a le Malo.

O polokalame tau aoaoga mo le Matagaluega o Leoleo ma Falepuipui sa faapea ona faataunuaina i le lagolago malosia a le Ofisa o Leoleo a Ausetalia. Sa faapea ona faamatuina mai fo'i nisi alamanuia faapoopo e ala mai i le polokalame o le Vaega o Tulafono ma Faamasinoga mo le faaleleia o le vaega o falepuipui. Ua faapea ona maea le tulaga tau aoaoga a le Matagaluega o Faamasinoga ma Pulega Tau Faamasinoga lea sa faatupeina e Niu Sila i le 2009. Sa tatalaina i le 2010 le fale faamasino fou. Sa faapea ona faatinoina tulaga tau aoaoga o le Komesina o Sulufaiga. O le Tulafono o Fanua ma Suafa faapea ma le Tulafono o Solitulafono o lo ua faapea ona faamaea le iloiloaina. Ua maea ona iloiloaina faamaoniga o tulafono ma tulaga o le Faamasinoga Mauuluga.

O le faaleleia o faamatalaga ma le pulega o tagata faigaluega i le vaega o tulafono ma faamasinoga sa faapea ona faaleleia i le maea ai o le galuega tau Faamatalaga ma Fesootaiga Faaonaponei mo lea vaega, ma o loo faaleleia ai fo'i ia faamaumauga o Faamasinoga o Fanua ma Suafa ma le faatinoina o le Fuafuaga mo Pulega o Tagata Faigaluega.

Manulauti 7: Puipuiga o le Siosiomaga ma le Faaitiitia o Aafiaga o Faalavelave Faalenatura.

Ina ia mautinoa le solosolo lelei o atinae, o loo i ai le taua o le faataunuaina o iloiloga e faatatau i le siosiomaga ina ia mafai ona mataituina ai faafitauli ma taumafai e foia nei faafitauli i se taimi talafeagai. O loo ua avea ai le Matagaluega o Punaoa Faalenatura ma le Siosiomaga, ma vaega talafeagai latou te tuuina mai fautuaga ma iloiloga e fautuaina ai faaiuga talafeagai mo lelei o le soifuaga lautele, le tamaoiga ma le siosiomaga. O iloiloga tau le aafiaga faa-le-siosiomaga ma maliega tau atinae faaletulafono o vaega taua ia i le fuafuaina ma le iloiloaina o faagasologa o soo se atinae e fia faataunuaina. O loo faaauau pea le faamalosi o le usitaia o le Tulafono o Fuafuaga ma Pulega o Nofoga i Taulaga 2004 e ala lea i polokalame faalauiloa faapea ai ma asiasiga e mataituina ai atinae ua faamaonia.

O le fausiaina o taiala mo le Polokalame o le puipuia o le siosiomaga faalenatura mai fesuiaiga o le tau na faatinoina e le Matagaluega o Punaoa Faalenatura ma le Siosiomaga ma o loo latou faatinoina foi gaiogiga o loo i ai i totonu o fuafuaga faata'atitia i totonu o isi fuafuaga faata'atitia a isi vaega maoti. O le ala lea ua manatu ai nisi vaega maoti e tuuina foi i totonu o a latou fuafuaga faataatitia ia gaiogiga mo le aafiaga mai suiga o le tau.

Ona o faaletonu o le mataituina o le ola faalenatura ma le siosiomaga o le sami, o lea na atinaeina ai loa nofoaga faasao i Safata, Aleipata, Poutasi, Matareva ma Palolo Deep. E tusa ma le 20 nofoaga puipuia

sa atinaeina i totonu o nofoaga faasao i Safata ma Aleipata. Mulimuli ane sa telē se aafiaga o ia nofoaga faasao i le galulolo. Sa faatinoina galuega o le toe faaleleia o nofoaga faasao i Aleipata ma toe faailoa ai nofoaga puipuia o le sami faapea ai ma le toe totonu o toga togo i nofoaga lata ane i le matafaga. Ona o le polokalame o le fagotaina o le gataifale i nuu ma alalafaga, ua mafai ai ona faailoa ai nisi o nofoaga talafeagai e tataua ona faasao e ala lea i le galulue faatasi ma nuu ma alalafaga.

E ui ina maualuga le aofaiga o le lapisi ma otaota, o loo ua i ai taumafaiga e faaititia ai le otaota. O loo atinaeina le nofoaga i Tafaigata ma Vaiaata e faaaogaina ai taiala o loo faaaogaina i Fukuoka. O loo ua fausia foi i nofoaga e lafoai ai le otaota ni masini mo vai otaota mai le nofoaga o vai otaota lafoa'i i Apia. O le tulaga lelei o le suavai lafoa'i sa fausiaina ma galulue faatasi ai ma le Faalapotopotoga mo Polokalame tau le siosiomaga a le Pasefika le SPREP. Sa faataunuuna se polokalame faataitai i nofoaga ma pisinisi i le taulaga mo le faaleleia o tane o loo lafoa'i i ia otaota.

O taumafaiga e siitia le mataituina ma le vaaia lelei o fanua faasao i le vaaia lelei o le vaomatua e aofia ai le vaaia lelei o le vaomatua, o loo faaaunuuna sailiiliga i nofoaga puipuia o le vaomatua ma vaomatua faasao i Savaii faapea ai ma le siitia o le tomai mo i latou o loo mataituina laueleele faasao e ala i se fesoasoani mai le Malo o Iapani i le tausaga e 2009. O polokalame mo le toe faaleleia o le vaomatua e aofia ai ma le toe totonu o laau i nofoaga tu lata i le sami ma sa faatinoina i nofoaga uma sa aafia i le galulolo i le amataga o le tausaga 2010. Sa fausiaina foi tali galu ma toto ai laau i le maea ai ona fausia o tali galu ma sa toe faamalosi le totonu o laau i nofoaga maualalalo e tu lata i le sami.

O loo faaaunu pe a ona faamalosi e le Matagaluega o le Punaoa Faalenatura ma le Siosiomaga le toe totonu o laau i le vaomatua e ala i le galulue faatasi ma taitai i nuu ma alalafaga e ala i le atinaeina ma faatinoina o gaioiga faasao ma le toe totonu o laau e ala i faatoaga i se polokalame o loo faatupeina e le fesoasoani a le Malo o Ausetalia i le 2011. O laisene mo le faaaogaina o le suavai sa faalauiloaina e lima taitaiina ma faatonutonu ai le faaaogaina o le suavai.

O nisi polokalame e faatupeina mai fesoasoani mai fafo, ua maea ona fa'avaeina i lalo o le fuafuaga autu o le Faiga faavae mo le vaomatua. O le faatinoina o taiala mo le vaaiga o le gataifale ma le Taiala mo le Faatamaiaina o Manu Faalafua ma o lo'o lagolagoina e nuu ma alalafaga le fa'asaoina ma puipuiga o le ola faalenatura o manu eseese. Ua maea fo'i ona faatinoina le polokalame e faatamaiaina ai isumu faalafua o lo'o i le nuu o Nuulua ma Nuutele. O isi polokalame ua faataunu'uina e aofia ai le faatinoina o le faatamaiaina o le manu faalafua o le maina, faatasi ai ma le aveeseina o laau faalafua o lo'o ola i le mauga o Vaea ma le fanua fa'asao o i Vailima

O le fa'amalosi o le fa'aititia o kasa o'ona, ua fai ai su'esu'ega i malosiaga fa'afouina e talafeagai, fa'apea ai ma polokalame e fa'alauiloa ai le fuafua tataua ma le fa'aogaina lelei o malosiaga. Na fa'avaeina le Komiti o Malosiaga mo le fa'atonutonuina o mataupu tau Malosiaga i Samoa, e aofia ai ma le iloiloaga o talosaga tau malosiaga, ona tu'uina atu lea ma ona fautuaga mo le faaiuga o le kapeneta. O nisi malosiaga fa'afouina e aofia ai malosiaga mai le la, savili, suau'u e gaosia mai i le popo, suau'u e gaosia mai i le pafiki ma le malosiaga faafouina e gaosia mai i la'au, manu ma otaota.

O le fa'aititia o le aafiaga o le suiga o le tau i nu'u latalata i le sami, sa fa'atinoina ai e le Matagaluega o Puna'oa Fa'alenuatura ma le Siosiomaga faatasi ai ma le Matagaluega o Galuega, Felauaiga ma Atina'e Eseese ni polokalame e aofia ai le fausiaina o atina'e tetele latalata i le sami. O nisi nei o polokalame sa fa'ataunu'uina e tali atu i faalavelave fa'alenuatura ma fa'alavelave matuia mo le puipuiga o maota ma aseta i nuu ma alalafaga, o lo'o nonofo latalata i le sami, ma o lo'o a'afia i faalavelave fa'alenuatura ma fa'alavelave matuia.

O le isi laasaga o le mataituina o faalavelave faafuasei e le Ofisa e Tali atu i Faalavelave Faafuasei, e aofia ai le toe iloiloaina o le Fuafuaga Faataititia mo Faalavelave Faafuasei ia Fepuari 2011, ina ia mafai ona faailoa ni vaega e manaomia ona faaleleia ma ni faaletonu e tutupu mai pe a oo mai se

galulolo. Ua faapena ona faamaonia foi e le Malo le tuu faatasi o galuega mo le faaitiitia o aafiaga o faalavelave matuia ma fesuiaga o le tau i le atinaeina o fuafuaga autasi.

O faafanua mo lapataiga o le agai ese ai mai se galulolo o se tasi o galuega faatino sa lagolagoina e le malo o Niu Sila. Sa faatinoina suesuega i aafiaga o le galulolo i le atunuu atoa i le tausaga 2011. Ua maea foi ona fausia se fale fou i Faleata mo le faatinoina o Auaunaga tau faalavelave faafuasei. O fuafuaga mo faalavelave faafuasei mo nuu ma alalafaga sa aafia i le galulolo ua maea faatinoina faapea ai ma le fausiaina o auala e mafai ai ona agai ese atu ai pe a tupu mai se galulolo mo nuu ua filifilia. Sa fesoasoani mai le Malo o Amerika i le faatupeina ma tuufaatasi o masini i le ofisa o le Vaaitau mo le mataituina o mafuie ma galulolo, ma isi masini faaleoleo o lo'o i le Ofisa o Faalavelave Faafuasei. O Pulega o Galuega Faa-Tineimu i Samoa ua faavaeina ai le Vaega tau Fesootaiga mo Faalavelave Faafuasei, e manaomia pea le faaleleia aua le faalauaitelina atu i le atunuu atoa. O Pulega o Galuega Faa-Tineimu i Samoa sa latou auai i totonu o le faavaeina o lenei fuafuaga mo fesootaiga tau telefoni mo faalavelave faafuasei ma le amatalia o polokalame mo tagata galulue auauna atu e aunoa ma se totogi mo faalavelave faafuasei. O le Fuafuaga Aotetele Tau Tineimu sa atinaeina ma faamaoniaina i le amataga o le tausaga e 2009.

O lo'o faaauuina le faatinoina e le Pulega o Galuega Faa-Tineimu i Samoa aoaoga mo le galuega tau fesoasoani i tagata manu'a ae lei auina atu i le falema'i lea sa amataina ia Iulai 2009. O le fausiaina o fale e faatinoina ai aoaoga mo le Vasa Pasefika i totonu o Samoa ua faapitoa lea mo le faasauniuni ma le agavaa e tali atu ai i faalavelave faafuasei ma le matuia pe a tula'i mai.

Pepa Faapipii 1

Faailoilo mo le TAS 2008 - 2012

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO I AI)	2008/09	2009/10	2010/11	MATAGALUEGA O LO'O FAAMAUINA
Manulauti 1: Mausali le Tamaoaiga	Ia faatumauina le Paleni o Tala o le Tupa a le Malo i lalo ifo o le 3.5% o le tamaoaiga	3.3	6.0	11.0	9.3	Matagaluega o Tupe
	Tumau le tau o le soifuaga i le va o le 3.0- 4.0% i le tausaga	6.2	13.9	-0.21	2.1	Ofisa o Fuainumera
	Tausisia le 4-6 masina o tupe faagaga mo oloa faaulufale mai	5.0	5.1	7.6	6.4	Faletupe Tutotonu o Samoa
	Talafeagai le tau e fesuai ai le Tala e lagolagosua i oloa auina atu i fafo	95.55	106.14	104.24	104.26	Faletupe Tutotonu o Samoa

¹ E fua lea i le toe fetuunaiga o faamaumauga mo le tau o le soifuaga 2009/10

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
Manulauti 2: Unaia le Tamaoaiga ma Avanoa Faigaluega e le Vaega Tumaoti	Siitia le Tamaoaiga i le 3.0 - 4.0% i le tausaga	4.3	-5.1	0.4	2.1	Ofisa o Fuainumera
	Siitia avanoa faigaluega a le vaega tumaoti i le 2.5% i le tausaga	16,035 -1.3	14,296 -10.8	14,565 2.0	14,735 1.2	NPF
<i>(O Faamaumauga i Tausaga Faitau e pei ona masani ai)</i>	Siitia le tulaga a Samoa i Faailoilo mo le Faatautaia o Pisinisi a le Faletupe o le Lalolagi	2006 - 39 2007 - 41	2008 - 61 2009 - 64	2010 - 57	2011 - 61 2012 - 60	Fale Tupe a le Lalolagi
	Siitia le tulaga a Samoa i Aiaiga Faatonutonu a le Faletupe o le Lalolagi	2006 , -0.06 2007 , -0.08	2008 , -0.30	2009 , -0.26	2010 , -0.27	Fale Tupe a le Lalolagi
	Siitia le fuainumera o tagata asiasi mai i le 10% i le tausagam, mai le 115,882 i le 2006	130,606 5.6	131,648 0.8	129,227 -1.8	129,031 -0.2	Faletupe Tutotonu o Samoa

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
Manulauti 3: Siitia Taunuuga o Aoaoga <i>(O Faamaumauga uma mai le Matagaluega o Aoaoga o lo'o faamauina i Tausaga Faitau e pei ona masani ai)</i>	Faaauau le siitia o togi o le Vasega 4 i le Suega o Numerama le Faitautusi	2007 Pasene o tamaiti e le o manuia taumafaiga: English – 13% Samoan – 19% Numeracy – 27%	2008 Pasene o tamaiti e le o manuia taumafaiga : English – 20% Samoan – 23% Numeracy – 27%	2009 Pasene o tamaiti e le o manuia taumafaiga: English – 35% Samoan – 28% Numeracy – 22%	2010 Pasene o tamaiti e le o manuia taumafaiga : English – 35% Samoan – 28% Numeracy – 22%	Matagaluega o Aoaoga, Taaloga ma Aganuu
	Faaauau le siitia o togi o le Vasega 6 i le Suega o Numerama le Faitautusi	2007 Pasene o tamaiti e le o manuia taumafaiga : English – 56% Samoan – 12% Numeracy – 59%	2008 Pasene o tamaiti e le o manuia taumafaiga : English – 60% Samoan – 15% Numeracy – 60%	2009 Pasene o tamaiti e le o manuia taumafaiga : English – 56% Samoan – 14% Numeracy – 48%	2010 Pasene o tamaiti e le o manuia taumafaiga : English – 56% Samoan – 14% Numeracy – 48%	Matagaluega o Aoaoga, Taaloga ma Aganuu
	Siitia le pasene o tamaiti faaulu mo aoga tulaga muamua i le vaitausaga 2008-2012	2007 Male – 96% Female – 99% Total – 98%	2008 Male - 95% Female - 98% Total - 97%	2009 Male - 95% Female - 97% Total - 96%	2010 Male – 96% Female – 99% Total – 98%	Matagaluega o Aoaoga, Taaloga ma Aganuu

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
	Siitia le fuainumera o tamaiti amata i le Vasega 1 e ausia le Vasega 8	2007 Pasene o Tamaiti o lo'o faaauuina lava aoaoga mai le Vasega 1 - 8: 85%	2008 Pasene o Tamaiti o lo'o faaauuina lava aoaoga mai le Vasega 1 - 8: 81%	2009 Pasene o Tamaiti o lo'o faaauuina lava aoaoga mai le Vasega 1 - 8: 81%	2010 Pasene o Tamaiti o lo'o faaauuina lava aoaoga mai le Vasega 1 - 8: 83%	Matagaluega o Aoaoga, Taaloga ma Aganuu
	Faaitiitia le fuainumera o tamaiti e faamuta a latou aoaoga i le Vasega 8 ma le 9 (Aoga muamua agai i Aoga Tulaga Lua)	2007 9%	2008 10%	2009 9%	2010 9%	Matagaluega o Aoaoga, Taaloga ma Aganuu
	Siitia le tomaiti faitautusi o tamaiti 15 – 24 tausaga	2007 Samoa: 2006 – 90% Faaperetania: 2006 – 76% (Famauina i le Tusiga Igoa o le 2006)	2008 Samoa: 2006 – 90% Faaperetania: 2006 – 76% (Famauina i le Tusiga Igoa o le 2006)	2009 Samoa: 2006 – 90% Faaperetania: 2006 – 76% (Famauina i le Tusiga Igoa o le 2006)	2010 Samoa: 2006 – 90% Faaperetania: 2006 – 76% (Famauina i le Tusiga Igoa o le 2006)	Matagaluega o Aoaoga, Taaloga ma Aganuu

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
	Siitia le fuainumera o tamaiti faaulu i aoga faata'ita'i i le vaitausaga 2008 – 2012	2007 32%	2008 29%	2009 28%	2010 26%	Matagaluega o Aoaoga, Taaloga ma Aganuu
	Siitia le fuainumera o aoga faata'ita'i e ausia tulaga aupito mana'omia i le vaitaimi 2008 - 2012	2007 95%	2008 97%	2009 97%	2010 95%	Matagaluega o Aoaoga, Taaloga ma Aganuu
	Siitia le pasene o tamaiti aoga e ausia le Vasega 12 i le vaitausaga 2008 - 2012	2007 Pasene o Tamaiti o lo'o faaauuina lava aoaoga mai le Vasega 9 - 12: 79% Pasene o Tamaiti o lo'o faaauuina lava aoaoga mai le Vasega 9 - 13: 44%	2008 Pasene o Tamaiti o lo'o faaauuina lava aoaoga mai le Vasega 9 - 12: 73% Pasene o Tamaiti o lo'o faaauuina lava aoaoga mai le Vasega 9 - 13: 45%	2009 Pasene o Tamaiti o lo'o faaauuina lava aoaoga mai le Vasega 9 - 12: 73% Pasene o Tamaiti o lo'o faaauuina lava aoaoga mai le Vasega 9 - 13: 43%	2010 Pasene o Tamaiti o lo'o faaauuina lava aoaoga mai le Vasega 9 - 12: 73% Retentionyr9-yr13: 46%	Matagaluega o Aoaoga, Taaloga ma Aganuu

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
	Tutusa le pasene o tama ma teine Aoga Tulaga Lua	2007 0.47:0.53	2008 0.48:0.52	2009 0.47:0.52	2010 0.47:0.53	Matagaluega o Aoaoga, Taaloga ma Aganuu
Manulauti 4: Faaleleia le Soifua Maloloina	Faaitiitia le pasene o pepe maliliu e i lalo ifo o le 1 tausaga	12.5	13.9			Matagaluega o le Soifua Maloloina
	Faaitiitia le pasene o tamaiti maliliu lalo ifo o le 5 tausaga	17.5	18.0			Matagaluega o le Soifua Maloloina
	Siitia le fuainumera o tamaiti tasi tausaga le matutua ua maea faia tui-puipui mo le misela	63.0%	91.5%	63.0%		Matagaluega o le Soifua Maloloina

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
	Faaitiitia le fuainumera o Tina Maitaga e maliliu	2.8	2.0			Matagaluega o le Soifua Maloloina
	Siitia le fua faatatau o tamaiti ua maea faia tui puipui (nuu i tua)		Nuu i tua o Upolu 91.0% Savaii 91.0%	Nuu i tua o Upolu 74.6% Savaii 71.0%	Nuu i tua o Upolu 39.0% Savaii 84.0%	Matagaluega o le Soifua Maloloina
	Siitia le pasene o pepe fananau mai e vaaia e le aufai-galuega ua iai tomai ma agavaa	100%	100%	97%	96%	Matagaluega o le Soifua Maloloina
	Faaitiitia faamai o le suka, toto maualuga ma le tino puta	Ma'i Suka: 21.5% (2002) Toto Maualuga: 21.2% (2002) Tino Puta: 54.8% (2002)	Ma'i Suka : 21.5% Toto Maualuga : 21.2% Tino Puta : 85.2%			Matagaluega o le Soifua Maloloina

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO IAI)	2008/09	2009/10	2010/11	MATAGALUEGA O LO'O FAAMAUINA
	Mataitu lelei aafiaga ma le televave o e maliliu i le faamai o le HIV/AIDS	E ua aafia = 1.0% Tagata maliliu = 0.4%	E ua aafia = 0.7% Tagata maliliu = 0.05%	E ua aafia = 0.05% Tagata maliliu = 0%	E ua aafia = 0.7% Tagata maliliu = 0%	Matagaluega o le Soifua Maloloina & Ofisa o Auaunaga Faale Soifua Maloloina
	Faaitiitia le fuainumera o faamai pipisi mafua mai feusuaiga	6.1% (Aafia ai na'o ē sa lipotia i le Vaega Faapitoa mo Faamai Pipisi mai Feusuaiga ma le Falema'i TTM)	32.8%	39.2% (lipotia mai i falema'i tumaoti ma falema'i a le Malo)	61.0% (lipotia mai i falema'i tumaoti ma falema'i a le Malo)	Matagaluega o le Soifua Maloloina
	Faaitiitia le fuainumera o latou e maliliu ona o le Fatafata vaivai	E ua aafia ile TB = 1.4% Tagata maliliu mai ile TB = 0.07%	E ua aafia ile TB = 0.7% Tagata maliliu mai ile TB = 0.1%	E ua aafia ile TB = 1.0% Tagata maliliu mai ile TB = 0.2%	E ua aafia ile TB = 0.8% Tagata maliliu mai ile TB = 0.2%	Matagaluega o le Soifua Maloloina & Ofisa o Auaunaga Faale Soifua Maloloina
Manulauti 5: Atinae o Nuu ma Alalafaga - Siitia le Tamaoaiga ma le Soifuaga Lautele, Faaleleia Pulega o Nu'u	Faaitiitia le fuainumera o feseeseaiga i itu tau fanua ma suafa (aiga/ nuu ma le tuufaatasiga)	576	792	809	235	Matagaluega o Faamasinoga ma le Faafoeina o Tulaga Tau Faamasinoga

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO I AI)	2008/09	2009/10	2010/11	MATAGALUEGA O LO'O FAAMAUINA
	Siitia le fuainumera o pulega a alii/ komiti a tina e auai i aoaoga o le tomai i itu tau pulega ma taitaiga lelei	182	169	180	184	Matagaluega o Tina ma Tamaitai, Atinae o Nuu, Afioga ma Aga Fesoota'i
<i>(O Faamaumauga i Tausaga Faitau e pei ona masani ai)</i>	Siitia le fuainumera o aiga e maua avanoa i polokalame faaunegatupe laiti (WIBDI, SBEC, SPBD, ma isi)	2007 2,855	2008 2,880	2009 5,524	2010 5,736	SBEC WIBDI SPBD

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO I AI)	2008/09	2009/10	2010/11	MATAGALUEGA O LO'O FAAMAUINA
	Siitia le fuainumera o tupulaga talavou e auai i Polokalame mo Faailoga ma Fuafuaga fou	9	9	11	11	Matagaluega o Tina ma Tamaitai, Atinae o Nu'u, Afioga ma Aga Fesoota'i
Manulauti 6: Faaleleia Pulega <i>(O Faamaumauga i Tausaga Faitau e pei ona masani ai)</i>	Siitia togi i le faatulagaga o faailoilo a le Faletupe o le Lalolagi i le faatinoga o tautua a le Malo	2006, 0.25 2007, 0.17	2008, 0.15	2009, 0.02	2010, -0.02	Faletupe a le Lalolagi
	Iloiloga a le Komiti Faafoe o le PASP					Komisi o Tagata Faigaluega a le Malo
	Siitia togi i le faatulagaga o faailoilo a le Faletupe o le Lalolagi i le Tausisia o Tulafono	2006, 0.94 2007, 0.90	2008, 0.79	2009, 0.66	2010, 0.65	Faletupe a le Lalolagi

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO I AI)	2008/09	2009/10	2010/11	MATAGALUEGA O LO'O FAAMAUINA
Manulauti 7: Puipuiga o le Siosiomaga ma le Faaitiitia o Aafiaga o Faalavelave Faa- le-natura	Siitia le pasene o laufanua e iai le vaomatua	90,444 Ha (31%)	121,000 Ha	171,000 Ha	154,987 Ha	Matagaluega o Punaoa Faanatura male Siosiomaga
	Siitia le fuainumera o laau toto mo faasao o le vaomatua a Nuu ma Alalafaga	136, 884	158,184	170,784	175,200	Matagaluega o Punaoa Faanatura male Siosiomaga
	Siitia le aofai o vaomatua ma nofoaga o loo puipua	120, 840 Ha (42%)	120, 840 Ha (42%)	120, 840 Ha (42%)	136,853 Ha	Matagaluega o Punaoa Faanatura male Siosiomaga
	Siitia le pasene o le eletise e maua mai malosiaga faafouina	42.1	36.2	43.0		EPC

MANULAUTI	FAAILOILO	FAITAU AMATA 2007/08 (POO FAAMAUMAUGA O LOO I AI)	2008/09	2009/10	2010/11	MATAGALUEGA O LO'O FAAMAUINA
	Siitia le pasene o tagatanuu ua mafai ona faaleleia ma faamamaina suavai leaga	91% i le Taulaga o Apia o lo'o faaaogaina fale lēta'ua faatulagaina (Tusiga Igoa 2006); 834 Aiga (10%) ²			1,457 Aiga (82% Fale o lo'o nonofo ai Aiga)	Matagaluega o Punaoa Faanatura male Siosiomaga
	Siitia le pasene o tagatanuu ua maua le suavai faamama	22.4% (Iulai 2004) ³ 65% o aiga o lo'o i lalo o auanaga a le SWA o lo'o mauaina le suavai ua mae'a faamamaina	65% o aiga o lo'o i lalo o auanaga a le SWA o lo'o mauaina le suavai ua mae'a faamamaina	75% o aiga o lo'o i lalo o auanaga a le SWA o lo'o mauaina le suavai ua mae'a faamamaina	80% o aiga o lo'o i lalo o auanaga a le SWA o lo'o mauaina le suavai ua mae'a faamamaina	Pulega a le Suavai
	Pasene o atinae faamaonia faatusatusa i talosaga uma e faaoo mai	83%	97%	82%	98%	Matagaluega o Punaoa Faanatura male Siosiomaga

² O lenei faamaumauga sa maua lea mai suesuega sa faatautaia ele Pulega mo le Suavai i lalo o le Polokalame mo Alavai ma Nofoaga Faamama ai Vail lafoa'i ile faaiuga o le 2006 lea sa faatautaia i ni nu'u e 13 i totonu o le taulaga o Apia. O nei nu'u e aofia ai Fugalei, Savalalo, Saleufi, Taufusi, Togafuafua, Tufuiopa, Leifiifi, Maluafou, Aai o Niue, Apia, Tauese, Matafele ma Vaimoso.

³ Faavaeina lea mai ni faamaumauga i totonu o le Fuafuaga Faataatia mo le Suavai, Itulau .22. [E 68% o le atunu'u o lo'o mauaina auanaga a le Pulega mo le Suavai ma na'o le 1/3 o lenei fuainumera o lo'o mauaina le suavai ua mae'a faamamaina].